

J. Richardson.

E L E C T A
EX
O V I D I O
ET
T I B U L L O,
IN USUM
REGIÆ SCHOLÆ ETONENSIS.
PARS PRIMA.



ETONÆ:
Typis J. POTE, Bibliopolæ, & Typographi.

Anno Dom. MDCCLIII.

LECTA

VIDIO

TIBULLO



[1]

EX
OVIDIO.

DEIANIRA HERCULI.

ARGUMENTUM.

Herculem Eurystheus, rex Mycænarum, Junonis instructus dolis, ut sic periret, ad labores arduos incitavit. Qui tamen semper victor evasit. Verum enim, cæteris monstris fortiter superatis, amor succubuit. Deianira, OËnei regis Calydonis filia, uxor ejus, Ioles amore offensa, redigit illi ad animum ante portas honestates, præclaraque facinora, ut ad exemplum illorum suos jam mores æstimet. Hæc autem scribenti nunciatur Herculis calamitas, quam veste Nessi Centauri, virulento sanguine tinctâ, ipsique à se missâ, induxerat, cui inesse vim revocandi eum ab alienis amoribus credebat; gravissimo igitur dolore oppressa, facinus suum purgare studet; denique suspendio vitam finire cogitat.

- G** Ratulor Œchaliæ titulis accedere vestris :
 Victorem victæ succubuisse queror.
 Fama Pelasgiadas subito pervenit in urbes
 Decolor, et factis inficienda tuis ;
 5 Quem nunquam Juno, seriesque immensa la-
 borum
 Fregerit ; huic Iölen imposuisse jugum.
 Plus tibi, quam Juno, nocuit Venus. Illa
 premendo
 Sustulit : hæc humili sub pede colla tenet.
 Respice vindicibus pacatum viribus orbem,
 10 Quà latam Nereus cæruleus ambit humum :
 Se tibi pax terræ, tibi se tuta æquora debent :
 Implèsti meritis Solis utramque domum.
 Quod te laturum est, cælum prior ipse tulisti :
 Hercule supposito sidera fulsit Atlas.
 15 Quid nisi notitia est misero quæsitæ pudori,
 Si maculas turpi facta priora notâ ?
 Tene ferunt geminos pressisse tenaciter angues,
 Cùm tener in cunis jam Jove dignus eras ?
 Cœpisti melius, quam desinis : ultima primis
 20 Cedunt : dissimiles hic vir et ille puer.
 Quem non mille feræ, quem non Stheneleüs
 hostis,
 Non potuit Juno vincere ; vincit Amor.
 Meandros, toties qui terris errat in isdem,
 Qui lapsas in se sæpe retorquet aquas ;

Vidit

DE IANIRA HERCULI. 3

- 25 Vidit in Herculeo suspensa monilia collo ;
 Illo, cui cœlum sarcina parva fuit.
 Non puduit fortes auro cohibere lacertos,
 Et solidis gemmas apposuisse toris.
 Nempe sub his animam pestis Nemeæa lacertis
 30 Edidit : unde humerus tegmina lævus habet.
 Ausus es hirsutos mitrâ redimire capillos :
 Aptior Herculeæ populus alba comæ.
 Nec te Mæoniâ, lascivæ more puellæ,
 Incingi zonâ dedecuisse putas ?
 35 Non tibi succurrit crudi Diomedis imago,
 Efferus humanâ qui dape pavit equas ?
 Si te vidisset cultu Busiris in isto ;
 Huic victor victo nempe pudendus eras.
 Detrahat Antæus duro redimicula collo ;
 40 Ne pigeat molli succubuisse viro.
 Inter Ioniacas calathum tenuisse puellas
 Diceris ; & dominæ pertimuisse minas.
 Non fugis, Alcide, victricem mille laborum
 Rafilibus calathis imposuisse manum ?
 45 Crassaque robusto deducis pollice fila,
 Æquaque formosæ pensa rependis heræ ?
 Ah quoties, digitis dum torques stamina duris,
 Prævalidæ fusos comminuere manus !
 [Credetis, infelix, scuticæ tremefactus habenis,
 50 Ante pedes dominæ pertimuisse minas.]
 Eximiis pompis præconia summa triumphî,
 Factaque narrabas dissimulanda tibi.

- Scilicet immanes elisis faucibus hydros
Infantem cunis involuisse manum.
- 55 Ut Tegeæus aper cupressifero Erymantho
Incubet, & vasto pondere lædat humum.
Non tibi Threïciis affixa penatibus ora,
Non hominum pingues cæde tacentur equæ.
Prodigiumque triplex, armenti dives Iberi
- 60 Geryones; quamvis in tribus unus erat.
Inque canes totidem trunco digestus ab uno
Cerberus, implicitis angue minante comis.
Quæque redundabat fœcundo vulnere serpens
Fertilis, et damnis dives ab ipsa suis.
- 65 Quique inter lævumque latus lævumque lacertum
Prægrave compressâ fauce pependit onus.
Et male confisum pedibus formæque bimembri
Pulsam Thessalicis agmen equestre jugis.
Hæc tu Sidonio potes insignitus amistu
- 70 Dicere? non cultu lingua retenta filet?
Se quoque Nympha tuis ornavit Iardanis armis,
Et tulit è capto bina tropæa viro.
I nunc, tolle animos, et fortia gesta recense.
Quod tu non esses jure, vir illa fuit.
- 75 Illi procedit rerum mensura tuarum.
Cede bonis: hæres laudis amica tuæ.
Pro pudor! hirsuti costas exuta leonis,
Aspera texerunt vellera molle latus.
Falleris, et nescis: non sunt spolia ista leonis,
- 80 Sed tua; tuque feri victor es; illa tui.

DEIANIRA HERCULI. 5

Fœmina tela tulit Lernæis atra venenis,

Ferre gravem lanâ vix satis apta colum :

Instruxitque manum clavâ domitricæ ferarum :

Vidit et in speculo conjugis arma sui.

85 Hæc tamen audieram : licuit non credere famæ.

En venit ad sensus mollis ab aure dolor.

Ante meos oculos adducitur advena pellex :

Nec mihi, quæ patior, dissimulare licet.

Non finis averti ; mediam captiva per urbem

90 Invitis oculis aspicienda venit :

Nec venit incultis, captarum more, capillis,

Fortunam vultus fassa tegendo suos :

Ingreditur latè lato spectabilis auro :

Qualiter in Phrygia tu quoque cultus eras.

95 Dat vultum populo sublimè sub Hercule victo :

Œchaliâ vivo stare parente putes.

Forfitan et, pulsâ Ætolide Deïanirâ,

Nomine deposito pellicis, uxor erit ;

Eurytidosque Ioles, atque infani Alcidaë

100 Turpia famosus corpora junget Hymen.

Mens fugit admonitu, frigusque perambulat
artus,

Et jacet in gremio languida facta manus.

Me quoque cum multis, sed me sine crimine
amâsti :

Ne pigeat, pugnæ bis tibi causa sui.

105 Cornua flens legit ripis Achelouïs in udis,

Truncaque limosâ tempora merfit aquâ.

Semivir

Semivir occubuit in letifero Eveno

Nessus ; et infecit sanguis equinus aquas.

Sed quid ego hæc refero ? scribenti nuncia venit

110 Fama, virum tunicæ tabe perire meæ.

Hei mihi ! quid feci ? quo me furor egit amantem ?

Impia quid dubitas Deïanira mori ?

An tuus in mediâ conjux lacerabitur Cætâ ?

Tu, sceleris tanti causa, superstes eris ?

115 Si quid adhuc habeo facti, cur Herculis uxor

Credar, conjugii mors mihi pignus erit.

Tu quoque cognosces in me, Meleagre, sororem.

Impia quid dubitas Deïanira mori ?

Heu devota domus ! folio sedet Agrios alto :

120 Cænea desertum nuda senecta premit.

Exulat ignotis Tydeus germanus in oris.

Alter fatali vivus in igne fuit.

Exegit ferrum sua per præcordia mater,

Impia quid dubitas Deïanira mori ?

125 Deprecor hoc unum, per jura facerrima lecti ;

Ne videar fati infidiata tuis.

Nessus, ut est avidum percussus arundine pectus,

Hic, dixit, vires sanguis amoris habet.

Illita Nessleo nisi tibi texta veneno.

130 Impia quid dubitas Deïanira mori ?

Jamque vale, seniorque pater, germanaque Gorge,

Et patria, et patriæ frater adempte tuæ.

Et tu lux, oculis hodierna novissima nostris,

Virque (sed ô possis !) et puer Hylle, vale

M E D E A

MEDEA JASONI.

ARGUMENTUM.

Jason, cū primum Colchon attigit, à Medea, Ætæ Colchorum regis filiâ, receptus est, & amatus; quæ interpositâ conjugii sponsione, illum edocuit, quonam pacto ad optatam perveniret prædam. Aureo igitur vellere raptο, clam cum Medea fugam arripuit. Quos cum insequeretur Ætæ, illa Absyrti fratris, quem secum ducebat, occisi membra dispersit: ut ita patrem ossa filii legentem moraretur. Et sic incolumes in Thessaliam tandem devenerunt: ubi Æsonem Jasonis patrem, annis jam decrepitum, ad viridem ætatem reduxit. Jason dein Medeam repudiavit: & Creusam, Creontis regis Corinthiorum filiam, uxorem assumpsit. Furibunda igitur Medea ad Jasonem scripsit, ingratum ejus animum accusat, præsentemque ultionem, nisi recipiatur, interminatur.

AT tibi Colchorum (memini) regina vacavi;
 Ars mea, cū peteres, ut tibi ferret opem,
 Tunc, quæ dispensant mortalia fila, sorores
 Debuerant fusos evoluisse meos.

- 5 Tunc potui Medea mori bene. Quicquid ab illo
 Produxi vitæ tempore, pœna fuit.
 Hei mihi! cur unquam juvenilibus acta lacertis
 Phryxæam petiit Pelias arbor ovem?

Cur

- Cur unquam Colchi Magnetida vidimus Argô :
 10 Turbaque Phasiacam Graia bibistis aquam ?
 Cur mihi plus æquo flavi placuere capilli ;
 Et decor, & linguæ gratia ficta tuæ ?
 At (semel in nostras quoniam nova puppis arenas
 Venerat, audaces attuleratque viros)
 15 Isset anhelatos non præmedicatus in ignes
 Immemor Æsonides, oraque adunca boum ;
 Semina jecisset ; totidemq; resumeret hostes,
 Ut caderet cultu cultor ab ipse suo.
 Quantum perfidiæ tecum, scelerate, perisset !
 20 Dempta forent capiti quam mala multa meo !
 Est aliqua ingrato meritum exprobrare voluptas.
 Hâc fruar : hæc de te gaudia sola feram.
 Jussus inexpertam Colchos advertere puppim,
 Intrâsti patriæ regna beata meæ.
 25 Hoc illic Medea fui, nova nupta quod hîc est.
 Quàm pater est illi, tàm mihi dives erat.
 Hic Ephyren bimarem ; Scythiæ latus ille nivosa
 Omne tenet, Ponti quâ plaga læva jacet.
 Accipit hospitio juvenes Æëta Pelasgos,
 30 Et premitis pictos corpora Graia toros.
 Tunc ego te vidi : tunc cœpi scire quid esses.
 Illa fuit mentis prima ruina meæ.
 Ut vidi, ut perii ! nec notis ignibus arsi.
 Ardet ut ad magnos pinea tæda Deos.
 35 Et formosus eras, et me mea fata trahebant.
 Abstulerant oculi lumina nostra tui.

Perfide,

M E D E A J A S O N I. 9

- Perfide, sensisti : quis enim bene celat amorem ?
 Eminent indicio prodita flamma suo.
 Dicitur interea tibi lex ; ut dura ferorum
 40 Insolito premeres vomere colla boum.
 [Martis erant tauri plus, quàm per cornua, sævi ;
 Quorum terribilis spiritus ignis erat.]
 Ære pedes solidi, prætentaque naribus æra :
 Nigra per afflatus hæc quoque facta suos.
 45 Semina præterea populos genitura, juberis
 Spargere devotâ lata per arva manu,
 Qui peterent secum natis tua corpora telis.
 Illa est agricolæ messis iniqua suo.
 Lumina custodis succumbere nescia somno
 50 Ultimus est aliquâ decipere arte labor.
 Dixerat Æëtes. Mcesti consurgitis omnes :
 Mensaque purpureos deserit alta toros.
 Quàm tibi nunc longè regnum dotale Creüsæ,
 Et socer, et magni nata Creontis erant ?
 55 Tristis abis. Oculis abeüntem prosequor udis :
 Et dixit tenui murmure lingua, *Vale*.
 Ut positum tetigi thalamo male faucia lectum ;
 Acta est per lacrymas nox mihi, quanta fuit.
 Ante oculos taurique meos, segetesque nefandæ ;
 60 Ante meos oculos pervigil anguis erat.
 Hinc amor, hinc timor est : ipsum timor auget
 amorem.
 Mane erat, et thalamo chara recepta soror ;

C

Disjectam-

Disiectamque comas, averſaque in ora jacentem
Invenit, et lacrymis omnia plena meis.

65 Orat opem Minyis : petit alter, et alter habebit.

Æſonio juveni, quod rogat illa, damus.

Est nemus et piceis et frondibus ilicis atrum :

Vix illuc radiis ſoliſ adire licet.

Sunt in eo, fuerantque diu, delubra Dianæ :

70 Aurea barbaricâ ſtat Dea facta manu.

Nefcio an exciderint mecum loca. Venimus
illuc.

Orſus es infido ſic prior ore loqui :

Jus tibi et arbitrium noſtræ Fortuna ſalutis

Tradidit : inque tuâ vitæque morſque manu.

75 Perdere poſſe ſat eſt ; ſi quem juvat ipſa poteſtas.

Sed tibi ſervatus gloria major ero.

Per mala noſtra precor, quorum potes eſſe leva-
men ;

Per genus et numen cuncta videntis avi ;

Per triplicis vultus, arcanaque ſacra Dianæ ;

80 Et ſi forte alios gens habet iſta Deos :

O virgo, miſerere mei ; miſerere meorum !

Effice me meritis tempus in omne tuum.

Quod ſi forte virum non dedignare Pelasgum,

(Sed mihi tam faciles unde meoſque Deos ?)

85 Spiritus ante meus tenues vanescat in auras,

Quàm thalamo, niſi tu, nupta ſit ulla meo.

Conſcia ſit Juno, ſacris præſecta maritis ;

Et Dea, marmoreâ cujus in æde ſumus.

Hæc

M E D E A J A S O N I. 11

Hæc animum (et quota pars hæc sunt ?) movêre
puellæ

90 Simplicis ; et dextræ dextera juncta meæ.
Vidi etiam lacrymas : an pars est fraudis in illis ?
Sic cito sum verbis capta puella tuis.

Jungis et æripedes inadusto corpore tauros,
Et solidam jussu vomere findis humum.

95 Arva venenatis pro femine dentibus imples :
Nascitur, et gladios scutaque miles habet.
Ipsa ego, quæ dederam medicamina, pallida sedi ;
Cùm vidi subitos arma tenere viros.

Donec terrigenæ (facinus miserabile) fratres

100 Inter se strictas conseruere manus.
Pervigil ecce ! draco squamis crepitantibus horrens
Sibilat ; et torto pectore verrit humum.

Dotis opes ubi tunc ? ubi tunc tibi regia conjux ?
Quique maris gemini destinet Isthmos aquas ?

105 Illa ego, quæ tibi sum nunc denique barbara facta,
Nunc tibi sum pauper, nunc tibi visa nocens,
Flammea subduxi medicato lumina somno :

Et tibi, quæ raperes, vellera tuta dedi.

Proditus est genitor : regnum patriamque reliqui :

110 Munus, in exilio quod licet esse, tuli.

At non te fugiens sine me, germane, reliqui.

Deficit hoc uno litera nostra loco.

Quod facere ausa mea est, non audet scribere
dextra.

Sic ego, sed tecum, dilaceranda fui.

- 115 Nec tamen extimui (quid enim post illa timerem?)
 Credere me pelago fœmina, jamque nocens.
 Numen ubi est? ubi Dî? meritas subeamus in
 alto,
 Tu fraudis pœnas, credulitatis ego.
 Compressos utinam Symplegades elisissent.
 120 Nostraque adhærerent ossibus ossa tuis!
 Aut nos Scylla rapax canibus misisset edendos!
 Debuit ingratis Scylla nocere viris.
 Quæque vomit fluctus totidem, totidemque re-
 forbet,
 Nos quoque Trinacriæ supposuisset aquæ.
 125 Sospes ad Hæmonias victorque reverteris urbes:
 Ponitur ad patrios aurea lana Deos.
 Quid referam Pelix natas pietate nocentes,
 Cæsaque virgineâ membra paterna manu?
 Ut culpent alii, tibi me laudare necesse est:
 130 Pro quo sum toties esse coacta nocens.
 Ausus es ô (justo defunt sua verba dolori)
 Ausus es, *Æsonidæ*, dicere, *cede domo*.
 Jussa domo cessi, natis comitata duobus;
 Et, qui me sequitur semper, amore tui.
 135 At subito nostras ut Hymen cantatus ad aures
 Venit, et accenso lampades igne micant,
 Tibiaque effundit socialia carmina vobis,
 At mihi funestâ flebiliora tubâ;
 Pertimui; nec adhuc tantum scelus esse putabam:
 140 Sed tamen in toto pectore frigus erat.

Turba

M E D E A J A S O N I. 13

Turba ruunt, et, *Hymen*, clamant: *Hymenæe*,
frequentant.

Quo propior vox hæc, hoc mihi pejus erat.
Diversi flebant servi, lacrymasque tegebant.

Quis vellet tanti nuncius esse mali?

145 Me quoque, quicquid erat, potius nescire juvabat:

Sed tanquam scirem, mens mea tristis erat.

Cum minor è pueris, cursu, studioque videndi,

Constitit ad geminæ limina prima foris:

Hic mihi, *Mater*, *abi*; *pompam pater*, inquit,
Iason

150 *Ducit*; et *adjunctos aureus urget equos*.

Protinus abscissâ planxi mea pectora veste:

Tuta nec à digitis ora fuere meis.

Ire animus mediæ suadebat in agmina turbæ,

Sertaque compositis demere rapta comis.

155 Vix me continui, quin sic laniata capillos

Clamarem, *Meus est*, injiceremque manus.

Læse pater, gaude: Colchi gaudete relictî;

Inferias umbræ fratris habete mei.

Deferor (amissis regno patriâque domoque)

160 Conjuge, qui nobis omnia solus erat.

Serpentes igitur potui, taurosque furentes;

Unum non potui perdomuisse virum?

Quæque feros pepuli doctis medicatibus ignes,

Non valeo flammæ effugere ipsa meas?

165 Ipsi me cantus, herbæque artesque relinquunt.

Nil Dea, nil Hecates sacra potentis agunt.

Non

- Non mihi grata Dies : noctes vigilantur amaræ :
 Nec tener in misero pectore somnus adest.
 Quæ me non possum, potui sopire draconem.
 170 Utilior cuivis, quam mihi, cura mea est.
 Quos ego servavi, pellex amplectitur artus :
 Et nostri fructûs illa laboris habet.
 Forsitàn et, stultè dum te jactare maritæ
 Quæris, et injustis auribus apta loqui,
 175 In faciem morefque meos nova crimina fingas.
 Rideat, et vitiis læta sit illa meis :
 Rideat, et Tyrio jaceat sublimis in ostro ;
 Flebit : et ardores vincet adusta meos.
 Dum ferrum flammæque aderunt, succusque ve-
 neni ;
 180 Hostis Medææ nullus inultus erit.
 Quod si forte preces præcordia ferrea tangunt ;
 Nunc animis audi verba minora meis.
 Tam tibi sum supplex, quam tu mihi sæpe fuisti :
 Nec moror ante tuos procubuisse pedes.
 185 Si tibi sum vilis ; communes respice natos.
 Sæviet in partus dira noverca meos.
 Et nimium similes tibi sunt : et imagine tangor :
 Et, quoties video, lumina nostra madent.
 Per superos oro, per avitæ lumina flammæ,
 190 Per meritum, et natos pignora nostra duos :
 Redde torum : pro quo tot res insana reliqui.
 Adde fidem dictis ; auxiliumque refer.

M E D E A J A S O N I. 15

Non ego te imploro contra taurosque virosque ;
 Utque tuâ serpens victa quiescat ope.

195 Te peto, quem merui, quem nobis ipse dedisti ;
 Cum quo sum pariter facta parente parens.

Dos ubi sit, quæris ? campo numeravimus illo,
 Qui tibi laturo vellus arandus erat.

Aureus ille aries villo spectabilis aurêo,

200 Dos mea : quam, dicam si tibi, Redde ; neges.

Dos mea, tu sospes : dos est mea, Graiâ juventus.

I nunc, Sisyphias, improbe, confer opes.

Quòd vivis ; quòd habes nuptam focerumque
 potentem ;

Hoc ipsum, ingratus quòd potes esse, meum est.

205 Quos equidem actutum.—sed quid prædicere
 pœnam


Attinet ? ingentes parturit ira minas.

Quo feret ira, sequar. Facti fortasse pigebit ;

Et piget infido consuluisse viro.

Viderit ista Deus, qui nunc mea pectora versat,

210 Nescio quid certe mens mea majus agit.



ARIADNE

ARIADNE THESEO.

ARGUMENTUM.

Minos Jovis & Europæ filius, Cretensis rex, ob Androgeum filium ab Atheniensibus dolosè occisum, illos tandem post acria bella coegit, ut sibi pœnas penderent, & quotannis pueros septem, & totidem virgines mitterent, Minotauro devorandos. Cum verò fors Thesei contigisset, ab Ariadne edoctus est, quopam pacto, interfecto Minotauro, ex Labyrinthis ambagibus egrediretur. Theseus autem Cretâ cum Ariadne & Phædra discedens, in Naxos insulam delatus est: ubi à Baccho monitus, Ariadnen sopitam reliquit. Illa expergescens hanc epistolam scripsit, in qua crudelitatem Thesei accusans, immemorem beneficiorum appellat; post multas querelas rogat, ut conversâ nave redeat.

MITIUS inveni, quam te, genus omne
ferarum:

Credita non ulli, quam tibi, pejùs eram.

Quæ legis, ex illo, Theseu, tibi littore mitto,

Unde tuam sine me vela tulere ratem.

5 In quo me somnusque meus male prodidit, et tu

Per facinus somnis infidiate meis.

Tempus erat, vitreâ quo primum terra pruina

Spargitur, et tectæ fronde queruntur aves:

Incertum vigilans, à somno languida, movi

10 Thesea prensuras semisupina manus.

Nullus

ARIADNE THESEO. 17

Nullus erat : referoque manus, iterumque re-
tento ;

Perque torum moveo brachia : nullus erat.
Excussere metus somnum : conterrita surgo :
Membraque sunt viduo præcipitata toro.

- 15 Protinus adductis sonuerunt pectora palmis :
Utque erat è somno turbida, rapta coma est :
Luna fuit : spectro, si quid, nisi littora, cernam.
Quod videant oculi, nil, nisi littus, habent.
Nunc hùc, nunc illùc, et utròque sine ordine
curro :

- 20 Alta puellares tardat arena pedes.
Interea toto clamanti littore, THESEU,
Reddebant nomen concava saxa tuum :
Et quoties ego te, toties locus ipse vocabat.
Ipse locus miseræ ferre volebat opem.
- 25 Mons fuit ; apparent frutices in vertice rari :
Nunc scopulus raucis pendet adefus aquis.
Adscendo ; vires animus dabat : atque ita latè
Æquora prospectu metior alta meo.
Inde ego (nam ventis quoque sum crudelibus usa)
- 30 Vidi præcipiti carbasa tenta noto.
Aut vidi : aut etiam, cum me vidiſſe putarem,
Frigidior glacie, ſemanimiſque fui.
Nec languere diu patitur dolor ; excitor illo,
Excitor ; et ſummâ Theſea voce voco.
- 35 Quo fugis ? exclamo : ſclerate, revertere, Theſeu.
Fleſte ratem : numerum non habet illa ſuum.

- Hæc ego : quod voci deêrat, plangore replebam.
 Verbera cum verbis mista fuêre meis.
 Si non audires, ut saltem cernere posses,
 40 Jactatæ latè signa dedêre manus.
 Candidaque imposui longæ velamina virgæ,
 Scilicet oblitos admonitura mei.
 Jamque oculis ereptus eras : tum denique flevi.
 Torpuerant molles ante dolore genæ.
 45 Quid potius facerent, quàm me mealumina fierent,
 Postquam defierant vela videre tua ?
 Aut ego diffusis erravi sola capillis ;
 Qualis ab Ogygio concita Baccha Deo :
 Aut mare prospiciens in saxo frigida sedi :
 50 Quàmque lapis sedes, tam lapis ipsa fui.
 Sæpe torum repeto, qui nos acceperat ambos ;
 Sed non acceptos exhibiturus erat.
 Et tua, quâ possum, pro te vestigia tango ;
 Strataque, quæ membris intepuere tuis.
 55 Incumbo, lacrymisque toro manante profusis,
 Pressimus, exclamo, te duo ; redde duos.
 Venimus huc ambo : cur non discedimus ambo ?
 Perfide, pars nostri, lectule, major ubi est ?
 Quid faciam ? quo sola ferar ? vacat insula cultu.
 60 Non hominum video, non ego facta boüm.
 Omne latus terræ cingit mare. Navita nusquam :
 Nulla per ambiguas puppis itura vias.
 Finge dari comitesque mihi, ventosque, ratemque ;
 Quid sequar ? accessus terra paterna negat.

Ut

- 65 Ut rate felici pacata per æquora labar ;
 Temperet ut ventos Æolus ; exul ero.
 Non ego te, Crete, centum digesta per urbes,
 Aspiciam, puero cognita terra Jovi.
 Nam pater, et tellus justo regnata parenti,
 70 Proditæ sunt factæ nomina cara meo.
 Cùm tibi, ne victor tecto morerere recurvo,
 Quæ regerent passus, pro duce fila dedi :
 Cùm mihi dicebas, Per ego ipsa pericula juro,
 Te fore, dum nostrum vivet uterque, meam.
 75 Vivimus : et non sum, Theseu, tua : si modo
 vivis,
 Fœmina, perjuri fraude sepulta viri.
 Me quoque, quâ fratrem, mactasses, improbe,
 clavâ.
 Effet, quam dederas, morte soluta fides.
 Nunc ego non tantum, quæ sum passura, re-
 corder ;
 80 Sed quæcunque potest ulla relicta pati.
 Occurrunt animo pereundi mille figuræ :
 Morsque minus pœnæ, quàm mora mortis,
 habet.
 Jam jam venturos aut hæc, aut suspicor illæc,
 Qui lanient avido viscera dente, lupos.
 85 Forsitan et fulvos tellus alat ista leones.
 Quis scit, an hæc sævas tigridas insula habet ?
 Et freta dicuntur magnas expellere phocas.
 Quid vetat et gladios per latus ire meum ?

- Tantùm nè religer durâ captiva catenâ ;
 90 Neve traham servâ grandia pensa manu,
 Cui pater est Minos, cui mater filia Phœbi ;
 Quodque magis memini, quæ tibi pacta fui.
 Si mare, si terras, porrectaque littora vidi ;
 Multa mihi terræ, multa minantur aquæ.
 95 Cœlum restabat ; timeo simulacra Deorum.
 Destituor rapidis præda cibusque feris.
 Sive colunt habitantque viri, diffidimus illis.
 Externos didici læsa timere viros.
 Viveret Androgeos utinam : nec facta luiffes
 100 Impia funeribus, Cecropi terra, tuis !
 Nec tua mactâffet nodoso stipite, Theseu,
 Ardua parte virum dextera, parte bovem !
 Nec tibi, quæ reditus monstrarent, fila dedissem,
 Fila per adductas sæpe recepta manus !
 105 Non equidem miror, si stat victoria tecum,
 Strataque Cretæam bellua tinxit humum.
 Non poterant figi præcordia ferrea cornu :
 Ut te non tegeres, pectore tutus eras.
 Illic tu filices, illic adamanta tulisti :
 110 Illic qui filices Thesea vincat habes.
 Crudeles somni, qui me tenuistis inertem ;
 (At semel æterna nocte premenda fui.)
 Vos quoque, crudeles venti, nimiumque parati ;
 Flaminaque in lacrymas officiosa meas ;
 115 Dextera crudelis, quæ me fratremque necavit :
 Et data poscenti nomen inane fides ;

In me jurârunt somnus ventusque fidesque.

Proditâ sum causis una puella tribus.

Ergò ego nec lacrymas matris moritura videbo :

120 Nec, mea qui digitis lumina condât, erit ?

Spiritus infelix peregrinas ibit in auras :

Nec positos artus unget amica manus ?

Ossa superstabunt volucres inhumata marinæ ?

Hæc sunt officiis digna sepulcra meis ?

125 Ibis Cecropios portus : patriâque receptus

Cum steteris urbis celsus in arce tuæ ;

Et bene narrâris letum taurique virique,

Sectaque per dubias faxea tecta vias ;

Me quoque narrato solâ tellure relictam.

130 Non ego sum titulis surripienda tuis.

Nec pater est Ægæus ; nec tu Pittheïdos Æthræ

Filius : auctores faxa fretumque tui.

Dî facerent, ut me summâ de puppe videres !

Movisset vultus mœsta figura tuos.

135 Nunç quoque non oculis, sed, quâ potes, aspice
mente

Hærentem scopulo, quem vaga pulsat aqua.

Aspice demissos lugentis in ore capillos ;

Et tunicas lacrymis, sicut ab imbre, graves.

Corpus, ut impulsæ segetes Aquilonibus, horret :

140 Literaque articulo pressâ tremente labat.

Non te per meritum, quoniam male cessit,
adoro ;

Debita sit factò gratia nullâ meo :

Sed

Sed nec poena quidem : si non ego causa salutis,
 Non tamen est, cur sis tu mihi causa necis.
 145 Has tibi, plangendo lugubria pectora, lassas,
 Infelix tendo trans freta longa manus.
 Hos tibi, qui superant, ostendo mœsta capillos.
 Per lacrymas oro, quas tua facta movent :
 Flecte ratem, Theseu ; versoque relabere vento.
 150 Si prius occidero ; tu tamen ossa leges.

OENONE PARIDI.

ARGUMENTUM.

Cum Hecuba, Priami uxor, gravida esset, ardentem se parere facem, qua omnis inflammaretur Troja, somniavit. Territus itaque Priamus oraculum consuluit : à quo cum responsum accepisset, filium ipsi fore, qui patriæ exitium afferret, partum, quam primum ederet, interfici iussit. Hecuba vero, cum puerum peperisset, maternâ pietate mota, pastoribus regiis eundem clam alendum mandavit. Qui, cum jam convaluisset, OEnonen Nympham, uxorem duxit. Sed cum Juno, Pallas, & Venus de pulchritudine contenderent, propter aureum pomum, in quo scriptum legebatur, Detur pulchriori, à Jove ad Paridem arbitrum remissæ sunt : qui, cum Juno regnum, Pallas sapientiam, Venus mulierum pulcherrimam obtulisset, pro Venere sententiam tulit. Postea à patre cognitus Paris, & receptus, Sparten navigavit, Helenamque Menelai

Menelai uxorem raptam abduxit Trojam. Quo intellecto, OEnone conqueritur hâc epistolâ de ejus perfidiâ, Helenamque Græciis reddat, suadet.

PERlegis? An conjux prohibet nova? perlege:
non est

Ista Mycenæâ littera facta manu.

Pegasis CEnone, Phrygiis celeberrima sylvis,

Læsa queror de te, si finis ipse, meo.

5 Quis Deus opposuit nostris sua numina votis?

Ne tua permaneam, quod mihi crimen obest?

Leniter, ex merito quicquid patiare, ferendum est:

Quæ venit indignæ pœna, dolenda venit.

Nondum tantus eras, cum, te contenta marito,

10 Edita de magno flumine Nympha fui.

Qui nunc Priamides (adsit reverentia vero)

Servus eras. Servo nubere Nympha tuli.

Sæpe greges inter requievimus arbore tecti;

Mistaque cum foliis præbuit herba torum.

15 Sæpe super stramen fœnoque jacentibus alto

Defensa est humili cana pruina casâ.

Quis tibi monstrabat saltus venatibus aptos,

Et tegeret catulos quâ fera rupe suos?

Retia sæpe comes maculis distincta tetendi;

20 Sæpe citos egi per juga longa canes.

Incisæ servant à te mea nomina fagi:

Et legor CEnone falce notata tuâ.

Et quantum trunci, tantum mea nomina crescunt:

Crescite, et in titulos surgite recta meos.

Populus

- 25 Populus est (memini) fluviali confita ripâ,
 Est in quâ nostri litera scripta memor.
 Popule, vive precor, quæ confita margine ripæ,
 Hoc in rugoso cortice carmen habes :
Cum Paris OEnone poterit spirare relictâ,
 30 *Ad fontem Xanthi versa recurret aqua.*
 Xanthe, retro propera ; versæque recurrite
 lymphæ,
 Sustinet CEnonen deseruisse Paris.
 Illa dies fatum miseræ mihi dixit : ab illâ
 Pessima mutati cœpit amoris hyems :
 35 Qua Venus et Juno, sumptisque decentior armis
 Venit in arbitrium nuda Minerva tuum.
 Attoniti micuere sinus, gelidusque cucurrit,
 Ut mihi narrâsti, dura per ossa tremor.
 Consului (neque enim modice terrebar) anus-
 que,
 40 Longævosque senes : constitit esse nefas.
 Cæsa abies, sectæque trabes, et, classe paratâ,
 Cærule ceratas accipit unda rates.
 Flêsti discedens : hoc saltem parce negare.
 Præterito magis est iste pudendus amor.
 45 Et flêsti, et nostros vidisti flentis ocellos.
 Miscuimus lacrymas mœstus uterque suas.
 Non sic appositis vincitur vitibus ulmus,
 Ut tua sunt collo brachia nexa meo.
 Ah ! quoties, cum te vento quererere teneri,
 50 Riserunt comites ! ille secundus erat.

- Oscula dimissæ quòties repetita dedisti !
Quàm vix sustinuit dicere lingua, *Vale!*
Aura levis rigido pendentia lintea malo
Suscitat ; et remis eruta canet aqua.
- 55 Prosequor infelix oculis abeuntia vela,
Quà licet ; et lacrymis humet arena meis.
Utque celer venias, virides Nereïdas oro,
Scilicet ut venias in mea damna celer.
Votis ergo meis, alii rediture, redisti ?
- 60 Hei mihi, pro dirâ pellice blanda fui !
Aspicit immensum moles nativa profundum ;
Mons fuit : æquoreis illa resistit aquis.
Hinc ego vela tuæ cognovi prima carinæ :
Et mihi per fluctus impetus ire fuit.
- 65 Dum moror, in summâ fulsit mihi purpura prorâ.
Pertimui : cultus non erat ille tuus.
Fit propior, terrasque citâ ratis attigit aurâ :
Foemineas vidi corde tremente genas.
Non satis id fuerat (quid enim furiosa morabar ?)
- 70 Hærebat gremio turpis amica tuo.
Tunc vero rupique sinus, et pectora planxi,
Et secui madidas ungue rigente genas :
Implevique sacram querulis ululatibus Iden.
Illinc has lacrymas in mea saxa tuli.
- 75 Sic Helene doleat, desertaque conjuge ploret ;
Quæque prior nobis intulit, ipsa ferat.
Nunc tibi conveniunt, quæ te per aperta sequantur
Æquora, legitimos destituantque viros.

- At cum pauper eras, armentaque pastor agebas,
 80 Nulla, nisi C  none, pauperis uxor erat.
 Non ego miror opes, nec me tua regia tangit,
 Nec de tot Priami dicar ut una nurus.
 Non tamen ut Priamus Nymph   focer esse re-
 cuset ;
 Aut Hecub   fuerim dissimulanda nurus.
 85 Dignaque sum, et cupio fieri matrona potentis.
 Sunt mihi, quas possint sceptrata decere, manus.
 Nec me, fagine   quod tecum fronde jacebam,
 Despice : purpureo sum magis apta toro.
 Denique, tutus amor meus est tibi : nulla pa-
 rantur
 90 Bella, nec ultrices advehit unda rates.
 Tyndaris infestis fugitiva reposcitur armis.
 H  c venit in thalamos dote superba tuos.
 Qu   si sit Dana  s reddenda, vel H  ctora fratrem,
 Vel cum De  phobo Polydamanta roga.
 95 Quid gravis Antenor, Priamus quid suadeat ipse,
 Consule ; qu  s   tas longa magistra fuit.
 Turpe rudimentum patri   pr  ponere raptam.
 Causa pudenda tua est ; iusta vir arma movet.
 Nec tibi, si sapias, fidam promitte L  c  enam,
 100 Qu   sit in amplexus tam cito versa tuos.
 Ut minor Atrides temerati f  dera lecti
 Clamat, et externo l  sus amore dolet ;
 Tu quoque clamabis. Null   reparabilis arte
 L  sa pudicitia est : deperit illa semel.

Ardet

- 105 Ardet amore tui? sic et Menelaon amavit.
 Nunc jacet in viduo credulus ille toro.
 Felix Andromache, certo bene nupta marito!
 Uxor ad exemplum fratris habenda fui.
 Tu levior foliis, tunc, cum, sine pondere succi,
 110 Mobilibus ventis arida facta cadunt:
 Et minus est in te quam summâ pondus aristâ,
 Quæ levis assiduis solibus usta riget.
 Hoc tua (nam recolo) quondam germana canebat,
 Sic mihi diffusis vaticinata comis:
 115 *Quid facis, OEnone? quid arenæ semina mandas?*
Non profecturis littora bubus aras.
Graia juvenca venit, quæ te, patriamque, domum-
que,
Perdat. Io, prohibe; Graia juvenca venit.
Dum licet, obscænam ponto, Di, mergite puppim.
 120 *Heu quantum Phrygii sanguinis illa vehit!*
 Dixerat. In cursu famulæ rapuere furem.
 At mihi flavescentes diriguere comæ.
 Ah nimium vates miseræ mihi vera fuisti!
 Possidet en saltus illa juvenca meos.
 125 Sit facie quamvis insignis, adultera certe est.
 Deseruit socios hospite capta Deos.
 Illam de patriâ Theseus (nisi nomine fallor)
 Nescio quis Theseus, abstulit ante suâ.
 At manet OEnone fallenti casta marito:
 130 Et poteras falli legibus ipse tuis.

Me Satyri celeres (sylvæ ego tecta latebam)
 Quæsierunt rapido turba proterva pede :
 Cornigerumque caput pinu præcinctus acuta
 Faunus, in immensis quæ tumet Ida jugis.

- 135 Me fide conspicuus Trojæ munitor amavit.
 Admisitque meas ad sua dona manus :
 Quæcunque herba potens ad opem, radixque
 medendi
 Utilis in toto nascitur orbe, mea est.
 Me miseram, quod amor non est medicabilis
 herbis !

- 140 Deficior prudens artis ab arte meâ.
 Ipse repertor opis vaccas pavisse Pheræas
 Fertur, et è nostro saucius igne fuit.
 Quod neque graminibus tellus fœcunda creandis,
 Nec Deus auxilium, tu mihi ferre potes :
 145 Et potes, et merui. Dignæ miserere puellæ.
 Non ego cum Danaïs arma cruenta fero.
 Sed tua sum, tecumque fui puerilibus annis :
 Et tua, quod superest temporis, esse precor.



LAODAMIA PROTESILAO.

ARGUMENTUM.

Protesilaus Iphicli filius, ad Trojam quadraginta navibus navigans, cum cæteris Græcis Aulide, portu Bæotiae, ob tempestatem clausus est. Quod dum intellexisset Laodamia, ejus uxor, multis somniis perterrita, hanc epistolam ad eum scripsit: quæ suadet, ut oraculi memor, à belli periculis abstineat. Datum enim Græcis fuerat responsum, eum, qui primus ex classe in terram Trojanorum descendisset, periturum. At Protesilaus magnanimus, primus descendit, & ab Hectore occisus est.

MITTIT, et optat amans, quò mittitur,
ire, salutem,

Hæmonis Hæmonio Laödamia viro.

Aulide te fama est, vento retinente, morari:

Ah! me cum fugeres, hic ubi ventus erat?

5 Tum freta debuerant vestris obsistere remis:

Illud erat sævis utile tempus aquis.

Oscula plura viro, mandataque plura dedissem;

Et sunt quæ volui dicere plura tibi.

Raptus es hinc præceps: et, qui tua vela vocaret,

10 Quem cuperent nautæ, non ego, ventus erat:

Ventus erat nautis aptus, non aptus amanti:

Solvor ab amplexu, Protesilaë, tuo;

Linguaque

30 *Ex OVIDIO.*

- Linguaque mandantis verba imperfecta relinquit.
 Vix illud potui dicere triste, Vale.
- 15 Incubuit Boreas, abreptaque vela tetendit :
 Jamque meus longè Protefilaüs erat.
 Dum potui spectare virum, spectare juvabat :
 Sumque tuos oculos usque secuta meis.
 Ut te non poteram, poteram tua vela videre :
- 20 Vela diu vultus detinuere meos.
 At postquam nec te, nec vela fugacia vidi ;
 Et quod spectarem, nil, nisi pontus, erat ;
 Lux quoque tecum abiit, tenebrisque exanguis
 obortis
 Succiduo dicor procubuisse genù.
- 25 Vix focer Iphiclus, vix me grandævus Acastus,
 Vix mater gelidâ mœsta refecit aquâ.
 Officium fecêre pium, sed inutile nobis ;
 Indignor miseræ non licuisse mori.
 Ut rediit animus, pariter rediêre dolores ;
- 30 Pectora legitimus casta momordit amor.
 Nec mihi pectendos cura est præbere capillos :
 Nec libet auratâ corpora veste tegi.
 Ut quas pampineâ tetigisse Bicorniger hastâ
 Creditur ; hùc illuc, quò furor egit, eo.
- 35 Conveniunt matres Phylleïdes ; et mihi clamant,
Indue regales, Laodamia, sinus.
 Scilicet ipsa geram saturatas murice vestes ?
 Bella sub Iliacis mœnibus ille gerat ?

LAODAMIA PROTESILAO. 31

- Ipsa comas pectar ? galeâ caput ille prematur ?
 40 Ipsa novas vestes ? dura vir arma ferat ?
 Quà possum, squalore tuos imitata labores
 Dicar : et hæc belli tempora triftis agam.
 Dyspari Priamide, damno formosæ tuorum,
 Tam sis hostis iners, quam malus hospes eras.
 45 Aut te Tænariæ faciem culpâsse maritæ,
 Aut illi vellem displicuisse tuam.
 Tu, qui pro raptâ nimium, Menelaë, laboras,
 Hei mihi, quàm multis flebilis ultor eris !
 Di, precor, à nobis omen removete finistrum :
 50 Et sua det reduci vir meus arma Jovi.
 Sed timeo : quotiesque subit miserabile bellum,
 More nivis lacrymæ sole madentis eunt.
 Ilion et Tenedos, Simoïsque et Xanthus et Ide,
 Nomina sunt ipso penè timenda sono.
 55 Nec rapere ausurus, nisi se defendere posset,
 Hospes erat : vires noverat ille suas.
 Venerat (ut fama est) multo spectabilis auro,
 Quique suo Phrygias corpora ferret opes.
 Classe virisque potens, per quæ fera bella geruntur,
 60 Et sequitur regni pars quocumque sui.
 His ego te victam, consors Ledæa gemellis,
 Suspitor : hæc Danaïs posse nocere puto.
 Hæctora nescio quem timeo. Paris Hæctora dixit
 Ferrea sanguineâ bella movere manu.
 65 Hæctora, quisquis is est, si sum tibi cara, caveto.
 Signatum memori pectore nomen habe.

Hunc

- Hunc ubi vitâris, alios vitare memento :
 Et multos illic Hæctoras esse puta.
 Et facito dicas, quoties pugnare parabis,
 70 *Parcere me jussit Laodamia sibi.*
 Si cadere Argolico fas est sub milite Trojam ;
 Te quoque non ullum vulnus habente cadat.
 Pugnet, et adversos tendat Menelaüs in hostes :
 Ut rapiat Paridi, quam Paris antè sibi.
 75 Irruat ; et causâ quem vincit, vincat et armis.
 Hostibus è mediis nupta petenda viro est.
 Causa tua est dispar. Tu tantùm vivere pugna,
 Inque pios dominæ posse redire sinus.
 Parcite, Dardanidæ, de tot (precor) hostibus uni:
 80 Ne meus ex illo corpore sanguis eat.
 Nunc fateor ; volui revocare ; animusque ferebat.
 Substitit auspicii lingua timore mali.
 Cum foribus velles ad Trojam exire paternis,
 Pes tuus offenso limine signa dedit.
 85 Ut vidi, ingemui ; tacitoque in pectore dixi :
Signa reversuri sint, precor, ista viri.
 Hæc tibi nunc refero, ne sis animosus in armis :
 Fac, meus in ventos hic timor omnis eat.
 Sors quoque nescio quem fato designat iniquo,
 90 Qui primus Danaûm Troada tangat humum.
 Infelix, quæ prima virum lugebit ademptum !
 Di faciant, ne tu strenuus esse velis !
 Inter mille rates tua sit millesima puppis,
 Jamque fatigatas ultima verset aquas.

LAODAMIA PROTESILAO. 33

- 95 Hoc quoque præmoneo : de nave novissimus exi.
 Non est, quò properes, terra paterna tibi.
 Cùm venies, remoque move veloque carinam ;
 Inque tuo celerem littore siste gradum.
 Sed tua cur nobis pallens occurrit imago ?
- 100 Cur venit à verbis multa querela tuis ?
 Excutor somno ; simulacraque noctis adoro.
 Nulla caret fumo Thessalis ara meo.
 Thura damus, lacrymamque super ; quàm sparsa
 relucet,
 Ut solet adfuso surgere flamma mero.
- 105 Hoc quoque, quod venti prohibent exire carinas,
 Me movet : invitis ire paratis aquis.
 Quis velit in patriam vento prohibente reverti ?
 A patriâ pelago vela vetantè datis.
 Ipse suam non præbet iter Neptunus ad urbem :
- 110 Quo ruitis ? vestras quisque redite domos.
 Quo ruitis, Danaï ? ventos audite vetantes,
 Non subiti casus, numinis ista mora est.
 Quid petitur tanto, nisi turpis adultera, bello ?
 Dum licet, Inachizæ vertite vela rates.
- 115 Sed quid ego revoco hæc ? omen revocantis
 abesto ;
 Blandaue compositas aura secundet aquas.
 Ultima mandato claudetur epistola parvo :
 Si tibi cura mei, sit tibi cura tui.

F

PHYLLIS

PHYLLIS DEMOPHOONTI.

ARGUMENTUM.

Demophoön, Thesei & Phædræ filius, à bello Trojano in patriam rediens, maris tempestatibus in Thraciam delatus, à Phyllide Lycurgi filiâ (quæ tunc Thracia imperabat) hospitio & lecto benigne susceptus est, cum quâ aliquamdiu consuevit. Auditâ deinde morte Mnestheï, qui post ejeetum Athenis patrem Thesea, imperium occupaverat, regni cupidine captus, Phyllidi fidem dat se intra mensem rediturum, confingens ad res componendas se suas ire. Mox refectis navibus Athenas petit, nec redire cogitat. Quatuor igitur exactis mensibus, Phyllis ad eum hanc epistolam scripsit, quâ suadet, uti beneficiorum memor, fidem datam non fallat: quod si aliter fecerit, violatum amorem crudeli se morte vindicaturam minatur.

HOSPITA, Demophoön, tua te Rhodopeia
Phyllis

Ultrâ promissum tempus abesse queror.

Cornua cum Lunæ pleno semel orbe coissent,

Littoribus nostris anchora pacta tua est.

5 Luna quater latuit; toto quater orbe recrevit;

Nec vehit Actæas Sithonis unda rates.

Tempora si numeres, benè quæ numeramus
amantes;

Non venit ante suum nostra querela diem.

Spes

PHYLLIS DEMOPHOONTI. 35.

Spes quoque lenta fuit ; tardè, quæ credita
lædunt,

10 Credimus : invitâ nunc et amante nocent.

Sæpe fui mendax pro te mihi : sæpe putavi

Alba procellosos vela referre notos.

Thesea devovi, quia te dimittere nollet ;

Nec tenuit cursus forsitan ille tuos.

15 Interdum timui, ne, dum vada tendis ad Hebri,

Merfa foret canâ naufraga puppis aquâ.

Sæpe Deos supplex, ut tu, scelerate, valeres,

Sum prece thuricremis devenerata focis.

Sæpe videns ventos cœlo, pelagoque faventes,

20 Ipsa mihi dixi ; *Si valet, ille venit.*

Denique fidus amor, quicquid properantibus
obstat,

Finxit ; et ad causas ingeniosa fui.

At tu lentus abes : nec te jurata reducunt

Numina ; nec nostro motus amore redis.

25 Demophoön, ventis et verba et vela dedisti.

Vela queror reditu, verba carere fide.

Dic mihi quid feci ; nisi non sapienter amavi ?

Crimine te potui demeruisse meo

Unum in me scelus est ; quòd te, scelerate, recepi.

30 Sed scelus hoc meriti pondus et instar habet.

Jura, fides, ubi nunc, commissaque dextera
dextræ ?

Quique erat in falso plurimus ore Deus ?

Promissus focios ubi nunc Hymenæus in annos,
 Qui mihi conjugii sponsor et obses erat?

35 Per mare, quod totum ventis agitatur et uudis;

Per quod sæpè ieras, per quod iturus eras:

Perque tuum mihi iurasti (nisi fictus et ille est)

Concita qui ventis æquora mulcet, avum:

Per Venerem, nimiumque mihi facientia tela,

40 Altera tela arcus, altera tela faces:

Junonemque, toris quæ præsidet alma maritis,

Et per tædiferæ mystica sacra Deæ.

Si de tot læsis sua numina quisque Deorum

Vindictet; in pœnas non satis unus eris.

45 At laceras etiã puppes furiosa refeci:

Ut, qua defererer, firma carina foret;

Remigiumque dedi, quo me fugiturus abires.

Heu patior telis vulnera facta meis!

Credidimus blandis, quorum tibi copia, verbis:

50 Credidimus generi, nominibusque tuis!

Credidimus lacrymis; an et hæ simulare docentur?

Hæ quoque habent artes, quæque jubentur,
 eunt?

Dis quoque credidimus; quò jam tot pignora
 nobis?

Parte fatis potui quâlibet indè capi.

55 Nec moveor, quòd te juvi portuque, locoque.

Debuit hoc meriti summa fuisse mei.

Turpiter hospitium lecto cumulasse jugali

Pœnitet, et lateri conseruisse latus.

Quæ

PHYLLIS DEMOPHOONTI. 37

- Quæ fuit ante illam, mallem suprema fuisset
60 Nox mihi ; dum potui Phyllis honesta mori.
Speravi melius, quia me meruisse putavi.
Quæcumque ex merito spes venit, æqua venit.
Fallere credentem non est operosa puellam
Gloria ; simplicitas digna favore fuit.
65 Sum decepta tuis et amans et foemina verbis.
Dî faciant, laudis summa sit ista tuæ :
Inter et Ægidas mediâ statuaris in urbe :
Magnificus titulis stet pater ante suis.
Cum fuerit Scyron lectus, torvusque Procrustes,
70 Et Sinis, et tauri mistaque forma viri ;
Et domitæ bello Thebæ, fusique bimbres,
Et pulsata nigri regia cæca Dei :
Hoc tua post illum titulo signetur imago :
Hic est, cujus amans hospita capta dolo est.
75 De tantâ rerum turbâ, factisque parentis,
Sedit in ingenio Cressa relicta tuo.
Quod solum excusat, solum miraris in illo.
Hæredem patriæ, perfide, fraudis agis.
Illa (nec invideo) fruitur meliore marito ;
80 Inque capistratis tigris alta sedet :
At mea despecti fugiunt connubia Thraces,
Quod ferar externum præposuisse meis.
Atque aliquis, *Doctas jam nunc eat, inquit, Athenas :*
Armiferam Thracen, qui regat, alter erit.
85 *Exitus acta probat ; careat successibus opto,*
Quisquis ab eventu facta notanda putat.

- At si nostra tuo spumescant æquora remo,
 Jam mihi, jam dicar consuluisse meis.
 Sed neque consului : nec te mea regia tangit,
 90 Fessaque Bistoniâ membra lavabis aquâ.
 Illa meis oculis species abeuntis inhæret,
 Cum premeret portus classis itura meos.
 Ausus es amplecti ; colloque infusus amantis
 Oscula per longas jungere pressa moras :
 95 Cumque tuis lacrymis, lacrymas confundere
 nostras :
 Quòdque foret velis aura secunda, queri :
 Et mihi discedens supremâ dicere voce ;
Phylli, face expectes Demophoönta tuum.
 Expectem, qui me nunquam visurus abisti ?
 100 Expectem pelago vela negata meo ?
 Et tamen expecto, redeas modo serus amanti :
 Ut tua sit solo tempore lapsa fides.
 Quid precor infelix ? jam te tenet altera conjux
 Forsitan, et nobis qui male favit, amor.
 105 Utque tibi excidimûs, nullam, puto, Phyllida
 nôsti.
 Hei mihi ! si, quæ sim Phyllis, et unde, rogas :
 Quæ tibi, Demophoöon, longis erroribus acto
 Threïcios portus, hospitiumque dedi.
 Cujus opes auxere meæ : cui dives egenti
 110 Munera multa dedi, multa datura fui.
 Quæ tibi subjeci latissima regna Lycurgi,
 Nomine fœmineo vix fatis apta regi :

Quà

PHYLLIS DEMOPHOONTI. 39

Quà patet umbrosum Rhodope glacialis ad
Hæmum,

Et facer admittas exigit Hebrus aquas.

115 Cui mea virginites avibus libata finistris,

Castaque fallaci zona recincta manu.

Pronuba Tisiphone thalamis ululavit in illis,

Et cecinit mœstum devia carmen avis.

Adfuit Alecto brevibus torquata colubris ;

120 Suntque sepulchrali lumina mota face.

Mœsta tamen scopulos fruticosaque littora calco,

Quaque patent oculis æquora lata meis.

Sive die laxatur humus, seu frigida lucent

Sidera ; prospicio, quis freta ventus agat.

125 Et quæcunque procul venientia lintea vidi,

Protinus illa meos auguror esse Deos.

In freta procuro, vix me retinentibus undis,

Mobile quàm primas porrigit æquor aquas.

Quò magis accedunt, minùs et minùs utilis asto :

130 Linquor, et ancillis excipienda cado.

Est finus adductos modicè falcatus in arcus,

Ultima præruptâ cornua mole rigent.

Hinc mihi suppositas immittere corpus in undas

Mens fuit ; et, quoniam fallere pergis, erit.

135 Ad tua me fluctus projectam littora portent,

Occurramque oculis intumulata tuis.

Duritiâ ferrum ut superes, adamantaque, teque ;

Non tibi sic, dices, Phylli, sequendus eram.

Sæpe

- Sæpe venenorum fitis est mihi : sæpe cruentâ
 140 Trajectam gladio morte perire juvat:
 Colla quoque, infidis quia se nectenda læcertis
 Præbuerunt, laqueis implicuisse libet.
 Stat nece maturâ tenerum pensare pudorem :
 In necis electu parva futura mora est.
 145 Inscribere meo causa invidiosa sepulcro :
 Aut hôc, aut simili carmine notus eris :
Phyllida Demophoön leto dedit, hospes amantem :
Ille neci causam præbuit, ipsa manum.
-

PENELOPE ULYSSI.

ARGUMENTUM.

Trojâ funditus eversâ, victores Græci in patriam redeuntes, indignatione læsæ Minervæ, variis acti sunt procellis. Inter quos Ulysses (ad quem hæc epistola dirigitur) decem errans annos, peragravit varias orbis partes. Penelope igitur, ejus uxor, ignara quidem ubi hæreat, valde tamen sollicita de ejusdem reditu, scribit ei hanc epistolam, qua cum primis ut redeat, monet, maxime, cum & Trojâ jam excisâ, aliisque reversis, solus nullam cunctandi causam habeat.

HANC tua Penelope lento tibi mittit,
 Ulyssæ.

Nil mihi rescribas attamen : ipse veni.

Troja

PENELOPE ULYSSI. 41

Troja jacet certe Danaïs invisa puellis :

Vix Priamus tanti, totaque Troja, fuit.

5 O utinam tunc, cum Lacedæmona classe petebat,
Obrutus infanis esset adulter aquis !

Non ego deserto jacuissem frigida lecto,

Nec quererer tardos ire relicta dies :

Nec mihi quærenti spatiosam fallere noctem,

10 Lassaret viduas pendula tela manus.

Quando ego non timui graviora pericula veris ?

Res est solliciti plena timoris amor.

In te fingebam violentos Troas ituros :

Nomine in Hectoreo pallida semper eram.

15 Sive quis Antilochum narrabat ab Hectore victum;

Antilochus nostri causa timoris erat.

Sive Menœtiaden falsis cecidisse sub armis,

Flebam successu posse carere dolos.

Sanguine Tlepolemus Lyciam tepefecerat hastam;

20 Tlepolemi letho cura novata mea est.

Denique, quisquis erat castris jugulatus Achivis,

Frigidius glacie pectus amantis erat.

Sed bene consuluit casto Deus æquus amor :

Versa est in cinerem sospite Troja viro.

25 Argolici rediere duces : altaria fumant :

Ponitur ad patrios barbara præda Deos.

Grata ferunt nymphæ pro salvis dona maritis :

Illi victa suis Troïa fata canunt.

Mirantur justique senes trepidæque puellæ :

30 Narrantis conjux pendet ab ore viri.

G

Atque

- Atque aliquis positâ monstrat fera prælia mensâ ;
 Pingit et exiguo Pergama tota mero.
 Hac ibat Simois ; hîc est Sigeia tellus.
 Hîc steterat Priami regia celsa senis.
 35 Illic Æacides : illic tendebat Ulysses :
 Hîc lacer admissos terruit Hector equos.
 Omnia namque tuo senior, te quærere misso,
 Retulerant nato Nestor : at ille mihi.
 Retulit et ferro Rhesumque Dolonaquæ cæsos :
 40 Utque sit hic somno proditus, ille dolo.
 Ausus es, ô nimium nimiumque oblite tuorum,
 Thracia nocturno tangere castra dolo ;
 Totque simul mactare viros, adjutus ab uno.
 At bene cautus eras, et memor ante mei.
 45 Usque metu micuere sinus ; dum victor amicum
 Dictus es Ismariis isse per agmen equis.
 Sed mihi quid prodest vestris disjecta lacertis
 Ilion ; et, murus quod fuit ante, solum :
 Si maneo, qualis Trojâ durante manebam ;
 50 Virque mihi dempto fine carendus abest ?
 Diruta sunt aliis, uni mihi Pergama restant ;
 Incola captivo quæ bove victor arat.
 Jam seges est, ubi Troja fuit ; resecandaque falce ;
 Luxuriat Phrygio sanguine pinguis humus.
 55 Semisepulta virûm curvis feriuntur aratris
 Ossâ : ruinas occulit herba domos.
 Victor abes ; nec scire mihi, quæ causa morandi,
 Aut in quo lateas ferreus orbe, licet.

Quisquis

PENELOPE ULYSSI. 43

- Quisquis ad hæc vertit peregrinam littora puppim,
 60 Ille mihi de te multa rogatus abit.
 Quamque tibi reddat, si te modo viderit usquam,
 Traditur huic digitis charta notata meis.
 Nos Pylon, antiqui Neleïa Nestoris arva,
 Misimus : incerta est fama remissa Pylo.
 65 Misimus et Sparten. Sparte quoque nescia veri,
 Quas habitas terras, aut ubi lentus abes.
 Utilius starent etiam nunc mœnia Phœbi.
 Irascor votis heu levis ipsa meis !
 Scirem, ubi pugnares ; et tantum bella timerem ;
 70 Et mea cum multis juncta querela foret.
 Quid timeam ignoro : timeo tamen omnia de-
 mens ;
 Et patet in curas area lata meas.
 Quæcunque æquor habet, quæcunque pericula
 tellus ;
 Tam longæ causas suspicor esse moræ.
 75 Hæc ego dum stultè meditor (quæ vestra libido
 est)
 Esse peregrino captus amore potes.
 Forsitàn et narres, quàm sit tibi rustica conjux ;
 Quæ tantum lanas non finat esse rudes.
 Fallar, et hoc crimen tenues vanescat in auras :
 80 Neve revertendi liber abesse velis.
 Me pater Icarius viduo discedere lecto
 Cogit, et immensas increpat usque moras.

- Increpet usque licet : tua sum ; tua dicar oportet ;
 Penelope conjux semper Ulyssis ero.
 85 Ille tamen pietate meâ precibusque pudicis
 Frangitur, et vires temperat ipse suas.
 Dulichii, Samiique, et quos tulit alta Zacynthos,
 Turba, ruunt in me, luxuriosa, proci :
 Inque tuâ regnant, nullis prohibentibus, aulâ.
 90 Viscera nostra, tuæ dilaniantur opes.
 Quid tibi Pisandrum, Polybumque, Medontaque
 dirum,
 Eurymachique avidas Antinoïque manus,
 Atque alios referam ; quos omnes turpiter absens
 Ipse tuo partis sanguine rebus alis ?
 95 Irus egens, pecorisque Melanthius actor edendi,
 Ultimus accedunt in tua damna pudor.
 Tres sumus imbelles numero ; sine viribus uxor,
 Laërtesque senex, Telemachusque puer.
 Ille per insidias pæne est mihi nuper adeptus ;
 100 Dum parat invitis omnibus ire Pylon.
 Dî precor hoc jubeant, ut, euntibus ordine fati,
 Ille meos oculos comprimat, ille tuos.
 Hoc faciunt custosque boiū, longævaque nutrix ;
 Tertius, immundæ cura fidelis haræ.
 105 Sed neque Laërtes, ut qui sit inutilis armis,
 Hostibus in mediis regna tenere valet.
 Telemacho veniet (vivat modo) fortior ætas :
 Nunc erat auxiliis illa tuenda patris.

Nec mihi sunt vires inimicos pellere tectis.

110 Tu citius venias, portus et ara tuis.

Est tibi, sitque precor, natus ; qui mollibus annis

In patrias artes erudiendus erat.

Respice Lærtē ; ut jam sua lumina condas,

Extremam fati sustinet ille diem.

115 Certē ego, quæ fuēram, te discedente, puella,

Protinūs ut redeas, facta videbor anus.

D I D O Æ N E Æ.

A R G U M E N T U M.

Trojā à Græcis eversā, Æneas, Anchisæ & Veneris filius, postquam incendio penates eripuisset, viginti navibus mare ingreditur. Tempestate autem jactatus, in Libyam est delatus, ubi tunc Dido, Beli filia, & Sichæi uxor, Tyro profecta, fratris Pygmalionis sævitiam & avaritiam fugiens, novam urbem, Carthaginem, moliebatur, à qua Æneas unā cum sociis liberaliter susceptus, in ejus sese consuetudinem demisit, Cum autem Mercurii monitu, in Italiam, fati sibi promissam, navigare pararet, Dido, animum ejus præsentiens, à navigandi proposito eum revocare studet : quo non impetrato, ut saltem differat præceptis iter, orat. Multis autem frustra admotis precibus, tandem moritura ad eum scribit, ut mortis causam præbuisse intelligat.

SIC,

- S**IC, ubi fata vocant, udis abjectus in herbis,
 Ad vada Mæandri concinit albus olor.
 Nec, quia te nostrâ sperem prece posse moveri,
 Alloquor: adverso vovimus ista Deo.
 5 Sed merita et famam, corpusque, animumque
 pudicum
 Cum male perdiderim: perdere verba leve est.
 Certus es ire tamen, miseramque relinquere Dido:
 Atque iidem venti vela fidemque ferent.
 Certus es, Ænea, cum fœdere solvere naves:
 10 Quæque ubi sint nescis, Itala regna sequi.
 Nec nova Carthago, nec te crescentia tangunt
 Mœnia: nec sceptro tradita summa tuo.
 Facta fugis; facienda petis. Quærenda per orbem
 Altera, quæsitæ est altera terra tibi.
 15 Ut terram invenias, quis eam tibi tradet habendam?
 Quis sua non notis arva tenenda dabit?
 Alter habendus amor tibi restat, et altera Dido:
 Quamque iterum fallas, altera danda fides.
 Quando erit, ut condas instar Carthaginis urbem,
 20 Et videas populos altus ab arce tuos?
 Omnia ut eveniant, nec te tua vota morentur;
 Unde tibi, quæ te sic amet, uxor erit?
 Uror, ut inducto ceratæ sulfure tædæ:
 Ut pia fumosis addita thura focis.
 25 Æneas oculis semper vigilantis inhæret:
 Ænean animo noxque diesque refert.

Ille quidem male gratus, et ad mea munera surdus;

Et quo, si non sim stulta, carere velim:

Non tamen Ænean, quamvis male cogitat, odi:

30 Sed quoror infidum, quæstaque pejus amo.

Parce, Venus, nurui, durumque amplectere
fratrem,

Frater Amor: castris militet ille tuis.

Fallor; et ista mihi falsò jactatur imago.

Matris ab ingenio dissidet ille suæ.

35 Te lapis, et montes, innataque rupibus altis

Robora, te sævæ progenere feræ:

Aut mare, quale vides agitari nunc quoque ventis:

Quò tamen adversis fluctibus ire paras.

Quò fugis? obstat hyems: hyemis mihi gratia
prosit.

40 Aspice, ut everfas concitet Euris aquas.

Quod tibi maluerim, sine me debere procellis.

Iustior est animo ventus et unda tuo.

Non ego sum tanti (quamvis merearis, inique)

Ut pereas, dum me per freta longa fugis.

45 Exerces pretiosa odia, et constantia magno;

Si, dum me careas, est tibi vile mori.

Jam venti ponent; stratâque æqualiter undâ,

Cæruleis Triton per mare curret equis.

Tu quoque cum ventis utinam mutabilis esses!

50 Et, nisi duritiâ robora vincis, eris.

Quid? si nescieris, insana quid æquora possint?

Expertæ toties tam male credis aquæ?

Ut

- Ut pelago suadente etiam retinacula solvas,
 Multa tamen latus tristia pontus habet.
 55 Nec violâsse fidem tentantibus æquora prodest.
 Perfidiae poenas exigit ille locus.
 Præcipuè cum læsus Amor : quia mater Amoris
 Nuda Cytheriacis edita fertur aquis.
 Perdita ne perdam timeo, noceamve nocenti ;
 60 Nèu bibat æquoreas naufragus hostis aquas.
 Vive, precor : sic te melius, quàm funere,
 perdam.
 Tu potiùs leti causa ferâre mei.
 Finge, age, te rapido (nullum sit in omni
 pondus)
 Turbine deprendi : quid tibi mentis erit ?
 65 Protinus occurrent falsæ perjuræ linguæ,
 Et Phrygiâ Dido fraude coacta mori.
 Conjugis ante oculos deceptæ stabit imago
 Tristis, et effusis sanguinolenta comis.
Quicquid id est, totum merui, concedite, dicas :
 70 Quæque cadent, in te fulmina missa putes.
 Da breve sævitiae spatium pelagique tuæque :
 Grande moræ pretium tuta futura via est.
 Nec mihi parcatur : puero parcatur Iulo.
 Te satis est titulum mortis habere meæ.
 75 Quid puer Ascanius, quid Dî meruere Penates ?
 Ignibus ereptos obruet unda Deos.

Sed neque fers tecum ; nec, quæ mihi, perfide,
jactas,

Presserunt humeros sacra paterque tuos.

Omnia mentiris. Nec enim tua fallere lingua

80 Incipit à nobis ; primaque plector ego.

Si quæras, ubi sit formosi mater Iuli :

Occidit à duro sola relicta viro.

Nec mihi mens dubia est, quin te tua numina
damnent.

Per mare, per terras septima jactat hyems.

85 Diva parens, seniorque pater pia sarcina nati,

Spem mihi mansuri rite dedere viri.

Si fuit errandum, causas habet error honestas.

Adde fidem ; nulla parte pigendus erit.

Durat in extremum, vitæque novissima nostræ

90 Prosequitur fati, qui fuit ante, tenor.

Occidit internas conjux mactatus ad aras :

Et sceleris tanti præmia frater habet.

Exul agor ; cineresque viri patriamque relinquo :

Et feror in duras hoste sequente vias.

95 Applicor ignotis : fratrique elapsa fretoque,

Quod tibi donavi, perfide, littus emo.

Urbem constitui ; lateque patentia fixi

Mœnia, finitimis invidiosa locis.

Bella tument : bellis peregrina et scœmina tentor :

100 Vixque rudes portas urbis et arma paro.

Mille procis placui : qui me, coïère, querentes

Nescio quem thalamis præposuisse suis.

H


Quid

- Quid dubitas vinctam Gætulo tradere Iarbæ?
 Præbuerim sceleri brachia nostra tuo:
 105 Est etiam frater: cujus manus impia possit
 Respergi nostro, sparsa cruore viri.
 Pone Deos, et quæ tangendo sacra profanas:
 Non bene cœlestes impia dextra colit.
 Si tu cultor eras elapsis igne futurus;
 110 Pœnitet elapsos ignibus esse Deos.
 Forsitan et gravidam Dido, scelerate, relinquo,
 Parsque tui lateat corpore clausa meo.
 Accedet fatis matris miserabilis infans;
 Et nondum nato funeris auctor eris.
 115 Cumque parente suâ frater morietur Iûli,
 Pœnaque connexos auferet una duos.
 Sed jubet ire Deus. Vellem vetuisset adire;
 Punica nec Teucris pressa fuisset humus.
 Hoc duce (nempe Deo) ventis agitaris iniquis,
 120 Et teris in rapido tempora longa freto.
 Pergama vix tanto tibi erant repetenda labore,
 Hectore si vivo quanta fuere, forent.
 Non patrium Simoënta petis; sed Tybridis undas.
 Nempe, ut pervenias quò cupis, hospes eris.
 125 Utque latet, vitatque tuas abstrusa carinas,
 Vix tibi continget terra petita seni.
 Hos potius populos in dotem, ambage remissâ,
 Accipe; et advectas Pygmalionis opes.
 Ilion in Tyriam transfer felicius urbem:
 130 Inque loco regis sceptrâ sacrata tene.

- Si tibi mens avida est belli, si quærit Iulus,
 Unde suo partus Marte triumphus eat :
 Quem superet, ne quid defit, præbebimus hostem
 Hic pacis leges, hic locus arma capit.
- 135 Tu modo, per matrem, fraternaue tela sagittas,
 Perque fugæ comites Dardana sacra Deos :
 (Sic superent quoscunque tua de gente reportas,
 Mars ferus et damni sit modus ille tui.
 Ascaniusque suos feliciter impleat annos,
 140 Et senis Anchisæ molliter ossa cubent)
 Parce precor domui, quæ se tibi tradit habendam.
 Quod crimen dicis, præter amâsse, meum ?
 Non ego sum Phthias, magnisque oriunda My-
 cenis :
 Nec steterunt in te virque paterque meus.
- 145 Si pudet uxoris ; non nupta, sed hospita dicar.
 Dum tua sit Dido, quidlibet esse feret.
 Nota mihi freta sunt Afrum frangentia littus :
 Temporibus cæcis dantque negantque viam.
 Cum dabit aura viam, præbebis carbasia ventis.
- 150 Nunc levis ejectam continet alga ratem.
 Tempus ut observem, manda mihi ; certius ibis :
 Nec te, si cupies, ipsa manere sinam.
 Et focii requiem poscunt, laniataque classis
 Postulat exiguas semirefecta moras.
- 155 Pro meritis, et si qua tibi debebimus ultro,
 Pro spe conjugii tempora parva peto.

Dum freta mitescunt, et amor : dum tempore et
usu

- Fortiter edisco tristia posse pati.
Sin minus ; est animus nobis effundere vitam.
160 In me crudelis non potes esse diu.
Adspicias utinam, quæ sit scribentis imago !
Scribimus, et gremio Troïcus ensis adest :
Perque genas lacrymæ strictum labuntur in ensẽ ;
Qui jam pro lacrymis sanguine tinctus erit.
165 Quàm bene conveniunt fato tua munera nostro !
Instruis impensâ nostra sepulcra brevi.
Nec mea nunc primo feriuntur pectora telo :
Ille locus sævi vulnus Amoris habet.
Anna soror, soror Anna, meæ male conscia culpæ,
170 Jam dabis in cineres ultima dona meos.
Nec, consumpta rogis, inscribar Elissæ Sichæi ;
Hoc tamen in tumuli marmore carmen erit :
Præbuit Æneas et causam mortis et ensẽ.
Ipsa suâ Dido concidit usa manu.



*Poeta adventum Æneæ in Italiam, & ejus cum Turno
bellum canit.*

PHŒBE fave ; novus ingreditur tua templa
sacerdos :

Huc age cum citharâ carminibusque veni.

Nunc te vocales impellere pollice chordas ;

Nunc precor ad laudes flectere verba meas.

5 Ipse triumphali devinctus tempora lauro,

Dum cumulant aras, ad tua sacra veni.

Sed nitidus, pulcherque veni. nunc indue
vestem

Sepositam ; longas nunc bene pect̃e comas :

Qualem te memorant Saturno rege fugato

10 Victori laudes concinuisse Jovi.

Tu procul eventura vides : tibi deditus augur

Scit bene, quid fati provida cantet avis :

Tuque regis sortes : per te præsentit aruspex,

Lubrica signavit quum Deus exta notis.

15 Te duce Romanos nunquam frustrata Sibylla,

Abdita quæ senis fata canit pedibus.

Hæc dedit Æneæ sortes (postquam ille paren-
tem

Dicitur, et raptos sustinuisse Lares ;

Nec fore credebat Romam, quum mœstus ab
alto

20 Ilion, ardentes respiceretque Deos.)

Impiger

- Impiger Ænea volitantis frater Amoris,
 Troica qui profugis sacra vehis ratibus,
 Jam tibi Laurentes adsignat Jupiter agros ;
 Jam vocat errantes hospita terra Lares.
 25 Illic sanctus eris, quum te veneranda Numici
 Unda Deum cœlo miserit Indigetem.
 Ecce super fessas volitat Victoria puppes :
 Tandem ad Trojanos diva superba venit.
 Ecce mihi lucent Rutulis incendia castris.
 30 Jam tibi prædico, barbare Turne, necem.
 Ante oculos Laurens castrum, murusque Lavini,
 Albaque ab Ascanio condita longa duce.
 Te quoque jam video, Marti placitura sacerdos
 Ilia, Vestales deferuisse focos.
 35 Carpite nunc tauri de septem montibus herbas,
 Dum licet : hic magnæ jam locus urbis erit.
 Roma tuum nomen terris fatale regendis,
 Qua sua de cœlo prospicit arva Ceres ;
 Quaque patent ortus, et qua fluitantibus undis
 40 Solis anhelantes abluit amnis equos.
 Troja quidem tunc se mirabitur ; et sibi dicet
 Vos bene tam longam consuluisse viam.



Evander,

*Evander, cum matre suâ Carmente, Arcadiâ pulsus,
Hesperiam petit.*

- O**RTA prior Lunâ (de se si creditur ipsi)
A magno tellus Arcade nomen habet.
Hic fuit Evander: qui, quamquam clarus utrôque,
Nobilior sacrae sanguine matris erat.
- 5 Quæ, simul æthereos animo conceperat ignes;
Ore dabat vero carmina plena Dei.
Dixerat hæc nato motus instare sibi que,
Multam præterito tempore nacta fidem.
Nam juvenis, verâ nimium cum matre, fugatus
- 10 Deserit Arcadiam Parrhasiumque larem.
Cui genitrix flenti: Fortuna viriliter, inquit,
(Siste, puer, lacrymas) ista ferenda tibi est.
Sic erat in fatis; nec te tua culpa fugavit;
Sed Deus, infenso pulsus es urbe Deo.
- 15 Non meriti pœnam pateris, sed Numinis iram:
Est aliquid magnis crimen abesse malis.
Conscia mens ut cuique sua est, ita concipit
intra
Pectora pro facto spemque metumque suo.
Nec tamen ut primus incere, mala talia passus:
- 20 Obruit ingentes ista procella viros.
Passus idem, Tyriis qui quondam pulsus ab oris,
Cadmus, in Aoniâ constitit exsul humo.

Passus

- Passus idem Tydeus, et idem Pegasæus Iāson :
 Et quos præterea longa referre mora est.
 25 Omne solum forti patria est ; ut piscibus æquor :
 Ut volucris, vacuo quidquid in orbe patet.
 Nec fera tempestas toto tamen horret in anno :
 Et tibi (crede mihi) tempora veris erunt.
 Vocibus Evander firmatâ mente parentis
 30 Nave secat fluctus, Hesperiamque tenet.

Carmentis vaticinatio de futurâ Romæ magnitudine.

- D**ÎQUE petitorum, dixit, salвете locorum ;
 Túque novos cœlo terra datura Deos :
 Fluminâque, et Fontes, quibus utitur hospita
 tellus,
 Et nemorum Divæ, Naiadúmque chori ;
 5 Este bonis avibus visi natóque mihique :
 Ripâque felici tacta sit ista pede.
 Fallor ? an hi fient ingentia mœnia colles ?
 Jurâque ab hâc terrâ cætera terra petet ?
 Montibus his olim totus promittitur orbis.
 10 Quis tantum fati credat habere locum ?
 Et jam Dardaniæ tangent hæc littora pinus :
 Hic quoque caussa novi fœmina Martis erit.
 Care nepos, Palla, funesta quid induis arma ?
 Indue, non humili vindice cæsus eris.

Vieta

- 15 Victa tamen vinces, eversâque Troja resurges.
 Obruet hostiles ista ruina domos.
 Urite victrices Neptunia Pergama flammæ :
 Num minùs hic toto est altior orbe cinis ?
 Jam pius Æneas sacra, et sacra altera patrem,
 20 Afferet : Iliacos excipe, Vesta, Deos.
 Tempus erit, cum vos, orbémque tuebitur
 idem :
 Et fient ipso sacra colente Deo :
 Et penes Augustos patriæ tutela manebit.
 Hanc fas imperii fræna tenere domum.
 25 Inde nepos natûsque Dei (licet ipse recuset)
 Pondera cœlesti mente paterna feret.
 Utque ego perpetuis olim sacabor in aris ;
 Sic Augusta novum Julia numen erit.

*Hercules boves furto abductas recuperat, Cacumque
 occidit.*

- P**Uppibus egressus Latîâ stetit exsul in herbâ.
 Felix, exsilium cui locus ille fuit !
 Nec mora longa fuit, stabant nova tecta : nec
 alter
 Montibus Aufoniis Arcade major erat.
 5 Ecce boves illuc Erythæidas applicat heros,
 Emensus longi claviger orbis iter.

Dumque huic hospitium domus est Tegea ; vi-
gantur

Incustoditæ læta per arva boves.

Manè erat : excussus somno Tirynthius hospes

10 De numero tauros sentit abesse duos.

Nulla videt taciti quærens vestigia furti :

Traxerat averfos Cacus in antra feros ;

Cacus Aventinæ timor atque infamia sylvæ,

Non leve finitimis hospitibûsque malum.

15 Dira viro facies ; vires pro corpore ; corpus

Grande : pater monstri Mulciber hujus erat.

Pròque domo longis spelunca recessibus ingens

Abdita, vix ipsis invenienda feris.

Ora super postes adfixaque brachia pendent,

20 Squallidaque humanis ossibus albet humus.

Servatâ malè parte boum Jove natus abibat :

Mugitum rauco furta dedère sono.

Accipio revocamen, ait ; vocémque secutus

Impia per sylvas ultor ad antra venit.

25 Ille aditum fracti præstruxerat obice montis :

Vix juga movissent quinque bis illud onus.

Nititur hic humeris, (cœlum quoque fedit
illis)

Et vastum motu collabefactat onus.

Quod simul evulsum est, fragor æthera terruit
ipsum ;

30 Ictaque subsedit pondere molis humus.

- Prima movet Cacus collatâ prœlia dextrâ ;
 Rémque ferox saxis stipitibúsque gerit.
 Quis ubi nil agitur ; patrias malè fortis ad artes
 Confugit, et flammâ ore sonante vomit.
- 35 Quas quoties proflat, spirare Typhoëa credas,
 Et rapidum Ætnæo fulgur ab igne jaci.
 Occupat Alcides : adductaque clava trinodis
 Ter quater adversi fedit in ore viri.
 Ille cadit, mixtósque vomit cum sanguine fu-
 mos ;

40 Et lato moriens pectore plangit humum.

*Romulus & Remus nati & expositi. De auspiciis
 condendæ Romæ, & morte Remi.*

BELLICE, depositis clypeo paulisper et
 hastâ,

- Mars, ades ; et nitidas classide solve comas.
 Ipse vides manibus peragi fera bella Minervæ :
 Num minùs ingenuis artibus illa vacat ?
- 5 Palladis exemplo ponendæ tempora fume
 Cuspidis : invenies et quod inermis agas.
 Tum quóque inermis eras, cùm te Romana sa-
 cerdos
- Cepit ; ut huic Urbi semina digna dares.
 Ilia Vestalis (quid enim vetat inde moveri ?)
- 10 Sacra lavaturas mane petebat aquas.

- Ventum erat ad molli declivem tramite ripam :
 Ponitur è summâ fictilis urna comâ.
 Fessa resedit humi ; ventosque accepit aperto
 Pectore ; turbatas restituitque comas.
 15 Dum sedet ; umbrosæ salices, volucresque canoræ
 Fecerunt somnos, et leve murmur aquæ.
 Blanda quies victis furtim subrepat ocellis :
 Et cadit à mento languida facta manus.
 Mars videt hanc, visamque cupit, potiturque cu-
 pitâ :
 20 Et sua divinâ furta fefellit ope.
 Languida consurgit ; nec scit cur languida sur-
 gat :
 Et peragit tales arbore nixa fonos :
 Utile sit faustumque, precor, quod imagine somni
 Vidimus, an somno clarius illud erat ?
 25 Ignibus Iliacis aderam : cùm lapsa capillis
 Decidit ante sacros lænea vitta focos.
 Inde duæ pariter (visu miserabile) palmæ
 Surgunt : ex illis altera major erat :
 Et gravibus ramis totum protexerat orbem ;
 30 Contigerátque novâ sidera summa comâ.
 Ecce meus ferrum patruus molitur in illas :
 Terreor admonitu ; còrque timore micat.
 Martia Picus avis gemino pro stipite pugnant
 Et Lupa, tuta per hos utraqûe palma fuit.
 35 Dixerat : et plenam non firmis viribus urnam
 Sustulit : implêrat, cùm sua visa refert.

Interea

- Interea crescente Remo, crescente Quirino,
 Cœlesti tumidus pondere venter erat.
 Sylvia fit mater: Vestæ simulacra feruntur
 40 Virgineas oculis opposuisse manus.
 Ara Deæ certè tremuit pariente ministrâ;
 Et subit cineres territa flamma suos.
 Hæc ubi cognovit contemtor Amulius æqui:
 (Nam raptas fratri victor habebat opes)
 45 Auferri jussit parvos, et in amne necari.
 Quid facis? ex istis Romulus alter erit.
 Jussa recusantes peragunt lacrymosa ministri:
 Flent tamen, et geminos in loca jussa ferunt.
 Albula, quem Tiberin merfus Tiberinus in undâ
 50 Reddidit hybernis fortè tumebat aquis.
 Huc ubi venerunt, nec jam procedere possunt
 Longiùs; ex illis unus, an alter, ait:
 At quàm sunt similes! at quàm formosus utérque!
 Plus tamen ex illis iste vigoris habet.
 55 Si genus arguitur vultu; (ni fallit imago)
 Nescio quem vobis suspicor esse Deum;
 At si quis vestræ Deus esset originis auctor;
 In tam præcipiti tempore ferret opem.
 Ferret opem certè, si non ope mater egeret:
 60 Quæ facta est uno mater et orba die.
 Nata simul, peritura simul, simul ite sub undas
 Corpora; defierat, deposuitque sinu.
 Vagierunt clamore pari: sentire putares:
 Hi redeunt udis in sua tecta genis.

Sustinet

- 65 Sustinet impositos summâ cavus alveus undâ :
 Heu quantum fati parva tabella vehit !
 Alveus in limo sylvis appulsus opacis,
 Paulatim, fluvio deficiente, fedet.
 Venit ad expositos (mirum) lupa foeta gemellos.
- 70 Quis credat pueris non nocuisse feram ?
 Non nocuisse parum est ; prodest quòque : Quos
 lupa nutrit,
 Prodere cognatæ sustinuere manus !
 Constitit, et caudâ teneris blanditur alumnis,
 Et fingit linguâ corpora bina suâ.
- 75 Marte fatos scires, timor absuit ; ubera ducunt ;
 Et sibi permissi lactis aluntur ope.
 Martia ter senos proles adoleverat annos ;
 Et suberat flavæ jam nova barba comæ :
 Omnibus agricolis armentorumque magistris
- 80 Iliadæ fratres jura petita dabant.
 Sæpe domum veniunt prædonum sanguine læti ;
 Et redigunt actos in sua rura boves.
 Ut genus audierunt ; animos pater agnitus au-
 get :
- Et pudet in paucis nomen habere casis :
- 85 Romuleoque cadit trajectus Amulius ense :
 Regnâque longævo restituuntur avo.
 Jam luerat pœnas frater Numitoris, et omne
 Pastorum gemino sub duce vulgus erat.
 Contrahere agrestes, et mœnia ponere utrique
- 90 Convenit. Ambigitur nomina ponat uter.

Nil opus est, dixit, certamine, Romulus, ullo :
Magna fides avium est : experiamur aves.

Res placet, alter init nemorosi saxa Palati :

Alter Aventinum mane cacumen adit.

95 Sex Remus, hic volucres bis sex videt ordine :
pacto

Statur : et arbitrium Romulus Urbis habet.

Apta dies legitur, quâ mœnia signet aratro.

Sacra Palis suberant : inde movetur opus.

Inde premens stivam designat mœnia sulco :

100 Alba jugum niveo cum bove vacca tulit.

Vox fuit hæc Regis, condenti Jupiter Urbem,

Et genitor Mavors, Vestaque mater ades :

Quosque pium est adhibere Deos, advertite
cuncti :

Auspicius vobis hoc mihi surgat opus.

105 Longa sit huic ætas, dominæque potentia terræ :

Sitque sub hac oriens occiduusque dies.

Ille precabatur, tonitru dedit omina lævo

Jupiter : et lævo fulmina missa polo.

Augurio læti jaciunt fundamina cives ;

110 Et novus exiguo tempore murus erat.

Hoc Celer urget opus, quem Romulus ipse voca-
rat ;

Sintque, Celer, curæ, dixerat, ista tuæ.

Neve quis aut muros, aut versam vomere terram

Transeat, audentem talia dede neci.

Quod

115 Quod Remus ignorans, humiles contemnere
muros

Cœpit : et, his populus, dicere, tutus erit?
Nec mora, transfiliit, rutro Celer occupat ausum.

Ille premit duram sanguinolentus humum.
Hæc ubi Rex didicit ; lacrymas introrsus ab-
ortas

120 Devorat, et clausum pectore vulnus habet.
Flere palàm non vult, exemplâque fortia servat :
Sicque meos muros transeat hostis, ait.

Dat tamen exsequias : nec jam suspendere fletum
Sustinet, et pietas dissimulata patet.

125 Osculâque applicuit posito suprema feretro :
Atque ait ; Invitò frater adempte, vale.

*Romulus, ne urbi novè conditæ deficerent Incolæ, connubi-
â finitimis negato, virgines Sabinas rapit.*

MARS LOQUITUR.

PARVA fuit, si prima velis elementa referre,
Roma : sed in parvâ spes tamen hujus erat.
Mœnia jam stabant populis angusta futuris :
Credita sed turbæ tunc nimis ampla suæ.

5 Quæ fuerit nostri si quæris regia nati ;
Adspice de cannâ straminibusque domum.
In stipulâ placidi carpebat munera somni :
Et tamen ex illo venit in astra toro.

Jámque

Jamque loco majus Romanus nomen habebat :

10 Nec conjux illi, nec focer ullus erat.

Spernebant generos inopes vicinia dives :

Et malè credebar sanguinis auctor ego.

In stabulis habitasse, boves pavisse, nocebat ;

Jugeraque inculti pauca tenere soli.

15 Extremis dantur connubia gentibus : at, quæ

Romano vellet nubere, nulla fuit.

Indolui ; patriamque dedi tibi, Romule, mentem :

Tolle preces, dixi : quod petis, arma dabunt.

Festa para Conso : Consus tibi cætera dicet ;

20 Ipso festa die dum sua sacra canes.

Intumuere Cures, et quos dolor attigit idem :

Tum primum generis intulit arma focer.

Jamque ferè raptæ matrum quoque nomen habebant ;

Tractaque erant longâ bella propinqua morâ.

25 Conveniunt nuptæ dictam Junonis in ædem :

Quas inter mea sic est nurus orsa loqui :

O paritèr raptæ, (quoniam hoc commune tenemus)

Non ultrà lentè possumus esse piæ.

Stant acies ; sed utrâ Dî sint pro parte rogandi,

30 Eligite ; hinc conjux, hinc pater arma tenet.

Quærendum, viduæ fieri malimus an orbæ :

Consilium vobis forte primumque dabo.

- Consilium dederat, parent, crinémque resolvunt;
 Mœstâque funereâ corpora veste tegunt.
 35 Jam steterant acies ferro mortique paratæ :
 Jam lituus pugnæ signa daturus erat :
 Cùm raptæ veniunt inter patrésque virósque ;
 Inque sinu natos pignora cara ferunt.
 Ut medium campi passis tetigere capillis ;
 40 In terram posito procubuêre genu.
 Et, quasi sentirent, blando clamore nepotes
 Tendebant ad avos brachia parva suos.
 Qui poterat, clamabat avum tum denique vi-
 sum :
 Et qui vix poterat, posse coactus erat.
 45 Tela viris animúsque cadunt : gladiísque remotis
 Dant foceri generis accipiúntque manus.
 Laudatásque tenet natas ; scutóque nepotem
 Fert Avus ; hic scutis dulcior usus erat.

MORS ROMULI.

- JAM pater armipotens, postquam nova mœnia
 vidit,
 Multâque Romuleâ bella peracta manu,
 Jupiter, inquit, habet Romana potentia vires ;
 Sanguinis officio non eget illa mei.
 5 Redde patri natum : quamvis intercidit alter,
 Pro se, próque Remo, qui mihi restat, erit.

Unus

- Unus erit, quem tu tolles in cœrula cœli ;
 Tu mihi dixisti : sint rata dicta Jovis.
 Jupiter annuerat, nutu tremefactus uterque
 10 Est polus ; et cœli pondera sensit Atlas.
 Est locus : antiqui Capream dixere paludem :
 Fortè tuis illic, Romule, jura dabas.
 Sol fugit ; et removent subeuntia nubila cœlum :
 Et gravis effusis decedit imber aquis.
 15 Hinc tonat, hinc missis abrumpitur ignibus æther :
 Fit fuga : Rex patriis astra petebat equis.
 Luctus erat, falsæque Patres in crimine cædis,
 Hæssissetque animis forsitan illa fides.
 Sed Proculus longâ veniebat Julius Albâ :
 20 Lunæque fulgebat ; nec facis usus erat.
 Cum subito motu nubes crepuere sinistrae :
 Rettulit ille gradus horrueruntque comæ.
 Pulcher, et humano major, trabeæque decorus
 Romulus in mediâ visus adesse viâ :
 25 Et dixisse simul, Prohibe lugere Quirites :
 Nec violent lacrymis Numina nostra suis.
 Thura ferant, placéntque novum pia turba Qui-
 rinum,
 Et patrias artes militiamque colant.
 Jussit : et in tenues oculis evanuit auras
 30 Convocat hic Patres : jussæque verba refert.
 Templâ Deo fiunt, collis quoque dictus ab illo :
 Et referunt certi sacra paterna dies.

Numa Egeriæ consilio leges instituit.

- V**ALLIS Aricinæ sylvâ præcinctus opacâ
 Est lacus, antiquâ relligione sacer.
 Hic latet Hippolytus furiis direptus equorum :
 Unde nemus nullis illud initur equis,
 5 Licia dependent longas velantia sepes,
 Et posita est meritæ multa tabella Deæ.
 Sæpe potens voti frontem redimita coronis
 Fœmina lucentes portat ab urbe faces.
 Defluit incerto lapidosus murmure rivus :
 10 Sæpe, sed exiguis haustibus, inde bibes.
 Egeria est, quæ præbet aquas, Dea grata Camœnis.
 Illa Numæ conjux consiliûmque fuit.
 Principio nimiùm promptos ad bella Quirites
 Molliri placuit jure, Deûmque metu.
 15 Inde datæ leges ; ne firmior omnia posset :
 Cœptâque sunt purè tradita sacra coli.
 Exuitur feritas, armisque potentius æquum est :
 Et cum cive pudet conseruisse manus.

Ancyle à Cælo demissum, regnante Numâ.

- M**OLLIS erat tellus roratâ mane pruinâ ;
 Ante sui populus limina Regis adest.
 Prodit, et in folio medius confedit acerno :
 Innumeri circâ stantque siléntque viri.

Ortus

5 Ortus erat summo tantummodò margine Phœbus :

Sollicitæ mentes spèque metúque pavent.

Constitit, atque caput niveo velatus amictu

Jam bene Dīs notas sustulit ille manus.

Atque ita, Tempus adest promissi muneris, inquit :

10 Pollicitam dictis, Jupiter, adde fidem.

Dum loquitur, totum jam Sol emerferat orbem :

Et gravis æthereo venit ab axe fragor.

Ter tonuit sine nube Deus, tria fulgura misit :

Credite dicenti ; mira, sed acta, loquor.

15 A mediâ cœlum regione dehiscere cœpit :

Submisère oculos cum duce turba suos.

Ecce levī scutum versatum leniter aurâ

Decidit, à populo clamor ad astra venit.

Tollit humo munus cæsâ priùs ille juvencâ,

20 Quæ dederat nulli colla premenda jugo.

Idque Ancyle vocat ; quod ab omni parte receptum est :

Quaque notes oculis, angulus omniſ abest.

Tum, memor imperii sortem consistere in illo,

Consiliū multæ calliditatis init.

25 Plura jubet fieri simili ocelata figurâ ;

Error ut ante oculos insidiantis eat,

Tullia

Tullia super cadaver patris sui (Servii Tullii) equos egit.

- T**ULLIA, conjugio sceleris mercede peracto,
 His solita est dictis exstimulare virum :
 Quid juvat esse pares, te nostræ cæde sororis
 Méque tui fratris, si pia vita placet ?
 5 Vivere debuerant et vir meus et tua conjux,
 Si nullum ausuri majus eramus opus.
 Et caput et regnum facio dotale parentis :
 Si vir es, i, dictas exige dotis opes.
 Regia res scelus est, focero cape regna necato :
 10 Et nostras patrio sanguine tinge manus.
 Talibus instinctus folio privatus in alto
 Sederat, attonitum vulgus ad arma ruit.
 Hinc cruor, hinc cædes : infirmâque vincitur ætas :
 Sceptra gener focero rapta Superbus habet.
 15 Ipse sub Esquiliis, ubi erat sua regia, cæsus,
 Concidit in durâ sanguinolentus humo.
 Filia carpento patrios initura penates,
 Ibat per medias alta ferôxque vias.
 Corpus ut adspexit, lacrymis auriga profusis
 20 Restitit, hunc tali corripit illa sono :
 Vadis ? an exspectas pretium pietatis amarum ?
 Duc, inquam, invitas ipsa per ora rotas.
 Certa fides facti : dictus Sceleratus ab illâ
 Vicus, et æternâ res ea pressâ notâ.

GABII

GABII EXPUGNATI.

Ultima Tarquinius Romanæ gentis habebat
 Regna: vir injustus, fortis ad arma tamen.
 Ceperat hic alias, alias everterat urbes;
 Et Gabios turpi fecerat arte suos.

5 Námque trium minimus, proles manifesta Superbi,

In medios hostes nocte silente venit.

Nudârant gladios: Occidite, dixit, inermem.

Hoc cupiunt fratres, Tarquiniûsque pater,
 Qui mea crudeli laceravit verbere terga:

10 Dicere ut hoc posset, verbera passus erat.

Luna fuit, spectant juvenem, gladiósque recon-
 dunt:

Tergâque deductâ veste notata vident.

Flent quoque, et, ut secum tueatur bella, pre-
 cantur:

Callidus ignaris annuit ille viris.

15 Jamque potens, missô genitorem appellat amico,
 Prodendi Gabios quod sibi monstret iter.

Hortus odoratis suberat cultissimus herbis,

Sectus humum rivo lene sonantis aquæ.

Illic Tranquinius mandata latentia nati

20 Accipit, et virgâ lilia summa metit.

Nuncius

Nuncius ut rediit, decussâque lilia dixit ;
 Filius, Agnosco jussâ parentis, ait.
 Nec mora : Principibus cæsis ex urbe Gabinâ,
 Traduntur ducibus moenia nuda suis.

*Lucretia à Tarquinio violata se occidit, unde Reges
 Româ exacti.*

- J**Amque erat orta dies : passis sedet illa capillis ;
 Ut solet ad nati mater itura rogam.
 Grandævumque patrem fido cum conjuge castris
 Evocat : et positâ venit uterque morâ.
 5 Utque vident habitum ; quæ luctûs causa, re-
 quirunt,
 Cui paret exsequias, quôve fit icta malo.
 Illa diu reticet, pudibundâque celat amictu
 Ora, fluunt lacrymæ more perennis aquæ.
 Hinc pater, hinc conjux lacrymas solantur, et
 orant,
 10 Indicet : et cæco flentque paventque metu.
 Ter conata loqui ; ter destitit : ausâque quartò,
 Non oculos adeò sustulit illa suos.
 Hoc quoque Tarquinio debemus ? eloquar, in-
 quit,
 Eloquar infelix dedecus ipsa meum.
 15 Quæque potest, narrat, restabant ultima ; flevit :
 Et matronales erubuere genæ.

Dant veniam factō genitor conjūxque coactō.

Quam, dixit, veniam vos datis, ipsa nego.

Nec mora ; celato figit sua pectora ferro :

20 Et cadit in patrios sanguinolenta pedes.

Tunc quoque, jam moriens, ne non procumbat
honestè,

Respicit, hæc etiam cura cadentis erat.

Ecce super corpus communia damna gementes

Obliti decoris virque patérque jacent.

25 Brutus adest ; tandēque animo sua nomina fallit :

Fixaque semanimi corpore tela rapit.

Stillantēque tenens generoso sanguine cultrum,

Edidit impavidos ore minante sonos.

Per tibi ego hunc juro fortem castumque cruo-
rem,

30 Pérque tuos Manes, qui mihi numen erunt :

Tarquinium pœnas profugâ cum stirpe daturum :

Jam satis est virtus dissimulata diu.

Illâ jacens ad verba oculos sine lumine movit ;

Visâque concussâ dicta probare comâ.

35 Fertur in exsequias animi matrona virilis :

Et secum lacrymas, invidiâque trahit.

Vulnus inane patet. Brutus clamore Quirites

Concitât, et Regis facta nefanda refert.

Tarquinius cum prole fugit, capit annua Consul

40 Jura, dies regnis illa suprema fuit.

*De Fabiorum cum Veientibus ad Cremaram fluvium
pugnâ & clade.*

- UNA domus vires et onus susceperat urbis:
Sumunt gentiles arma professâ manus.
Egreditur castris miles generosus ab îsdem ;
E quîs dux fieri quilibet aptus erat.
- 5 Ut celeri passu Cremeram tetigere rapacem ;
(Turbidus hybernîs ille fluebat aquis)
Castra loco ponunt : destriçtis ensibus ipsi
Tyrrhenum valido Marte per agmen eunt.
Non aliter, quàm cùm Libycâ de rupe leones
- 10 Invadunt sparfos lata per arva greges.
Diffugiunt hostes, inhonestâque vulnera tergo
Accipiunt : Thusco fanguine terra rubet.
Sic iterum, sic sæpe cadunt ; ubi vincere apertè
Non datur, insidias armâque cæca parant.
- 15 Campus erat : campi claudebant ultima colles,
Sylvâque montanas oculere apta feras.
In medio paucos, armentâque rara relinquunt :
Cætera virgultis abdita turba latet.
Ecce, velut torrens undis pluviâlibus auctus,
- 20 Aut nive, quæ Zephyro victa tēpente fluit,
Per fata, pērque vias fertur ; nec, ut ante solebat,
Riparum clausas margine finit aquas :
Sic Fabii latis vallem discursibus implent ;
Quôsque vident, spernunt, nec metus alter inest.
- Quò

- 25 Quò ruitis, generosa domus? malè creditur hosti:
 Simplex nobilitas, perfida tela cave.
 Fraude perit virtus, in apertos undique campos
 Profiliunt hostes, et latus omne tenent.
 Quid faciant pauci contra tot millia fortes?
 30 Quidve, quod in misero tempore restet, habent?
 Sicut aper sylvis longè Laurentibus actus
 Fulmineo celeres dissipat ore canes;
 Mox tamen ipse perit: sic non moriuntur inulti;
 Vulneráque alternâ dántque ferúntque manu.
 35 Una dies Fabios ad bellum miserat omnes:
 Ad bellum missos perdidit una dies.
 Ut tamen Herculeæ superessent semina gentis,
 Credibile est ipsos consuluisse Deos.
 Nam puer impubes, et adhuc non utilis armis,
 40 Unus de Fabiâ gente relictus erat.
 Scilicet ut posses olim tu, Maxime, nasci;
 Cui res cunctando restituenda foret.

Palladium ex igne à Metello servatum.

MCENIA Dardanides nuper nova fecerat
 Ilus:

- Ilus adhuc Asiæ dives habebat opes.
 Creditur armifera signum cœleste Minervæ
 Urbis in Iliacæ desiluisse juga.
 5 Cura videre fuit: vidi, templúmque locúmque:
 Hoc superest illi: Pallada Roma tenet.

- Consultitur Smintheus : lucóque obscurus opaco,
 Hos non mentito reddidit ore sonos :
 Ætheream servate Deam ; servabitis urbem :
 10 Imperium secum transferet illa loci.
 Servat, et inclusam summâ tenet Ilus in arce :
 Curâque ad hæredem Laomedonta venit.
 Sub Priamo servata parum : sic ipsa volebat ;
 Ex quo, iudicio forma revicta sua est.
 15 Heu quantum timuere Patres, quo tempore
 Vesta
 Arsit, et est adytis obruta pæne suis !
 Flagrabant sancti sceleratis ignibus ignes :
 Mistâque erat flammæ flamma profana piæ.
 Attonitæ flebant demisso crine ministræ :
 20 Abstulerat vires corporis ipse timor.
 Provolat in medium, et magnâ, succurrite, voce,
 Non est auxilium flere, Metellus ait.
 Pignora virgineis fatalia tollite palmis :
 Non ea sunt voto, sed rapienda manu.
 25 Me miserum ! dubitatis ? ait : dubitare videbat :
 Et pavidas posito procubuisse genu.
 Haurit aquas : tollensque manus, ignoscite, dixit,
 Sacra vir intrabo non adeunda viro,
 Si scelus est ; in me commissi pœna redundet :
 30 Sit capitis damno Roma soluta mei.
 Dixit, et irrupit : factum Dea rapta probavit ;
 Pontificisq; sui munere tuta fuit.

*Claudia navem, quâ Cybele vecta erat, vado infixam
sola ipsa movet trahitque ; & sese exinde de impudiciâ
purgat.*

CLAUDIA Quinta genus Clauso referebat
ab alto :

Nec facies impar nobilitate fuit.

Castâ quidem ; sed non et credita : rumor iniquus
Læserat, et falsi criminis acta rea est.

5 Cultus, et ornatis variè prodissè capillis,
Obfuit : ad rigidos promptâque lingua senex.

Conscia mens recti famæ mendacia risit :

Sed nos in vitium credula turba sumus.

Hæc ubi castarum processit ab agmine matrum,

10 Et manibus puram fluminis hausit aquam ;

Ter caput irrorat, ter tollit in æthera palmas :

Quicumque adspiciunt, mente carere putant.

Submissôque genu, vultus in imagine Divæ

Figit, et hos edit crine jacente sonos :

15 Supplicis, alma, tuæ, genetrix fœcunda Deorum,

Accipe sub certâ conditione preces.

Castâ negor : si tu damnas ; meruisse fatebor.

Morte luam pœnas judice victa Deâ.

Sed, si crimen abest, tu nostræ pignora vitæ

20 Re dabis : et castas castâ sequere manus.]

Dixit : et exiguo funem conamine traxit :

Mira, sed et scenâ testificata loquar.

Mota

Mota Dea est ; sequiturque ducem, laudátque
sequendo.

Index lætitiæ fertur in astra sonus.

*Caio Cæsari in Parthos ituro faustam expeditionem
ominatur vates.*

- E**CCE parat Cæsar domito, quod defuit, orbi
Addere. nunc, Oriens ultime, noster eris.
Parthe, dabis pœnas : Craffi gaudete sepulti,
Signaque barbaricas non bene passa manus.
5 Ultor adest ; primisque ducem profitetur in armis :
Bellaque non puero tractat agenda puer.
Parcite natales, timidi, numerare Deorum :
Cæsaribus virtus contigit ante diem.
Ingenium cœleste suis velocius annis
10 Surgit ; et ignavæ fert malè damna moræ.
Parvus erat, manibusque duos Tirynthius angues
Pressit : et in cunis jam Jove dignus erat.
Nunc quoque qui puer es, quantus tum, Bacche
fuisti,
Cum timuit thyrsos India victa tuos !
15 Auspiciis animisque patris puer arma movebis :
Et vinces animis auspiciisque patris.
Tale rudimentum tanto sub nomine debes ;
Nunc juvenum princeps, deinde future se-
num.

- Cùm tibi sint fratres ; fratres ulciscere læsos :
20 Cùmque pater tibi sit ; jura tuere patris.
Induit arma tibi genitor patriaëque tuûsque :
Hostis ab invito regna parente rapit.
Tu pia tela feres, sceleratas ille sagittas :
Stabunt pro signis jûsque piûmque tuis.
25 Vincuntur causâ Parthi ; vincantur et armis.
Eoas Latio dux meus addat opes.
Mârsque pater, Cæsârque pater, date numen
eunti.
Nam Deus è vobis alter es, alter eris.
Auguror en ! vinces ; votivâque carmina red-
dam :
30 Et magno nobis ore sonandus eris.
Consistes ; aciémque meis hortabere verbis.
O desint animis ne mea verba tuis !
Tergâque Parthorum, Romanâque pectora dicam ;
Telâque, ab averso quæ jacet hostis equo.
35 Qui fugis, ut vincas, quid victo, Parthe, re-
linques ?
Parthe, malum jam nunc Mars tuus omen
habet.
Ergo erit illa dies, quâ tu, pulcherrime rerum,
Quatuor in niveis aureus ibis equis ?
Ibunt antè duces onerati colla catenis ;
40 Ne possint tuti, quâ prius, esse fugâ.
Spectabunt læti juvenes mistaëque puellæ :
Diffundetque animos omnibus ista dies.

Bello,

*Bello, quod patris sui ulciscendi causâ suscepit, finito;
Partisque victis, Augustus Marti Ultori templum
consecrat.*

ULTOR ad ipse suos cœlo descendit honores,

Templaque in Augusto conspicienda Foro.
Et Deus est ingens, et opus; debebat in urbe
Non aliter nati Mars habitare sui.

5 Digna Gigantêis hæc sunt delubra tropæis:
Hinc fera Gradivum bella movere decet:
Seu quis ab Eoo nos impius orbe laceffet:
Seu quis ab occiduo Sole domandus erit.

Prospicit armipotentis operis fastigia summi:
10 Et probat invictos summa tenere Deos.
Prospicit in foribus diversæ tela figuræ,
Armæque terrarum milite victa suo.
Hinc videt Ænean oneratum pondere sacro;
Et tot Iulæ nobilitatis avos.

15 Hinc videt Iliaden humeris ducis arma ferentem:
Claræque dispositis acta subesse viris.
Spectat et Augusto prætextum nomine templum,
Et visum lecto Cæsare majus opus.
Voverat hoc juvenis tunc cum pia sustulit arma:
20 A tantis Princeps incipiendus erat.

Ille manus tendens, hinc stanti milite iusto,
Hinc conjuratis, talia dicta dedit:

Si mihi bellandi Pater est, Vestæque sacerdos

Anctor; et ulcisci nomen utrumque paro:

25 Mars, ades; et satia scelerato sanguine fer-
rum:

Stétque favor causâ pro meliore tuus.

Templa feres, et me victore vocaberis Ultor:

Voverat; et fuso lætus ab hoste redit.

Nec satis est meruisse semel cognomina Marti:

30 Persequitur Parthâ signa retenta manu.

Gens fuit et campis, et equis, et tuta sagittis;

Et circumfusus invia fluminibus.

Addiderant animos Crassorum funera genti;

Cùm perit miles, signâque, duxque simul.

35 Signa decus belli Parthus Romana tenebat;

Romanæque aquilæ signifer hostis erat.

Isque pudor mansisset adhuc, nisi fortibus armis

Cæsaris Ausoniæ protegerentur opes.

Ille notas veteres, et longi dedecus ævi

40 Sustulit, agnôrunt signa recepta suos.

Quid tibi nunc solitæ mitti post terga sagittæ;

Quid loca, quid rapidi profuit usus equi?

Parthe, refers aquilas: victos quoque porrigis
arcus:

Pignora jam nostri nulla pudoris habes.

45 Ritè Deo templumque datum noménque bis

ulto:

Et meritis votis debita solvit honos.

*Ob Provincias populo redditas, & cognomen AUGUSTI
datum, Cæsarem adlatur Nasō.*

GERMANICUM ALLOQUITUR.

Redditā nunc omnis populo est provincia
nostro ;

Et tuus Augusto nomine dictus avus.

Perlege dispositas generosa per atria ceras ;

Contigerant nulli nomina tanta viro.

5 Africa victorem de se vocat : alter Isauras,
Aut Cretum domitas testificatur opes.

Hunc Numidæ faciunt, illum Messana super-
bum,

Ille Numantinā traxit ab urbe notam.

Et mortem et nomen Druso Germania fecit :

10 Me miserum, virtus quā brevis illa fuit !

Si petat à victis, tot sumat nomina Cæsar,

Quot numero gentes maximus orbis habet.

Ex uno quidam celebres aut torquis ademptæ,

Aut Corvi titulos auxiliaris habent.

15 Magne, tuum nomen rerum mensura tuarum est :

Sed qui te vicit, nomine major erat.

Nec gradus est ultra Fabios cognominis ullus :

Illa domus meritis Maxima dicta suis.

Sed tamen humanis celebrantur honoribus om-
nes :

20 Hic socium summo cum Jove nomen habet.

Sancta

Sancta vocant augusta Patres : augusta vocan-
tur

Templa, sacerdotum ritè dicata manu.

Hujus et augurium dependet origine verbi,

Et quodcunque suâ Jupiter auget ope.

25 Augeat imperium nostri Ducis, augeat annos :

Protegat et vestras quærna corona fores.

Auspiciбусque Deis tanti cognominis hæres

Omne suscipiat, quo Pater, orbis onus.

AUGUSTUS cum ROMULO comparatur.

NUNC mihi mille sonos, quòque est me-
moratus Achilles,

Vellem, Mæonide, pectus inesse tuum.

Dum canimus sacras alterno pectine Nonas ;

Maximus hinc Fastis accumulatur honos.

5 Deficit ingenium, majoraque viribus urgent :

Hæc mihi præcipuo est ore canenda dies.

Quid volui demens Elegis imponere tantum

Ponderis ? heroi res erat ista pedis.

Sancte Pater Patriæ, tibi Plebs, tibi Curia nomen

10 Hoc dedit ; hoc dedimus nos tibi nomen

Eques.

Res tamen antè dedit, serò quoque vera tulisti

Nomina, jam pridem tu Pater orbis eras.

Hoc tu per terras, quod in æthere Jupiter alto,

Nomen habes, hominum tu pater, ille Deum.

M 2

Romule,

15 Romule, concedas, facit hic tua magna tuendo
Mœnia: tu dederas tranflienda Remo.

Te Tatiſ, parvique Cures, Cœninâque ſenſit:
Hoc Duce Romanum eſt Solis utrûmque
latus.

Tu breve neſcio quid victæ telluris habebas:

20 Quodcunque eſt alto ſub Jove, Cæſar habet.
Tu rapis, hic caſtas Duce ſe jubet eſſe ma-
ritas:

Tu recipis luco, ſubmovet ille neſas.

Viſ tibi grata fuit: florent ſub Cæſare leges:

Tu Domini nomen, Principis ille tenet.

25 Te Remus incuſat; veniam dedit hoſtibus ille:
Cœleſtem fecit te Pater; ille Patrem.



N U X.

NUX ego juncta viæ, cum sim sine crimine
vitæ,

A populo faxis prætereunte petor.

Obruere ista solet manifestos pœna nocentes,

Publica cùm lentam non capit ira moram.

5 Nil ego peccavi : nisi si peccare videtur,

Annua cultori poma referre suo.

At prius arboribus, tum cùm meliora fuere

Tempora, certamen fertilitatis erat.

Tum domini memores fertis ornare solebant

10 Agricolas, fructu proveniente, Deos.

Sæpe tuas igitur, Liber, miratus es uvas :

Mirata est oleas sæpe Minerva suas.

Pomaque læsissent matrem ; ni subdita ramo

Longa laboranti furca tulisset opem.

15 Quin etiam exemplo pariebat scœmina nostro ;

Nullaque non illo tempore mater erat.

At postquam platanis, sterilem præbentibus um-
bram,

Uberior quavis arbore venit honos ;

Nos quoque frugiferæ (si nux modo ponor in illis)

20 Cœpimus in patulas luxuriare comas.

Nunc neque continuos nascuntur poma per annos :

Uvaeque læsa domum, læsaque bacca venit.

Nunc

- Nunc utrum vitiat, quæ vult formosa videri :
 Raraque in hoc ævo est, quæ velit esse parens.
 25 Certe ego, si nunquam peperissem, tutior essem.
 Ista Clytemnestrâ digna querela fuit.
 Si sciat hoc vitis, nascentes supprimet uvas :
 Orbaque, si sciat hoc, Palladis arbor erit.
 Hoc in notitiam veniat maloque piroque ;
 30 Destituent sylvas utraque poma suas.
 Quæque sibi vario distinguit poma colore,
 Audiat hoc cerasus ; stipes inanis erit.
 Non equidem invideo : nunquid tamen ulla fe-
 ritur,
 Quæ sterilis solâ conspicienda comâ est ?
 35 Cernite sinceros omnes ex ordine truncos,
 Qui modo nil, quare percutiantur, habent.
 At mihi læva nocent mutilatis vulnera ramis ;
 Nudaque dejecto cortice ligna patent.
 Non odium facit hoc, sed spes indulta rapinæ,
 40 Sustineant aliæ poma ; querentur idem.
 Sic reus ille fere est, de quo victoria lucro
 Esse potest : inopis vindice facta carent.
 Sic timet insidias, qui scit se ferre viator,
 Cur timeat : tutum carpit inanis iter.
 45 Sic ego sola petor ; soli quia causa petendi est.
 Frondibus intactis cætera turba virent.
 Nam quòd habent frutices alii quoque proxima
 nobis
 Fragmina, quod læso vimine multa jacent ;

Non

Non istis sua facta nocent : vicina damno est.

50 Excipiunt ictu saxa repulsa meo.

Idque fide careat ; si non, quæ longius absunt,

Nativum retinent inviolata decus.

Ergo si sapiant, et mentem verba sequantur ;

Devoveant umbras proxima quæque meas.

55 Quam miserum est, odium damnis accedere nostris ;

Meque ream nimiae proximitatis agi !

Sed, puto, magna mei est operoso cura colono.

Invenias, dederit quid mihi, præter humum.

Sponte mea facilis contempto nascor in agro :

60 Parique loci, qua sto, publica pæne via est.

Me, fata ne lædam, (quoniam fata lædere dicor,)

Imus in extremo margine fundus habet.

Non mihi falx nimias Saturnia deputat umbras :

Duratam renovat non mihi fossor humum.

65 Sole licet siccæque fiti peritura laborem ;

Irriguae dabitur non mihi sulcus aquæ.

At cum maturas fisso nova cortice rimas

Nux agit ; ad partes pertica sæva venit.

Pertica dat plenis immitia vulnera ramis.

70 Ne possim lapidum verbera sola queri.

Poma cadunt mensis non interdicta secundis ;

Et condia lectas, parca colona, nuces.

Has puer aut certo rectas dilaminat ictu ;

Aut pronas digito bisve semelve petit.

Quattuor

75 Quattuor in nucibus, non amplius, alea tota
est ;

Cum sibi suppositis additur una tribus.

Per tabulæ clivum labi jubet alter ; et optat,

Tangat ut è multis quamlibet una suam.

Est etiam, par sit numerus qui dicat, an impar :

80 Ut divinatas auferat augur opes.

Fit quoque de cretâ, qualem cœleste figuram

Sidus, et in Græcis litera quarta gerit.

Hæc ubi distincta est gradibus ; qui conjici
intus,

Quot tetigit virgas, tot capit inde nuces.

85 Vas quoque sæpe cavum spatio distante locatur ;

In quod missa levi nux cadat una manu.

Felix ; secreto quæ nata est arbor in agro ;

Et soli domino ferre tributa potest !

Non hominum strepitus audit, non illa rotarum ;

90 Non à vicinâ pulverulenta viâ est.

Illa suo, quæcunque tulit, dare dona colono,

Et plenos fructus annumerare potest.

At mihi maturos nunquam licet edere fœtus ;

Ante diemque meæ decutiuntur opes.

95 Lamina mollis adhuc tenero est in lacte, quod
intra est :

Nec mala sunt ulli nostra futura bono ;

Jam tamen invenias, qui me jaculentur, et
ictu

Præfesto munus inane petant.

Si fiat rapti, fiat mensura relictæ,
 100 Majorem domini parte, viator, habes.
 Sæpe aliquis, foliis ut nuda cacumina vidit,
 Esse putat Boreæ triste furentis opus.
 Æstibus hic, hic me spoliata frigore credit:
 Est quoque, qui crimen grandinis esse putet.
 105 At mihi nec grando duris invisa colonis,
 Nec ventus fraudi, solve, geluve fuit.
 Fructus obeſt: peperisse nocet: nocet esse fe-
 racem.

Quæque fuit multis, est mihi præda malo.
 Præda malo, Polydore, fuit tibi: præda nefandæ
 110 Conjugis Aëonium misit in arma virum.
 Hesperii regis pomaria tuta fuissent:
 Una sed immensas arbor habebat opes.
 At rubus et sentes tantummodo lædere natæ
 Spinaque vindictâ cætera tuta suâ est.
 115 Me, quia non noceo, nec obuncis vindicor
 hamis;

Missa petunt avidâ saxa proterva manu.
 Quid si non aptas solem mutantibus umbras,
 Finditur Icaro cum cane terra, darem?
 Quid, nisi suffugium nimbos vitantibus essem,
 120 Non expectatâ cum venit imber aquâ?
 Omnia cum faciam, cum præstem sedula cunctis
 Officium; saxis officiosa petor.
 Hæc mihi perpeſſæ, domini patienda querela est.
 Causa habeor, quare sit lapidosus ager.

N

Dumque

125 Dumque repurgat humum collectaque saxa remittit ;

Semper habent in me tela parata viæ.

Ergo invisa aliis, uni mihi frigora profunt :

Illo me tutam tempore præstat hiems.

Nuda quidem tunc sum ; nudam tamen expedit esse ;

130 Nec spoliū de me, quod petat, hostis habet.

At simul induimus nostris sua munera ramis ;

Saxa novos fructus grandine plura petunt.

Forſitan hic aliquis dicat ; Quæ publica tangunt,

Carpere conſeſſum eſt : hoc via juris habet.

135 Si licet hoc ; oleas diſtringite : cædite meſſes.

Improbe, vicinum carpe, viator, olus.

Intret & urbanas eadem petulantia portas ;

Sitque tuis muris, Romule, juris idem.

Quilibet argentum primæ de fronte tabernæ

140 Tollat : et ad gemmas quilibet alter eat.

Auferat hic aurum, peregrinos ille lapillos ;

Et quæſcūque poteſt tangere tollat opes.

Sed neque tolluntur : nec, dum regit omnia Cæſar,

Incolumis tanto præſide raptor erit.

145 At non ille Deus pacem intra mœnia finit :

Auxilium toto ſpargit in orbe ſuum.

Quid tamen hoc prodeſt, media ſi luce palamque

Verberor, et tutæ non licet eſſe nuci ?

Ergo nec nidos foliis hæreſe, nec ullam

150 Sedibus in noſtris ſtare videtis avem.

At

- At lapis, in ramo sedit quicumque bifurco,
 Hæret et ut captâ victor in arce manet.
 Cætera sæpe tamen potuere admissa negari;
 Et crimen nox est inficiata suum.
- 155 Nostra notat fusco digitos injuria succo,
 Cortice contactas inficiente manus.
 Ille cruor meus est: illo maculata cruore
 Non profecturâ dextra lavatur aquâ.
 O ego, cum longæ venerunt tædia vitæ,
 160 Optavi quoties arida facta mori!
 Optavi quoties, aut cæco turbine verti,
 Aut valido missi fulminis igne peti!
 Atque utinam subitæ raperent mea poma procellæ:
 Vel possem fructus excutere ipsa meos.
- 165 Sic, ubi detracta est à te tibi causa pericli,
 Quod superest, tutum, Pontice castor, habes.
 Quid mihi tunc animi est; cum sumit tela viator,
 Atque oculis plagæ destinat antè locum;
 Nec vitare licet moto fera vulnera trunco,
- 170 Quem sub humo radix vinclaque curva tenent?
 Corpora præbemus plagis: ut sæpe sagittis,
 Cùm populus manicas deposuisse vetat:
 Utve gravem pavida est ubi tolli vacca securim,
 Aut stringi cultros in sua colla videt.
- 175 Sæpe meas vento frondes tremuisse putastis:
 Sed metus in nobis causa tremoris erat.
 Si merui, videorque nocens; imponite flammæ.
 Nostraque fumosis urite membra focis.

- Si merui, videorque nocens; excidite ferro;
 180 Et liceat misere dedoluisse semel.
 Si nec cur urar, nec cur excidar habetis;
 Parcite. sic cœptum perficiatis iter.

Genus suum exponit Naso.

- I**LL Ego, qui fuerim, tenerorum lusor amo-
 rum,
 Quem legis, ut nôris, accipe, Posteritas.
 Sulmo mihi patria est gelidis uberrimus undis,
 Millia qui novies distat ab Urbe decem,
 5 Editus hic ego sum: necnon, ut tempora nôris;
 Cum cecidit fato Consul uterque pari.
 Si quid id est, usque à proavis vetus ordinis hæres;
 Non modo Fortunæ munere factus eques.
 Nec stirps prima fui; genito jam fratre creatus;
 10 Qui tribus antè quater mensibus ortus erat.
 Lucifer amborum natalibus adfuit idem:
 Una celebrata est per duo liba dies.
 Hæc est, armiferæ festis de quinque Minervæ
 Quæ fieri pugnâ prima cruenta solet.
 15 Protinus excolimur teneri, curâque parentis
 Imus ad insignes Urbis ab arte viros.
 Frater ad eloquium viridi tendebat ab ævo,
 Fortia verbosi natus ad arma Fori.
 At mihi jam puero cœlestia sacra placebant;
 20 Inque suum furtim Musa trahebat opus.

Sæpe

- Sæpe pater dixit, Studium quid inutile tentas ?
 Maenides nullas ipse reliquit opes.
 Motus eram dictis: totoque Helicone relicto,
 Scribere conabar verba soluta modis.
- 25 Sponte sua carmen numeros veniebat ad aptos:
 Et quod tentabam dicere, versus erat.
 Interea, tacito passu labentibus annis,
 Liberior fratri sumta mihiq; toga est:
 Induiturque humeros cum lato purpura clavo:
- 30 Et studium nobis, quod fuit antè, manet.
 Jamque decem vitæ frater geminaverat annos,
 Cum perit; et cœpi parte carere mei.
 Cepimus & teneræ primos ætatis honores;
 Eque viris quondam pars tribus una fui.
- 35 Curia restabat: clavi mensura coacta est.
 Majus erat nostris viribus illud onus.
 Nec patiens corpus, nec mens fuit apta labori;
 Sollicitæque fugax ambitionis eram:
 Et petere Aoniæ suadebant tuta sorores.
- 40 Otia, judicio semper amata meo.
 Temporis illius colui fovique poëtas;
 Quotque aderant vates, rebar adesse Deos.
 Sæpe suas volucres legit mihi grandior ævo,
 Quæque necet serpens, quæ juvet herba, Macer.
- 45 Sæpe suos solitos recitare Propertius ignes;
 Jure sodalitiū qui mihi junctus erat.
 Ponticus Heroö, Bassus quoque clarus Iambo,
 Dulcia convictus membra fuëro mei.

Et

- Et tenuit nostras numerosus Horatius aures ;
 50 Dum ferit Ausoniâ carmina cuncta lyra.
 Virgilium vidi tantum : nec avara Tibullo
 Tempus amicitiae fata dedere meae.
 Successor fuit hic tibi, Galle ; Propertius illi.
 Quartus ab his serie temporis ipse fui.
 55 Utque ego majores, sic me coluere minores :
 Notaque non tardè facta Thalia mea est.
 Carmina cum primùm populo juvenillâ legi,
 Barba resecta mihi bisve semelve fuit.
 Moverat ingenium totam cantata per Urbem
 60 Nomine non vero dicta Corinna mihi.
 Multa quidem scripsi : sed quæ victiosa putavi,
 Emendaturis ignibus ipse dedi.
 Tum quoque, cum fugerem, quædam placitura
 cremavi
 Iratus studio carminibusque meis.
 65 Molle, Cupidineis nec inexpugnabile telis
 Cor mihi, quodque levis causa moveret, erat.
 Cùm tamen hoc essem, minimoque accenderet
 igni ;
 Nomine sub nostro fabula nulla fuit.
 Pæne mihi puero nec digna, nec utilis uxor
 70 Est data : quæ tempus perbreve nupta fuit.
 Illi successit, quamvis sine crimine, conjux ;
 Non tamen in nostro firma futura toro.
 Ultima, quæ mecum seros permansit in annos,
 Sustinuit conjux exsulis esse viri.

- 75 Filia me mea bis primâ fecunda juventâ,
Sed non ex uno conjuge, fecit avum.
Et jam complêrat genitor sua fata ; novemque
Addiderat lustris altera lustra novem.
Non aliter flevi, quàm me fleturus ademtum
80 Ille fuit, matris proxima busta tuli.
Felices ambo, tempestivèque sepultos,
Ante diem pœnæ quod periêre meæ !
Me quoque felicem, quod non viventibus illis
Sum miser ; et de me quod doliûre nihil !
85 Si tamen extinctis aliquid, nisi nomina restant,
Et gracilis structos effugit umbra rogos ;
Fama, parentales, si vos mea contigit, umbræ ;
Et sunt in Stygio crimina nostra foro ;
Scite, precor, causam (nec vos mihi fallere fas
est) :
90 Non sceleris, non scelus, esse fugæ.
Mantua hoc votis est, ad vos studiosa revertor
Pectora, quæ vitæ quaritis acta meæ.
Jam mihi cœlestes, pulsas melioribus annis
Venerat ; antiquas miscueratque comas :
95 Postque meos ortus Piseâ vinctus olivâ
Abstulerat decies præmia victor eques :
Cum maris Ruxini posita ad læva Tomitas
Quærere in læsi Principis ira jubet.
Causa mea cunctis nimirum quoque nota ruinae
100 Indicio non est testificanda meo.

Quid

Quid referam comitumque nefas, famulosque
nocentes?

Ipsâ multa tui non leviora fugâ.

Indignata malis mens est succumbere; seque

Præstitit invictam viribus usa suis;

105 Oblitusque mei, ductæque per otia vitæ,

Insolitâ cepi temporis arma manu:

Totque tui terrâ casus pelagoque, quot inter

Occultum stellæ conspicuumque polum.

Tacta mihi tandem longis erroribus actô,

110 Junctâ pharetratis Sarmatis ora Getis.

Hic ego, finitimis quamvis circumsoner armis,

Tristia, quo possum, carmine fata levo.

Quod, quamvis nemo est, cujus referatur ad
aures:

Sic tamen absumo decipioque diem.

115 Ergo, quod vivo, durisque laboribus obîto,

Nec me sollicitæ tædia lucis habent,

Gratia, Musa, tibi. nam tu solatia præbes;

Tu requies curæ, tu medicina venis:

Tu dux, tuque comês; tu nos abducis ab Istro;

120 In medioque mihi das Helicone locum.

Tu mihi (quod rarum) vivo sublimè dedisti

Nomen; ab exsequiis quod dare Fama solet.

Nec, qui detrectat præsentia, Livor iniquo

Ullum de nostris dente momordit opus.

125 Nam tulerint magnos cum secula nostra poëtas;

Non fuit ingenio Fama maligna meo.

Cumque

Cumque ego præponam multos mihi ; non minor
illis

Dicor : et in toto plurimus orbe legor.

Si quid habent igitur vatū præfagia veri ;

130 Protinus, ut moriar, non ero, terra, tuus.

Sive favore tuli, five hanc ego carmine famam ;

Jure tibi grates, candide lector, ago.



F I N I S.

*The following BOOKS are Printed by
J. POTE, for the Use of Schools.*

L A T I N.

A Insworth's Latin and English Dictionary.
Coles's Latin and English Dictionary.
Phædri Fabulæ, cum Notis.
Nomenclator. 5 EL 66
Evangelia; ex N. Testamento.
Preces Collegii Etonensis.
Electa majora ex Ovidio, &c.
Electa minora ex Ovidio, &c.
Willymot's Larger Examples.
———'s Shorter Examples.
———'s Peculiar Use of Latin Words.
Leed's English Examples.
Garretson's English Examples.
Profodia, for the Use of young Beginners, by T. M.
Clerici Compendium Historiæ Universalis.
Terentius, Virgilius, Horatius, Ovidii Metamorph.
Fasti & Epistolæ, Tullii Orationes, Cæsaris Com-
mentar. in Usum Delph. and other Editions.

G R E E K.

Greek Grammar.
Hederici Lexicon Græco-Latinum.
Schrevelii Lexicon Græco-Latinum.
Æsopi Fabulæ, Gr. Lat. cum novis Notis.
Sophoclis Tragœdiæ, a Johnson, 3 vol. 8vo.
Euripidis Tragœdiæ, 2 vol. 8vo. Edit. nova.
——— Medea, Gr. Lat. 4to.
Aristophanis Comœdiæ, Gr. Lat. a Leng.
Lucian, Gr. Lat. per Kent.
Demosthenis Orat. Gr. Lat. per Mounteney.
Clavis Homerica, Edit. nova.
Orationes Funebres, Gr. Lat. a Bentham.

ELECTA
EX
OVIDIO
ET
TIBULLO.
IN USUM
REGIÆ SCHOLÆ ETONENSIS.
PARS SECUNDA.



ETONÆ:
Typis J. POTE, Bibliopolæ, & Typographi.

Anno Dom. MDCCLIII.

ELECTRO
OVIDIO
TIBULLO

IN USE

REC'D BY THE



PAID

EX

OVIDIO.

Suum opus Germanico inscribit Naso.

EXCIPE pacato, Cæsar Germanice,
vultu

Hoc opus : et timidæ dirige navis iter.

Officiique lævem non aversatus honorem,

In tibi devoto munere, dexter ades.

5 Sacra recognoscas Annalibus eruta priscis ;

Et quo sit merito quæque notata dies.

Invenies illic et festa domestica vobis :

Sæpe tibi Pater est, sæpe legendus Avus.

Quæque ferunt illi pictos signantia Fastos,

10 Tu quoque cum Druso præmia fratre feres.

Cæsaris arma canant alii ; nos Cæsaris aras ;

Et quoscunque sacris addidit ille dies.

† B

Annue

- Annue conanti per laudes ire tuorum :
 Deque meo pavidos excute corde metus.
 15 Da mihi te placidum ; dederis in carmina vires :
 Ingenium vultu statque caditque tuo.
 Pagina iudicium docti subitura movetur
 Principis, ut Clario missa legenda Deo.
 Quæ sit enim culti facundia sensimus oris,
 20 Civica pro trepidis cum tulit arma reis.
 Scimus et, ad nostras cum se tulit impetus artes,
 Ingenii currant flumina quanta tui.
 Si licet, et fas est, vates rege vatis habenas :
 Auspice te felix totus ut annus eat.

Crescit amor Nummi.

- T**Empore crevit amor, qui nunc est summus,
 habendi :
 Vix ultra, quò jam progrediatur, habet.
 Pluris opes nunc sunt, quàm prisca temporis annis ;
 Dum populus pauper, dum nova Roma fuit :
 5 Dum casa Martigenam capiebat parva Quirinum,
 Et dabat exiguum fluminis ulva torum.
 Jupiter angustâ vix totus stabat in æde ;
 Inque Jovis dextrâ fictile fulmen erat.
 Frondibus ornabant, quæ nunc Capitolia gem-
 mis :
 10 Pascebâtque suas ipse Senator oves.

Nec

Nec pudor, in stipulâ placidam cepisse quietem,
Et fœnum capiti supposuisse, fuit.

Jura dabat populis posito modò Consul aratro ;
Et levis argenti lamina crimen erat.

15 At postquam Fortuna loci caput extulit hujus ;
Et tetigit summos vertice Roma Deos ;.

Creverunt et opes, et opum furiosa cupido :
Et, cùm possideant plurima, plura volunt.

Quærere, ut absument, absumenta requirere cer-
tant :

20 Atque ipsæ vitiis sunt alimenta vices :

Sic, quibus intumuit suffusâ venter ab undâ,
Quò plus sunt potæ, plus sitiuntur aquæ.

In pretio pretium nunc est : dat census honores ;
Census amicitjas ; pauper ubique jacet.

*Quarè diversis Deis diversa immolabantur pecora, cum
Aristæi Fabulâ.*

ANtè, Deos homini quod conciliare valeret,
Far erat, et puri lucida mica salis.

Nondum pertulerat lacrymatas cortice myrrhas

Acta per æquoreas hospita navis aquas.

5 Thura nec Euphrates, nec miserat India costum,

Nec fuerant rubri cognita fila croci.

Ara dabat fumos herbis contenta Sabinis,

Et non exiguo laurus adusta sono.

† B 2

Si

- Si quis erat, factis prati de flore coronis,
 10 Qui posset violas addere; dives erat.
 Hic, qui nunc aperit percussi viscera tauri,
 In sacris nullum culter habebat opus.
 Prima Ceres avidæ gavisa est sanguine porcæ,
 Ulta suas meritâ cæde nocentis opes,
 15 Nam fata vere novo teneris lactentia fulcis
 Eruta setigeræ comperit ore Suis.
 Sus dederat pœnas: exemplo territus hujus
 Palmite debueras abstinuisse caper.
 Quem spectans aliquis dentes in vite prementem,
 20 Talia non tacito dicta dolore dedit:
 Rode, caper, vitem: tamen huic, cùm stabis ad
 aram,
 In tua quod spargi cornua possit, erit.
 Verba fides sequitur: noxæ tibi deditus hostis
 Spargitur affuso cornua, Bacche, mero.
 25 Culpa Sui nocuit: nocuit quoque culpa capellæ.
 Quid hos, quid placidæ commeruistis oves?
 Flebat Aristæus, quòd apes cum stirpe necatas
 Viderat inceptos destituisse favos.
 Cœrula quem genitrix ægrè solata dolentem,
 30 Addidit hæc dictis ultima verba fuis.
 Siste, puer, lacrymas. Proteus tua damna le-
 vabit;
 Quòque modo repares, quæ periêre, dabit.
 Decipiat ne te versis tamen ille figuris;
 Impediant geminas vincula firmâ manus.

Pervenit

- 35 Pervenit ad vatem juvenis : resolutaque somno
Alligat æquorei brachia capta senis.
Ille suâ faciem transformis adulterat arte:
Mox domitus vinclis in sua membra redit.
Oraque cœruleâ tollens rorantia barbâ ;
- 40 Quâ, dixit, repares arte requiris apes ?
Obrue mactati corpus tellure juvenci ;
Quod petis à nobis, obrutus ille dabit.
Jussa facit pastor, fervent examina putri
De bove : mille animas una necata dedit.
- 45 Poscit ovem fatum, verbenas improba carpsit ;
Quas pia Dis ruris ferre solebat anus.
Quid tuti superest ; animam cùm ponat in aris
Lanigerumque pecus, ruricolæque boves ?
Placat equo Persis radiis Hyperiona cinctum,
- 50 Ne detur celeri victima tarda Deo.
Quod semel est triplici pro virgine cæsa Dianæ,
Nunc quoque pro nullâ virgine cerva cadit.
Extâ canum vidî Triviæ libare Sapæos :
Et quicumque tuas accolit, Hæme, nives.
- 55 Intactæ fueratis aves solatia ruris ;
Assuetum sylvis, innocuumque genus ;
Quæ facitis nidos, quæ plumis ova fovetis,
Et facili dulces editis ore modos.
Sed nihil ista juvant : quia linguæ crimen ha-
betis,
- 60 Dique putant mentes vos aperire suas.

Nec tamen id falsum, nam, Dis ut proxima quæ-
que,

Nunc pennâ veras, nunc datis ore notas,
Tuta diu volucrum proles, tum denique cæsa
est :

- Juveruntque Deos indicis exta fui.
65 Ergo sæpe suo conjux abducta marito
Uritur ignitis alba columba focis.
Nec defensa juvant Capitolia, quo minùs anser
Det jecur, in lances, Inachi lauta, tuas.
Nocte Deæ Nocti cristatus cæditur ales,
70 Quòd tepidum vigili provocat ore diem.

Philosophiam laudat Naso.

- Q UID vetat et stellas, ut quæque oriturque
caditque,
Dicere ? promissi pars sit et ista mei.
Felices animæ, quibus hæc cognoscere primis,
Inque domos superas scandere cura fuit !
5 Credibile est illas pariter vitiis que locis que
Altiùs humanis exseruisse caput.
Non Venus et vinum sublimia pectora fregit ;
Officiùmve fori, militiæve labor.
Nec levis ambitio, perfusæque gloria fuco ;
10 Magnarùmve fames sollicitavit opum.
Admovère oculis distantia sidera nostris ;
Ætheraque ingenio supposuère suo.

Sic

Sic petitur cœlum : non ut ferat Ossan Olympus ;
Summâque Peliacus sidera tangat apex.

15 Nos quoque sub ducibus cœlum metabimur illis,
Ponemûsque suos ad stata signa dies.

Ne cumules culpam mendacio.

Fortè Jovi festum Phœbus solenne parabat :
(Non faciet longas fabula nostra moras.)

I, mea, dixit, avis, ne quid pia sacra moretur :
Et tenuem vivis fontibus affer aquam.

5 Coryus inauratum pedibus cratera recurvis
Tollit, et aërium pervolat altus iter.

Stabat adhuc duris ficus densissima pomis :
Tentat eam rostro : non erat apta legi.

Immemor imperii sedisse sub arbore fertur,

10 Dum fierent tardâ dulcia poma morâ.

Jâmque satur nigris longum rapit unguibus hy-
drum ;

Ad dominumque redit ; fictâque verba refert :

Hic mihi caussa moræ vivarum obsessor aquarum :

Hic tenuit fontes officiûmque meum.

15 Addis, ait, culpæ mendacia, Phœbus ? et audes
Fatidicum verbis fallere velle Deum ?

At tibi, dum lactens hærebit in arbore ficus,
De nullo gelidæ fonte bibantur aquæ.

Dixit : et antiqui monumenta perennia facti

20 Anguis, Avis, Crater, sidera juncta micant.

ANNUS


ANNUS INEUNS.

- J**ANE biceps, anni tacite labentis origo,
 Solus de Superis qui tua terga vides;
 Dexter ades ducibus; quorum secura labore
 Otia terra ferax, otia pontus agit.
 5 Dexter ades Patribusque tuis, Populoque Quirini:
 Et resera nutu candida templa tuo.
 Prospera lux oritur: linguisque animisque favete:
 Nunc dicenda bono sunt bona verba die.
 Lite vacent aures; insanæque protinus absint
 10 Jurgia: differ opus, livida lingua, tuum.
 Cernis, odoratis ut luceat ignibus æther;
 Et sonet accensis spica Cilissa focus?
 Flamma nitore suo templorum verberat aurum,
 Et tremulum summâ spargit in æde jubar.
 15 Vestibus intactis Tarpeias itur in arces:
 Et populus festo concolor ipse suo est.
 Jamquænovi præeunt fasces; novapurpura fulget;
 Et nova conspicuum pondera sentit ebur.
 Colla rudes operum præbent ferienda juvenci,
 20 Quos aluit campis herba Falisca suis.
 Jupiter, arce suâ cum totum spectet in orbem;
 Nil nisi Romanum, quod tueatur, habet.
 Salve, læta dies, meliôrque revertere semper,
 A populo rerum digna potente coli.

HER-

HERCULES & OMPHALE.

- I**BAT odoratis humeros perfusa capillis
 Mæonis, aurato conspicienda sinu.
 Aurea pellebant rapidos umbracula soles;
 Quæ tamen Herculeæ sustinuere manus.
- 5 Jam Bacchêa nemus Tmoli vineta tenebat:
 Hesperus et fusco roscidus ibat equo.
 Antra subit, trophis lacteatâque pumice vivo:
 Garrulus in primo limine rivus erat.
 Dùmque parant epulas potandâque vina mini-
 stri;
- 10 Cultibus Alciden instruit illa suis.
 Dat tenues tunicas Gætulo murice tinctas:
 Dat teretem zonam, quâ modò cincta fuit.
 Ventre minor zona est: tunicarum vincla relaxat,
 Ut possit vastas exseruisse manus.
- 15 Fregerat armillas non illa ad brachia factas:
 Stringebant magnos vincula parva pedes.
 Ipsa capit clavâque gravem, spoliûmque leonis,
 Conditâque in pharetrâ tela minora suâ.



MAJESTAS.

- T**ERRA feros partus immania monstra
 Gigantas
 Edidit, aufuros in Jovis ire domum.
 Mille manus illis dedit, et pro cruribus angues:
 Atque ait, in magnos arma movete Deos.
 5 Exstruere hi montes ad sidera summa parabant,
 Et magnum bello sollicitare Jovem.
 Fulmina de cœli jaculatus Jupiter arce,
 Vertit in auctores pondera vasta suos.
 His bene Majestas armis defensa Deorum
 10 Restat: et ex illo tempore firma manet.
 Affidet illa Jovi: Jovis est fidissima custos:
 Et præstat sine vi sceptrâ tremenda Jovi.
 Venit et in terras: coluerunt Romulus illam
 Et Numa: mox alii, tempore quisque suo.
 15 Illa patres in honore pio matrêsq; tuetur:
 Illa comes pueris virginibûsq; venit,
 Illa datos fasces commendat, eburne curule:
 Illa coronatis alta triumphat equis.



Mærse,

*Maerores, quibus affectus erat, in exilium abire
jussus, exponit Naso.*

CUM subit illius tristissima noctis imago,
Quæ mihi supremum tempus in urbe
fuit ;

Cùm repeto noctem, quâ tot mihi cara reliqui ;
Labitur ex oculis nunc quoque gutta meis.

5 Jam propè lux aderat, quâ me discedere Cæsar
Finibus extremæ jusserrat Aufoniæ.

Nec mens, nec spatium fuerant satis apta paranti :
Torpuerant longâ pectora nostra morâ.

Non mihi fervorum, comitis non cura legendi :

10 Non aptæ profugo vestis opisque fuit.

Non aliter stupui, quàm qui Jovis ignibus ictus
Vivit ; et est vitæ nescius ipse suæ.

Ut tamen hanc animo nubem dolor ipse removit,
Et tandem sensus convaluere mei ;

15 Alloquor extremum mœstos abiturus amicos,
Qui modo de multis unus et alter erant.

Uxor amans flentem flens acrius ipsa tenebat ;
Imbre per indignas usque cadente genas.

Nata procul Libycis aberat diversa sub oris :

20 Nec poterat fati certior esse mei.

Quocunque adspiceres, luctus gemitusque sona-
bant :

Formaque non taciti funeris intus erat.

Fœmina, vîrque, meo pueri quoque funere mœ-
rent :

Inque domo lacrymas angulus omnis habet.

25 Si licet exemplis in parvo grandibus uti ;

~~facies~~ Troiæ, cùm caperetur, erat,

Jâmque quiescebant voces hominûmque canûm-
que :

Lunâque nocturnos alta regebat equos.

Hanc ego suspiciens, et ab hâc Capitolia cernens,

30 Quæ nostro frustra juncta fuere Lari ;

Numina vicinis habitantia sedibus, inquam,

Jâmque oculis nunquam templa videnda meis;

Dique relinquendi, quos Urbs habet alta Quirini;

Este salutati tempus in omne mihi.

35 Et quamquam serò clypeum post vulnera fumo ;

Attamen hanc odiis exonerate fugam ;

Cœlestique viro, quis me deceperit error,

Dicite ; pro culpâ ne scelus esse putet.

Ut, quod vos scitis, pœnæ quoque sentiat auctor,

40 Placato possum non miser esse Deo.

Hâc prece adoravi Superos ego : pluribus uxor ;

Singultu medios præpediente sonos.

Illa etiam ante Lares passis prostrata capillis

Contigit extinctos ore tremente focos :

45 Multâque in aversos effudit verba Penates,

Pro deplorato non valitura viro.

Jâmque moræ spatium nox præcipitata negabat,

Versâque ab axe suo Parrhasis Arctos erat.

Quid

- Quid facerem? blando patriæ retinebar amore :
50 Ultima sed iussæ nox erat illa fugæ.
Ah quoties aliquo, dixi, properante, Quid urges?
Vel quò festines ire, vel unde, vide.
Ah quoties certam me sum mentitus
Horam, propositæ quæ foret apta viæ.
55 Ter limen tetigi; ter sum revocatus: et ipse
Indulgens animo pes mihi tardus erat.
Sæpe, Vale dicto, rursus sum multa locutus;
Et quasi discedens oscula summa dedi.
Sæpe eadem mandata dedi: méque ipse fefelli,
60 Respiciens oculis pignora cara meis.
Denique, Quid propero? Scythia est, quò mitti-
mur, inquam:
Roma relinquenda est. utraque justa mora est.
Uxor in æternum vivo mihi viva negatur:
Et domus, et fidæ dulcia membra domûs.
65 Quósque ego fraterno dilexi more sodales.
O mihi Theséâ pectora juncta fide!
Dum licet, amplectar: nunquam fortasse licebit
Amplius. in lucro, quæ datur hora, mihi est.
Nec mora; sermonis verba imperfecta relinquo,
70 Complectens animo proxima quæque meo.
Dum loquor, et fletus; cælo nitidissimus alto
Stella gravis nobis Lucifer ortus erat.
Dividor haud aliter, quam si mea membra re-
linquam:
Et pars abrumpi corpore visa suo est.

Tum

- 75 Tum verò exoritur clamor gemitusque meorum;
 Et feriunt mœstæ pectora nuda manus.
 Tum verò conjux humeris abeuntis inhaerens
 Miscuit hæc lacrymis tristia dicta suis.
 Non potes avelli. simul ah, simul ibimus, inquit!
 80 Te sequar; et conjux exsulis exsul ero.
 Et mihi facta via est: et me capit ultima tellus.
 Accedam profugæ sarcina parva rati.
 Te jubet è patriâ discedere Cæsaris ira;
 Me pietas. pietas hæc mihi Cæsar erit.
 85 Talia tentabat: sic et tentaverat antè:
 Vixque dedit victas utilitate manus.
 Egredior (sive illud erat finè funere ferri)
 Squallidus immixtis hirta per ora comis.
 Illa dolore mei tenebris narratur obortis
 90 Semianimis mediâ procubuisse domo:
 Utque resurrexit, scædatis pulvere turpi
 Crinibus, et gelidâ membra levavit humo;
 Se modò, desertos modò complorâsse Penates;
 Nomen et erepti sæpe vocâsse viri:
 95 Nec gemuisse minùs, quàm si nataève meumve
 Vidisset structos corpus habere rogos:
 Et voluisse mori; moriendo ponere sensus:
 Respectûque tamen non posuisse mei.
 Vivat: et absentem, quoniam sic fata tulerunt,
 100 Vivat, et auxilio sublevet usque suo.

Honos senectuti habitus.

MAGNA fuit quondam capitis reverentia
cani,

Inque suo pretio ruga senilis erat.

Martis opus juvenes animosâque bella gerebant :

Et pro Dis aderant in statione suis.

5 Viribus illa minor, nec habendis utilis armis,

Consilio patriæ sæpe ferebat opem.

Nec nisi post annos patuit tunc Curia seros :

Nomen et ætatis mite Senatus erat.

Jura dabat populo senior ; finitâque certis

10 Legibus est ætas, unde petatur honos.

Et medius juvenum, non indignantibus ipsis,

Ibat : et interior, si comes unus erat,

Verba quis auderet coram sene digna rubore

Dicere ? censuram longa senecta dabat.

De Chironis morte & in fidus conversio.

PELION Hæmoniz mons est obversus in
Austros :

Summa virent pinu : cætera quercus habet.

Phillyrides tenuit : saxo stant antra vetusto,

Quæ justum memorant incoluisse senem.

5 Ille manus olim missuras Hæctora letho

Creditur in lyricis detinuisse modis.

Venerat

- Venerat Alcides exactâ parte laborum ;
 Jussâque restabant ultima pæne viro.
 Stare simul casu Trojæ duo fata videres :
 10 Hinc puer Æacides, hinc Jove natus erat.
 Excipit hospitio juvenem Philyreïus heros :
 Et causam adventûs hic rogat, ille docet.
 Perspicit interea clavam spoliûmque leonis :
 Virque, ait, his armis, armâque digna viro.
 15 Nec se, quin horrens auderent tangere setis
 Vellus, Achilleæ continuère manus.
 Dûmque senex tractat squalientia tela venenis ;
 Excidit, et lævo fixa sagitta pede est.
 Ingemuit Chiron, traxitque è corpore ferrum ;
 20 Adgemit Alcides, Hæmoniûsque puer.
 Ipse tamen lectas Pagasæis collibus herbas
 Temperat, et variâ vulnera mulcet ope.
 Virus edax superabat opem : penitûsque recepta
 Ossibus, et toto corpore pestis erat.
 25 Sanguine Centauri Lernææ sanguis Echidnæ
 Mistus, ad auxilium tempora nulla dabat.
 Stabat, ut ante patrem, lacrymis perfusus Achilles :
 Sic flendus Peleus, si moreretur, erat.
 Sæpe manus ægras manibus fingebat amicis :
 30 [Morum, quos fecit, præmia doctor habet.]
 Oscula sæpe dedit : dixit quoque sæpe jacenti ;
 Vive, precor ; nec me, care, relinque, pater.
 Nona dies aderat ; cûm tu, justissime Chiron,
 Bis septem stellis corpora cinctus eras.

Speratum

Speratum senectuti suæ otium deesse queritur Naso.

- J**AM mea cygneas imitantur tempora plumas,
 Inficit et nigras alba senecta comas :
 Jam subeunt anni fragiles, et inertior ætas :
 Jamque parum firmo me mihi ferre grave est.
 5 Nunc erat, ut posito deberem fine laborum
 Vivere, me nullo sollicitante metu ;
 Quæque meæ semper placuerunt otia menti,
 Carpere ; et in studiis molliter esse meis :
 Et parvam celebrare domum, veteresque Penates ;
 10 Et quæ nunc domino rura paterna carent :
 [Inque sinu dominæ, carisque nepotibus, inque
 Securus patriâ consenuisse meâ.]
 Hæc mea sic quondam peragi speraverat ætas :
 Hos ego sic annos ponere dignus eram.
 15 Non ita Dis visum : qui me terræque marique
 Actum Sarmaticis exposuere locis.
 In cava ducuntur quassæ navalia puppes ;
 Ne temere in mediis dissolvantur aquis.
 [Ne cadat, et multas palmas inhonestet adeptas,
 20 Languidus in pratis gramina carpit equus.]
 Miles, ut emeritis non est satis utilis annis,
 Ponit ad antiquos, quæ tulit arma, Lares.
 Sic igitur, tardâ vires minuente senectâ,
 Me quoque donari jam rude, tempus erat.

† D

Tempus

- 25 Tempus erat, nec me peregrinum ducere cœlum,
 Nec siccam Getico fonte levare sitim :
 Sed modò, quos habui, vacuum secedere in
 hortos :
 Nunc hominum visu rursus et urbe frui.

Minuuntur carmine Curæ.

- S**I qua meis fuerint, ut erunt, vitiosa libellis;
 Excusata suo tempore, lector, habe.
 Exsul eram; requiesque mihi, non fama petita est:
 Mens intenta suis ne foret usque malis.
- 5 Hoc est cur cantet vinctus quoque compede fossor,
 Indocili numero cùm grave mollit opus :
 Cantet et innitens limosæ pronus arenæ,
 Adverso tardam qui trahit amne ratem.
 Quique refert pariter lentos ad pectora remos,
- 10 In numerum pulsâ brachia versat aquâ.
 Fessus ut incubuit baculo, saxove refedit
 Pastor; arundineo carmine mulcet oves.
 Cantantis pariter, pariter data pensa trahentis
 Fallitur ancillæ decipiturque labor.
- 15 Fertur et abductâ Lyrnesside tristis Achilles
 Hæmoniâ curas attenuâsse lyrâ.
 Cùm traheret sylvas Orpheus et dura canendo
 Saxa; bis amissâ conjuge mœstus erat.
 Me quoque Musa levat Ponti loca iussa petentem.
- 20 Sola comes nostræ perstitit illa fugæ.

Dejectum

*Dejectum à nautis in mare Arionem salvum præstat
Delphinus.*

QUOD mare non novit, quæ nescit Ariona
tellus ?

Carmine currentes ille tenebat aquas.

Sæpe, sequens agnam, lupus est hæc voce reten-
tus :

Sæpe avidum fugiens restitit agna lupum :

5 Sæpe canes leporésque umbrâ cubuere sub una ;
Et stetit infestæ proxima cerva leæ.

Et sine lite loquax cum Palladis alite cornix

Sedit ; et accipitri juncta columba fuit.

Cynthia sæpe tuis fertur, vocalis Arion,

10 Tanquam fraternis obstupuisse modis.

Nomen Arionium Siculas impleverat urbes ;

Captæque erat lyricis Ausonis ora sonis.

Inde domum repetens puppim conscendit Arion ;

Atque ita quæsitæ arte ferebat opes.

15 Forfitan, infelix, ventos undamque timebas :

At tibi nave tuâ tutius æquor erat.

Namque gubernator destrecto constitit ense,

Cæteraque armatâ conscia turba manu.

Quid tibi cum gladio ? dubiam rege, navita,
pinum ;

20 Non sunt hæc digitis arma tenenda tuis.

Ille metu vacuus, mortem non deprecor, inquit :

Sed liceat sumtâ pauca referre lyrâ.

Dant veniam, ridéntque moram ; capit ille coronam,

Quæ possit crines, Phœbe, decere tuos.

25 Induerat Tyrio bis tinctam murice pallam :

Reddidit ic̃ta suos pollice chorda sonos.

Flebilibus veluti numeris canentia durâ

Trajectus pennâ tempora cantat olor.

Protinus in medias ornatus defilit undas.

30 Spargitur impulsa cœrula puppis aquâ.

Inde (fide majus) tergo Delphina recurvo

Se memorant oneri supposuisse novo.

Ille sedens citharâmque tenet, pretiûmque vehendi

Cantat, et æquoreas carmine mulcet aquas.

35 Di pia facta vident : astris Delphina recepit

Jupiter ; et stellas jussit habere novem.

Amicitia periculis spectatur.

Thesæa Pirithoûs non tam sensisset amicum,
Si non infernas vivus adisset aquas.

Ut foret exemplum veri Phocæus amoris,

Fecerunt Furia, tristis Orestæ, tuæ.

5 Si non Euryalus Rutulos cecidisset in hostes ;

Hyrtacidæ Niso gloria nulla foret.

Scilicet

Scilicet ut fulvum spectatur in ignibus aurum,
Tempore sic duro est inspicienda fides.

Dum juvat, et vultu ridet Fortuna sereno ;

10 Indelibatas cuncta sequuntur opes.

At simul intonuit ; fugiunt : nec noscitur ulli,
Agminibus comitum qui modò cinctus erat.

Exemplum veri Amoris.

NON procul à nobis locus est, ubi Taurica
dira

Cæde pharetratæ pascitur ara Deæ.

Hæc priùs, ut memorant, non invidiosa nefandis

Nec cupienda bonis, regna Thoantis erant.

5 Hic pro suppositâ virgo Pelopeïa cervâ

Sacra Deæ coluit qualiacunque suæ.

Quòpostquam, dubium pius an sceleratus, Orestes

Exactus furiis venerat ipse suis,

Et comes exemplum veri Phocæus amoris ;

10 Qui duo corporibus, mentibus unus erant ;

Protinus evincti Triviæ dicuntur ad aram,

Quæ stabat geminas ante cruenta fores.

Nec tamen hunc sua mors, nec mors sua terruit
illum :

Alter ob alterius funera mœstus erat.

15 Et jam constiterat stricto mucrone sacerdos ;

Cinxerat et Graias barbara vitta comas :

Cùm

Cùm vice sermonis fratrem cognovit, et illi
 Pro nece complexus Iphigenia dedit.
 Læta Deæ signum crudelia sacra perosæ
 20 Transtulit ex illis in meliora locis.

LÆSUS TIMEŒ.

LIBRUM SUUM ALLOQUITUR NASO.

FOrsitàn exspectes, an in alta Palatia missum
 Scandere te jubeam, Cæsareámque domum.
 Ignoscant augusta mihi loca, Dique locorum.
 Venit in hoc illâ fulmen ab arce caput.
 5 Esse quidem memini mitissima sedibus illis
 Numina : sed timeo, qui nocuere, Deos.
 Terretur minimo pennæ stridore columba,
 Unguibus, accipiter, faucia facta tuis.
 Nec procul à stabulis audet secedere, siqua
 10 Excussâ est avidi dentibus agna lupi.
 Vitaret cœlum Phaëthon, si viveret ; et quos
 Optârat stultè, tangere nollet equos.
 Me quoque, quæ sensi, fateor Jovis arma timere :
 Me reor infesto, cùm tonat, igne peti.
 15 Quicunque Argolicâ de classe Capharea fugit,
 Semper ab Euboïcis vela retorquet aquis.
 Et mea cymba, semel vastâ percussâ procellâ,
 Illum, quo læsa est, horret adire locum.

MUNERA

MUNERA CERERIS.

MESSIS erant primis virides mortalibus
herbæ,

Quas tellus nullo sollicitante dabat.

Et modò carpebant vivaci cespite gramen ;

Nunc epulæ tenerâ fronde cacumen erant.

5 Postmodo glans nata est : bene erat jam glande
repertâ :

Durâque magnificas quercus habebat opes.

Prima Ceres, homine ad meliora alimenta vocato,

Mutavit glandes utiliore cibo.

Illa jugo tauros collum præbere coëgit :

10 Tum primùm soles eruta vidit humus.

Æs erat in pretio : chalybeïa massâ latebat :

Heu quàm perpetuò debuit illa tegi !

Pacè Ceres læta est : at vos optate, coloni,

Perpetuam Pacem, perpetuúmque Ducem.

De Raptu PROSERPINÆ.

TERRA tribus scopulis vastum procurrit
in æquor

Trinacris ; à positu nomen adepta loci.

Grata domus Cereri, multas ibi possidet urbes ;

In quibus est culto fertilis Henna solò.

Frigida

- 5 Frigida cœlestum matres Arethusa vocarat :
 Venerat ad sacras et Dea flava dapes.
 Filia, consuetis ut erat comitata puellis,
 Errabat nudo per sua prata pede.
 Valle sub umbrosa locus est, adspergine multa
 10 Uvidus ex alto defilientis aquæ.
 Tot fuerant illic, quot habet natura, colores:
 Pictaque dissimili flore nitebat humus.
 Quam simul adspexit; Comites accedite dixit;
 Et mecum vestros flore replete sinus.
 15 Præda puellares animos prolestat inanis;
 Et non sentitur sedulitate labor.
 Hæc implet lento calathos è vimine textos:
 Hæc gremium, laxos degravat illa sinus.
 Illa legit calthas: huic sunt violaria curæ:
 20 Illa papavereas subsecat ungue comas.
 Has, Hyacinthe, tenes: illas, Amarante, moraris:
 Pars thyma, pars casiam, pars meliloton amant.
 Plurima lecta rosa est, et sunt sine nomine flores:
 Ipsa crocos tenues, liliæque alba legit.
 25 Carpendi studio paulatim longius itur;
 Et dominam casu nulla secuta comes.
 Hanc videt, et visam patruus velociter aufert;
 Regnæque cœruleis in sua portat equis.
 Illa quidem clamabat, Io, carissima mater,
 30 Auferor: ipsa suos abscideratque sinus.

Panditur

Panditur interea Diti via : jámque diurnum
Lumen inassueti vix patiuntur equi.

At chorus æqualis cumulatis flore canistris,
Persephone, clamant, ad tua dona veni.

35 Ut clamata filet, montes ululatibus implent ;
Et feriunt mœstæ pectora nuda manus.

Attonita est plangore Ceres ; modò venerat Henna-
nam :

Nec mora, me miseram, filia, dixit, ubi es ?
Mentis inops rapitur, quales audire solemus

40 Threïcias passis Mænadas ire comis.

Ut vitulo mugit sua mater ab ubere raptò,

Et quærit fœtus per nemus omne suos ;

Sic Dea, nec retinet gemitus, et concita cursu

Fertur ; et è campis incipit, Henna, tuis.

45 Quâcunque ingreditur, miseris loca cuncta que-
relis

Implet, ut amissum cùm gemit ales Ityn.

Pérque vices modò, Persephone, modò, Filia,
clamat :

Clamat, et alternis nomen utrumque ciet.

Sed neque Persephone Cererem, neque filia ma-
trem

50 Audit : et alternis nomen utrumque perit.

*Deam Robiginem precatur Sacerdos, ne segetes
lædat.*

- A** Spera Robigo, parcas Cerealibus herbis :
Et tremat in summâ læve cacumen humo.
Tu fata sideribus coeli nutrita secundis
Crescere, dum fiant falcibus apta, sinas.
- 5 Vis tua non levis est ; quæ tu frumenta notâsti,
Mœstus in amissis illa colonus habet.
Nec venti tantum Cereri nocuere, nec imbres ;
Nec sic marmoreo pallet adusta gelu,
Quantum, si culmos Titan incalfacit udos :
- 10 Tum locus est iræ, Diva timenda, tuæ.
Parce, precor, scabrâsque manus à messibus au-
fer ;
Neve noce cultis : posse nocere fat est.
Nec teneras segetes, sed durum amplectere fer-
rum :
- Quodque potest alios perdere, perde prior.
- 15 Utilius gladios et tela nocentia carpes :
Nil opus est illis : otia mundus agit.
Sarcula nunc, durûsque bidens, et vomer aduncus,
Ruris opes niteant : inquinet arma situs.
Conatûsque aliquis vaginâ ducere ferrum,
- 20 Adstrictum longâ sentiat esse morâ.
At tu ne viola Cererem : semperque colonus
Absenti possit solvere vota tibi.

Auceps

Auseps in laqueos suos decidit.

Dicitur Ægyptos caruisse juvantibus arva
Imbribus; atque annos sicca fuisse
novem.

Cum Thrasius Busrin adit, monstratque piari
Hospitis effuso sanguine posse Jovem:

5 Illi Busris, Fies Jovis hostia primus,
Inquit: et Ægypto tu dabis hospes aquam.

Et Phalaris tauro violenta membra Perilli
Torruit. infelix imbuit auctor opus.

Iustus uterque fuit. neque enim lex æquior
ulla,

10 Quam necis artifices arte perire sua.

*Quarè Vulpes Cerealibus emissæ, facibus alligatis
ardebant.*

FRigida Carseolis nec olivis apta ferendis
Terra, sed ad segetes ingeniosus ager.

Hæc ego Pelignos natalia rura petebam;

Parva, sed assiduis humida semper aquis.

5 Hospitis antiqui solitas intravimus ædes:

Demserat emeritis jam juga Phœbus equis.

1s mihi multa quidem, sed et hæc narrare so-
lebat,

Unde meum præfens instrueretur opus:

† E 2

Hoc,

Hoc, ait, in campo (campúmque ostendit) habebat

- 10 Rus breve cum duro parca colona viró.
 Ille suam peragebat humum : five usus aratri,
 Sive cavæ falcis, five bidentis erat.
 Hæc modò verrebat stantem tibicine villam :
 Nunc matris plumis ova fovenda dabat.
- 15 Aut virides malvas, aut fungos colligit albos :
 Aut humilem grato calfacit igne focum.
 Et tamen assiduis exercet brachia telis ;
 Adversúmque minas frigoris arma parat.
 Filius hujus erat primo lascivus in ævo :
- 20 Addiderátque annos ad duo lustra duos.
 Is capit extremi vulpem sub valle salicti :
 Abstulerat multas illa cohortis aves.
 Captivam stipulâ scenóque involvit, et ignes
 Admovet, urentes effugit illa manus.
- 25 Quâ fugit, incendit vestitos messibus agros :
 Damnosis vires ignibus atura dabat.
 Factum abiit, monumenta manent : nam vivere
 captam
 Nunc quoque lex vulpem Carseolana vetat.
 Utque luat pœnas gens hæc, Cerealibus ardet :
- 30 Quocque modo segetes perdidit, ipsa perit.

*Ovidius bella scripturus ad Amores à Cupidine
retrahitur.*

A RMA gravi numero violentaque bella pa-
rabam

Edere, materiâ conveniente modis.

Par erat inferior versus : risisse Cupido

Dicitur, atque unum furripuisse pedem.

5 Quis tibi, sæve puer, dedit hoc in carmina juris ?

Pieridum vates, non tua turba, sumus.

Quid, si præripiat flavæ Venus arma Minervæ ;

Ventilet accensas flava Minerva faces ?

Quis probet in sylvis Cererem regnare jugosis ?

10 Lege pharetratæ virginis arvâ coli ?

Crinibus insignem quis acutâ cuspide Phœbum

Instruat, Aoniam Marte movente lyram ?

Sunt tibi magna, puer, nimiûmq; potentia regna.

Cur opus affectas, ambitiose, novum ?

15 An, quod ubique, tuum ? tua sunt Heliconia

Tempe ?

Vix etiam Phœbo jam lyra tuta sua est ?

Cùm bene surrexit versu nova pagina primo ;

Attenuat nervos protinus ille meos.

Questus eram ; pharetrâ cùm protinus ille solutâ

20 Legit in exitium spicula facta meum :

Lunavitque genu sinuosum fortiter arcum :

Quédque canas, vates, accipe, dixit, opus.

Me

- Me miserum ! certas habuit puer ille sagittas,
 Uror ; et in vacuo pectore regnat Amor.
 25 Sex mihi surgat opus numeris ; in quinque residat
 Ferrea cum vestris bella valete modis.
 Cingere littoreâ flauentia tempora myrto,
 Musa, per undenos emodulanda pedes.

CERES ab Amore vincitur.

- A**Ntè nec hirsuti torrebant farra coloni :
 Nec notum terris area nomen erat.
 Sed glandem quercus oracula prima ferebant :
 Hæc erat, et teneri cespitis herba cibus.
 5 Prima Ceres docuit turgescere semen in agris ;
 Falce coloratas subsecuitque comas.
 Prima iugo tauros supponere colla coëgit :
 Et veterem curvo dente revellit humum.
 Nec tamen est (quamvis agros amet illa fe-
 races)
 10 Rustica : nec viduum pectus amoris habet.
 Cretes erunt testes ; nec fingunt omnia Cretes :
 Cretes, nutrito terra superba Jove.
 Illic, fideream qui mundi temperat arcem,
 Exiguus tenero lac bibit ore puer.
 15 Magna fides testi : testis laudatur alumno.
 Fassuram Cererem crimina nota puto.
 Viderat Iasium Cretæâ Diva sub Idâ
 Figentem certâ terga ferina manu.

- Vidit, et ut teneræ flammam rapuere medullæ ;
 20 (Hinc pudor, ex aliâ parte trahebat amor.)
 Victus amore pudor. fulcos arere videres,
 Et fata cum minimâ parte redire fui.
 Cum bene jactati pulsârunt arva ligones,
 Ruperat et duram vomer aduncus humum,
 25 Seminâque in latos ierant æqualiter agros ;
 Irrita decepti vota colentis erant.
 Diva potens frugum sylvis cessabat in altis :
 Deciderant longæ spicea ferta comæ.
 Sola fuit Crete fœcundo fertilis anno.
 30 Omnia, quâ tulerât se Dea, messis erant.
 Ipse locus nemorum canebat frugibus Ide,
 Et ferus in sylvâ farra metebat aper.
 Optavit Minos similes sibi legifer annos :
 Optavit, Ceresis longus ut esset amor.

APOLLO præ Amore Pastor.

- P**AVIT et Admeti tauros formosus Apollo :
 Nec cithara, intonsæ profueruntve comæ.
 Nec potuit curas sanare salubribus herbis.
 Quicquid erat medicæ, vicerat, artis, Amor.
 5 Ah quoties, illo vitulum gestante per agros,
 Dicitur occurrens erubuisse soror !
 Ah quoties ausæ, caneret dum valle sub alta,
 Rumpere mugitu carmina docta boves !

Sæpe

- Sæpe duces trepidis petiere oracula rebus :
 10 Venit et à templis irrita turba domum.
 Sæpe horrere sacros doluit Latona capillos,
 Quos admirata est ipsa noverca prius.
 Quisquis inornatumque caput, crinesque so-
 lutos
 Adspiceret, Phœbi quæreretur ille comam.
 15 Delos ubi nunc, Phœbe, tua est ? ubi Delphica
 Pytho ?
 Nempe Amor in parva te jubet esse casa.

CUPIDO TRIUMPHAT.

- E** S S E quid hoc dicam, quòd tam mihi dura
 videntur
 Strata, neque in lecto pallia nostra sedent ?
 Et vacuam somno noctem, quàm longa, peregi ;
 Lassaque versati corporis ossa dolent ?
 5 Nam puto sentirem, si quo tentarer amore.
 An subit, et tacitâ callidus arte nocet ?
 Sic erat. hæserunt tenues in corde sagittæ :
 Et possessa ferus pectora versat Amor.
 Cedimus ? an subitum luctando accendimus
 ignem ?
 10 Cedamus. leve fit, quod bene fertur, onus.
 Vidi ego jactatas motâ face crescere flammæ :
 Et vidi nullo concutiente mori.

Verbera plura ferunt, quàm quos juvat usus
aratri,

Detrectant pressi dum juga prima boves.

15 Asper equus duris contunditur ora lupatis :

Frena minùs sentit, quisquis ad arma facit,

Acriùs invitos, multoque ferociùs urget,

Quàm qui servitium ferre fatentur, amor.

En ego confiteor : tua sum nova præda, Cupido.

20 Porrigimus vinctas ad tua jura manus.

Nil opus est bello : pacem veniámque rogamus,

Nec tibi laus, armis victus inermis, ero.

Necte comam myrto : maternas junge columbas.

Qui deceat, currum vitricus ipse dabit.

25 Inque dato curru, populo clamante triumphum,

Stabis ; et adjunctas arte movebis aves.

Ducentur juvenes capti, captaeque puellæ.

Hæc tibi magnificus pompa triumphus erit.

Ipse ego præda recens factum modò vulnus ha-
bebo :

30 Et nova captivâ vincula mente feram.

Mens bona ducetur manibus post terga retortis,

Et pudor, et castris quidquid amoris obest ;

Blanditiæ comites tibi erunt, Errórque, Furórque,

Affiduè partes turba secuta tuas.

35 His tu militibus superas hominésque Deósque :

Hæc tibi si demas commoda, nudus eris.

Læta triumphanti de summo mater Olympo

Plaudet ; et oppositas sparget in ora rosas.

- Tu, pennas gemmâ, gemmâ variante capillos,
 40 Ibis in auratis aureus ipse rotis.
 Ergo, ego cùm possum sacri pars esse triumphî,
 Parce tuas in me perdere, victor, opes.
 Aspice cognati felicia Cæsaris arma.
 Quâ vicit, victos protegit ille manu.

REMEDIA AMORIS.

- A**D mea, decepti juvenes, præcepta venite;
 Quos suus ex omni parte fefellit amor.
 Discite sanari, per quem didicistis amare :
 Una manus vobis vulnus opemque feret.
 5 Terra salutes herbas, eademque nocentes,
 Nutrit : et urticæ proxima sæpe rosa est.
 Vulnus in Herculeo quæ quondam fecerat hoste,
 Vulneris auxilium Pelias hasta tulit.
 Sed quæcunque viris, vobis quoque dicta, puella,
 10 Credite. diversis partibus arma damus.
 E quibus ad vestros si quid non pertinet usus ;
 Attamen exemplo multa docere potest.
 Utile propositum, sævas extinguere flammæ ;
 Nec servum vitii pectus habere fui.
 15 Vixisset Phyllis, si me foret usa magistro ;
 Et per quod novies, sæpius isset iter.
 Nec moriens Dido summâ vidisset ab arce
 Dardanidas vento vela dedisse rates.

- Nec dolor armasset contra sua viscera matrem ;
 20 Quæ socii damno sanguinis ulta virum est.
 Arte mea Tereus, quamvis Philomela placeret,
 Per facinus fieri non meruisset avis.
 Da mihi Pasiphaën ; jam tauri ponet amorem :
 Da Phædræ ; Phædræ turpis abibit amor.
 25 Redde Parin nobis ; Helenen Menelaüs habebit :
 Nec manibus Danaïs Pergama victa cadent.
 Impia si nostros legisset Scylla libellos ;
 Hæssisset capiti purpura, Nise, tuo.
 Me duce damnosas, homines, compescite curas :
 30 Rectaque cum sociis, me duce, navis eat.
 Naso legendus erat tunc cū didicistis amare ;
 Idem nunc vobis Naso legendus erit.
 Publicus assertor dominis suppressa levabo
 Pectora : vindictæ quisque favete suæ.
 35 Te precor incipiens, adsit tua laurea nobis,
 Carminis et medicæ Phœbe repertor opis.
 Tu pariter vati, pariter succurre medenti :
 Utraque tutelæ subdita cura tuæ.
 Dum licet, et modici tangunt præcordia motus :
 40 Si piget, in primo limine siste pedem.
 Opprime, dum nova sunt, subiti mala semina
 morbi ;
 Et tuus incipiens ire resistat equus.
 Nam mora dat vires : teneras mora percoquit
 aivas ;
 Et validas segetes, quæ fuit herba, facit.

- 45 Quæ præbet latas arbor spatiantibus umbras,
Quo posita est primum tempore, virga fuit.
Tum poterat manibus summâ tellure revelli;
Nunc stat in immensum viribus aucta suis.
Quale sit id, quod amas, celeri circumspice
mente :
- 50 Et tua læsuro subtrahe colla iugo.
Principiis obsta. sero medicina paratur,
Cum mala per longas convaluere moras.
Sed propera : nec te venturas differ in horas.
Qui non est hodie, cras minus aptus erit.
- 55 Otia si tollas, periery Cupidinis arcus ;
Contemtæque jacent, et sine luce, faces.
Quàm platanus vino gaudet, quàm populus
undâ,
Et quàm limosâ canna palustris humo ;
Tam Venus otia amat. qui finem quæris amori,
- 60 (Cedit amor rebus) res age : tutus eris.
Languor, et immodici sub nullo vindice somni,
Aleaque et multo tempora quassa mero,
Eripiunt omnes animo sine vulnere nervos.
Adfluit incautis insidiosus Amor.
- 65 Desidiâ puer ille sequi solet. odit agentes.
Da vacuæ menti, quo teneatur, opus.
Sunt fora, sunt leges : sunt, quos tuearis, amici.
Vade per urbanæ splendida castra togæ.
Vel tu sanguinei juvenilia munera Martis
- 70 Suscipe. deliciæ jam tibi terga dabunt.

Ecce fugax Parthus, magni nova causa trium-
phi,

Jam videt in campis Cæsaris arma suis.

Vince Cupidineas pariter Parthasque sagittas :

Et refer ad patrios bina tropæa Deos.

75 Ut semel Ætolâ Venus est à cuspide læsa ;

Mandat amatori bella gerenda suo.

Quæritis, Ægisthus quare sit factus adulter ?

In promptu causa est : defidiosus erat.

Pugnabant alii tardis apud Ilion armis :

80 Transtulerant vires Græcia tota suas.

Sive operam bellis vellet dare, nulla gerebat ;

Sive foro, vacuum litibus Argos erat.

Quod potuit, ne nil illic ageretur, amavit.

Sic venit ille puer : sic puer ille manet.

85 Rura quoque oblectant animos, studiumque co-
lendi :

Quælibet huic curæ cedere cura potest.

Colla jube domitos oneri supponere tauros ;

Sauciet ut duram vomer aduncus humum.

Obrue versatâ Cerealia semina terrâ,

90 Quæ tibi cum multo fœnore reddat ager.

Aspice curvatos pomorum pondere ramos ;

Ut sua, quod peperit, vix ferat arbor onus.

Aspice jucundo labentes murmure rivos :

Aspice tondentes fertile gramen oves.

95 Ecce petunt rupes præruptaque saxa capellæ.

Jam referent hœdis ubera plena suis.

Pastor

- Pastor inæquali modulatur arundine carmen :
 Nec defunt comites sedula turba canes.
 Parte sonant aliâ sylvæ mugitibus altæ ;
 100 Et queritur vitulum mater abesse suum.
 Quid cum suppositos fugiunt examina fumos,
 Ut relevent demti vimina curva favi ?
 Poma dat autumnus : formosa est messibus æstas :
 Ver præbet flores : igne levatur hiems.
 105 Temporibus certis maturam rusticus uvam
 Deligit ; et nudo sub pede musta fluunt :
 Temporibus certis defectas alligat herbas ;
 Et tonsam raro pectine verrit humum.
 Ipse potes riguis plantam deponere in hortis :
 110 Ipse potes rivos ducere lenis aquæ.
 Venerit infitio ; fac ramum ramus adoptet :
 Stetque peregrinis arbor operta comis.
 Cum semel hæc animum cœpit mulcere voluptas,
 Debilibus pennis irritus exit Amor.
 115 Vel tu venandi studium cole. sæpe recessit
 Turpiter à Phœbi victa sorore Venus.
 Nunc leporem pronum catulo sectare sagaci :
 Nunc tua frondosis retia tende jugis.
 Aut pavidos terre variâ formidine cervos :
 120 Aut cadat adversâ cuspide fossus aper.
 Nocte fatigatum somnus, non cura puellæ,
 Excipit ; et pingui membra quiete levat.
 Lenius est studium, studium tamen, alite captâ,
 Aut lino, aut calamis præmia parva sequi :
 Vel,

- 125 Vel, quæ piscis edax avido male devoret ore,
 Abdere supremis æra recurva cibis.
 Aut his, aut aliis, donec dediscis amare,
 Ipse tibi furtim decipiendus eris.
 Tu tantum i, quamvis firmis retinebere vinclis;
 130 I procul, et longas carpere perge vias.
 Flebis, et occurret desertæ nomen amicæ:
 Stabit et in mediâ pes tibi sæpe viâ.
 Sed quanto minùs ire voles, magis ire memento:
 Perfer; et invitos currere coge pedes.
 135 Nec pluvias opta: nec te peregrina morentur
 Sabbata; nec damnis Allia nota suis.
 Nec quot transieris, sed quot tibi quære supersint
 Millia: nec, maneat ut prope, finge moras.
 Tempora nec numera: nec crebro respice Ro-
 mam.
 140 Sed fuge. tutus adhuc Parthus ab hoste fuga
 est.
 Dura aliquis præcepta vocet mea: dura fatemur
 Esse: sed, ut valeas, multa dolenda feres.
 Sæpe bibi succos, quamvis invitus, amaros
 Æger; et oranti mensa negata mihi.
 145 Ut corpus redimas, ferrum patieris et ignes;
 Arida nec sitiens ora lavabis aquâ.
 Ut valeas animo, quicquam tolerare negabis?
 At pretium pars hæc corpore majus habet.
 Sed tamen est artis strictissima janua nostræ.
 150 Et labor est unus tempora prima pati.

Non

- Non ego te jubeo medias abrumpere curas :
 Non sunt imperii tam fera jussa mei.
 Quod non es, simula ; positosque imitare furores :
 Sic facies verè, quod meditatus eris :
 155 Sæpe ego, ne biberem, volui dormire videri.
 Dum videor, somno lumina victa dedi.
 Deceptum risi, qui se simulârat amare ;
 In laqueos auceps decideratque suos.
 Intrat amor mentes usu : dediscitur usu.
 160 Qui poterit sanum fingere, sanus erit.
 Est prope Collinam templum venerabile portam:
 Imposuit templo nomina celsus Eryx.
 Est illic Lethæus Amor, qui pectora sanat ;
 Inque suas gelidam lampadas addit aquam.
 165 Illic et juvenes votis obliviam poscunt ;
 Et si qua est duro capta puella viro.
 Is mihi sic dixit : (dubito, verusne Cupido
 An somnus fuerit ; sed puto somnus erat)
 O qui sollicitos modò das, modò demis, amores ;
 170 Adjice præceptis hoc quoque, Naso, tuis.
 Ad mala quisque animum referat sua ; ponet
 amorem :
 Omnibus illa Deus plusve minusve dedit.
 Qui Puteal Janumque timet, celeresque Ka-
 lendas ;
 Torqueat hunc æris mutua summa sui.
 175 Cui durus pater est ; ut voto cætera cedant ;
 Huic pater ante oculos durus habendus erit.

Hic

Hic malè dotatâ pauper cum conjuge vivit :

Uxorem fato credat obesse suo.

Est tibi rure bono generosæ fertilis uvæ

180 Vineâ : ne nascens uita sit uva, time.

Ille habet in reditu navim : mare semper iniquum

Cogitet, et damno littora fœda suo.

Filius hunc miles, te filia nubilis angat.

Et quis non causas mille doloris habet ?

185 Ut posses odisse tuam, Pari, funera fratrum

Debueras oculis substituuisse tuis.

Plura loquebatur : placidum puerilis imago

Destituit somnum : si modo somnus erat.

Quid faciam ? mediâ navim Palinurus in undâ

190 Deserit. ignotas cogor inire vias.

Quisquis amas, loca sola nocent : loca sola caveto.

Quo fugis ? in populo tutior esse potes.

Non tibi secretis (augent secreta furores)

Est opus : auxilio turba futura tibi.

195 Tristis eris, si solus eris : dominæque relicte

Ante oculos facies stabit, ut ipsa, tuos.

Tristior idcirco nox est ; quam tempora Phœbi :

Quæ relevet luctus, turba sodalis abest.

Nec fuge colloquium : nec sit tibi janua clausa :

200 Nec tenebris vultus flebilis abde tuos.

Semper habe Pyladen aliquem, qui curet Orestem.

Hic quoque amicitie non levis usus erit.

Quid nisi secretæ nocuerunt Phyllidi sylvæ?

Certa necis causa est : incommitata fuit.

205 Ibat, ut Edono referens Trieterica Baccho

Ire solet fufis barbara turba comis.

Et modò, quàm poterat longùm, spectabat in
æquor :

Nunc in arenosâ lassâ jacebat humo.

Perfide Demophoön, surdas clamabat ad undas :

210 Ruptaque singultu verba dolentis erant.

Limes erat tenuis longâ subnubilus umbrâ :

Quo tulit illa suos ad mare sæpe pedes.

Nona terebatur miseræ via. Videris, inquit :

Et spectat zonam pallida facta suam.

215 Adspicit et ramos : dubitat, refugitque quod
audet :

Et timet : et digitos ad sua colla refert.

Sithoni, tunc certè vellem non sola fuisses ;

Non fleret positis Phyllida sylva comis.

Phyllidis exemplo nimium secreta timete,

220 Læse vir à domina, læsa puella viro.

Præstiterat juvenis, quicquid mea Musa jubebat ;

Inque suæ portu pæne salutis erat.

Recidit, ut cupidos inter devenit amantes :

Et, quæ condiderat, tela resumfit Amor.

225 Si quis amas, nec vis ; facito contagia vites.

Hæc etiam pecori sæpe nocere solent.

Dum spectant oculi læsos, læduntur et ipsi :

Multaque corporibus transitione nocent.

- In loca nonnunquam ficcis arentia glebis
 230 De prope currenti flumine manat aqua.
 Manat amor tectus, si non ab amante recedas :
 Turbaque in hoc omnes ingeniosa fumus.
 Sunt, quæ non possunt aliquo cogente juberi ;
 Sæpe tamen casu facta juvare solent.
- 235 Perdat opes Phædra ; parces, Neptune, nepoti :
 Nec faciet pavidos taurus avitus equos.
 Gnosfida fecisses inopem ; sapienter amâsset.
 Divitiis alitur luxuriosus amor.
 Cur nemo est, Hecalen ; nulla est, quæ ceperit
 Iron ?
- 240 Nempe quod alter egens, altera pauper erat.
 Non habet, unde suum paupertas pascat amo-
 rem :
 Non tamen hoc tanti est ; pauper ut esse velis.
 At tanti tibi sit, non indulgere theatris,
 Dum bene de vacuo pectore cedat amor.
- 245 Enervant animos citharæ, lotosque, lyræque ;
 Et vox, et numeris brachia mota suis.
 Illic assiduè ficti saltantur amores :
 Quid caveas actor, quid juvet, arte docet.
 Eloquar invitus : teneros ne tange poëtas.
- 250 Submoveo dotes impius ipse meas.
 Callimachum fugito ; non est inimicus Amori :
 Et cum Callimacho tu quoque, Coë, noces.
 Me certe Sappho meliorem fecit amicæ ;
 Nec rigidos mores Teïa Musa dedit.

- 255 Carmina quis potuit tutò legisse Tibulli ;
 Vel tua, cujus opus Cynthia sola fuit ?
 Quis potuit lecto durus discedere Gallo ?
 Et mea nescio quid carmina dulce sonant.

*ARIADNEM à THESEO relictam, in
 conjugio duxit BACCHUS.*

- G**NOSSIS in ignotis amens errabat arenis,
 Quà brevis æquoreis Dia feritur aquis.
 Utque erat è somno tunicâ velata recinctâ,
 Nuda pedem, croceas irreligata comas ;
 5 Thesea crudelem surdas clamabat ad undas.
 Indigno teneras imbre rigante genas.
 Clamabat, flebátque simul ; sed utrumque de-
 cebat :
 Nec facta est lacrymis turpior illa suis.
 Jámque iterum tundens mollissima pectora
 palmis ;
 10 Perfidus ille abiit : quid mihi fiet ? ait.
 Quid mihi fiet ? ait : sonuerunt cymbala toto
 Littore, et attonitâ tympana pulsa manu.
 Excidit illa metu, rupítque novissima verba :
 Nullus in exanimi corpore sanguis erat.
 15 Ecce Mimallonides sparsis in terga capillis :
 Ecce leves Satyri prævia turba Dei :
 Ebrius ecce senex pando Silenus asello
 Vix sedet ; et pressas continet arte jubas.

Dum

Dum sequitur Bacchas, Bacchæ fugiuntque pe-
tuntque,

20 Quadrupedem ferulâ dum malus urget eques;
In caput aurito cecidit delapsus asello.

Clamârunt Satyri, Surge age, surge, pater.
Jam Deus è curru, quem summum texerat uvis,
Tigribus adjunctis aurea lora dabat.

25 Et color, et Theseus, et vox abiire puellæ:
Térque fugam petiit: térque retenta metu.
Horruit, ut steriles, agitat quas ventus, aristæ:
Ut levis in madidâ canna palude tremit.

Cui deus, En adsum tibi cura fidelior, inquit:
30 Pone metum, Bacchi, Gnosias, uxor eris.
Munus habe cœlum: cœlo spectabile fidus
Sæpe reges dubiam Cressa Corona ratem.
Dixit; et è curru, ne tigres illa timeret,
Defilit: imposito cessit arena pedi.

35 Implicitamque sinu (neque enim pugnare vale-
bat)

Abstulit: ut facile est omnia posse Deo.

Pars, Hymenæe, canunt: pars clamant, Evie
evoe!

Sic coeunt sacro nupta Deusque toro.



ARIADNE

ARIADNE facta Dea.

- J**AM bene perjuro mutârat conjuge Bacchum,
 Quæ dedit ingrato fila legenda viro.
 Sorte tori gaudens, Quid flebam rustica, dixit?
 Utilitèr nobis perfidus ille fuit.
- 5 Interea Liber depexos crinibus Indos
 Vincit, et Eoo dives ab ore venit.
 Inter captivas facie præstante puellas
 Grata nimis Baccho filia Regis erat.
 Flebat amans conjux, spatiatâque littore curvo
- 10 Edidit incultis talia verba comis :
 En iterum similes, fluctus, audite querelas :
 En iterum lacrymas accipe, arena, meas.
 Dicebam, memini, perjure et perfide Theseu :
 Ille abiit : eadem crimina Bacchus habet.
- 15 Nunc quoque nulla viro, clamabo, fœmina
 credat :
 Nomine mutato caussa relata mea est.
 O utinam mea fors, quâ primum cœperat, iisset !
 Jamque ego præsentis tempore nulla forem !
 Quid me desertis perituram, Liber, arenis
- 20 Servabas ? potui dedoluisse semel.
 Bacche levis, leviôrque tuis, quæ tempora cingunt,
 Frondibus ; in lacrymas, cognite Bacche, meas ;
 Ausus es ante oculos adductâ pellice nostros
 Tam bene compositum sollicitare torum ?
 Héu !

- 25 Heu ! ubi pacta fides ? ubi, quæ jurare solebas ?
 Me miseram, quoties hæc ego verba loquor !
 Thesea culpabas, fallacemque ipse vocabas :
 Judicio peccas turpius ipse tuo.
 Ne sciat hoc quisquam, tacitisque doloribus urar :
- 30 Ne toties falli digna fuisse puter.
 Præcipue cûpiam celari Thesea ; ne te
 Consortem culpæ gaudeat esse suæ.
 At, puto præposita est fuscæ mihi candida pellex :
 Eveniat nostris hostibus ille color.
- 35 Quid tamen hoc refert, vitio si gratior ipso est ?
 Quid facis ? amplexus inquinat illa tuos.
 Bacche, fidem præsta ; nec præfer amoribus ullam
 Conjugis, affuetæ semper amare virum.
 Ne noceat quod amo : neque enim tibi, Bacche,
 nocebat,
- 40 Quòd flammæ nobis fassus es ipse tuas.
 Nec, quòd nos uris, mirum facis : ortus in igne
 Diceris, et patriâ raptus ab igne manu.
 Illa ego sum, cui tu solitus promittere cœlum.
 Hei mihi, pro cœlo qualia dona fero !
- 45 Dixerat : audibat jamdudum verba querentis
 Liber, ut à tergo fortè secutus erat.
 Occupat amplexu, lacrymâsque per oscula ficit :
 Et, Pariter cœli summa petamus, ait.
 Tu mihi junc̃ta toro, mihi junc̃ta vocabula fume.
- 50 Jam tibi mutatæ Libera nomen erit.

Virtus splendeat Ufu.

- T**U licèt et Thamyran superes, et Amœbea
cantu ;
Non erit ignotæ gratia magna lyrae.
Si Venerem Cous nusquam posuisset Apelles ;
Mersa sub æquoreis illa lateret aquis.
5 Quid petitur sacris, nisi tantum fama, poëtis ?
Hoc votum nostri summa laboris habet.
Cura Deum fuerunt olim Regumque poëtæ :
Præmiâque antiqui magna tulere chori.
Sanctâque majestas, et erat venerabile nomen
10 Vatibus : et largæ sæpe dabantur opes.
Ennius emeruit, Calabris in montibus ortus,
Contiguus poni, Scipio magne, tibi.
Nunc hederæ sinè honore jacent : operatâque
doctis
Cura vigil Musis nomen inertis habet.
15 Sed famæ vigilare juvet. quis nôsset Homerum,
Ilias æternum si latuisset opus ?
Quis Danaën nôsset, si semper clausa fuisset ;
Inque suâ turri perlatuisset anus ?



ACHILLES

ACHILLES in LYCOMEDIS Aulâ latet.

JAM Dea laudatæ dederat sua præmia formæ

Colle sub Idæo vincere digna duas.

Jam nurus ad Priamum diverso venerat orbe ;

Graiâque in Iliacis mœnibus uxor erat.

5 Jurabant omnes in læsi verba mariti :

Nam dolor unius, publica causa fuit.

Turpe, nisi hoc matris precibus tribuisset, Achilles

Veste virum longâ dissimulatus erat.

Quid facis, Æacide ? non sunt tua munera lanæ.

10 Tu titulos aliâ Palladis arte petas.

Quid tibi cum calathis ? clypeo manus apta te-
rendo.

Pensa quid in dextrâ, quâ cadet Hector, habes ?

Rejice succinctos operoso stamine fusos.

Quassanda est istâ Pelias hasta manu.

Fabula DÆDALI & ICARI.

DÆdalus ut clausit conceptum crimine matris

Semibovémque virum semivirúmque

bovem ;

Sit modus exilio, dixit, justissime Minos :

Accipiat cineres terra paterna meos.

5 Et quoniam in patriâ fatis agitatus iniquis

Vivere non potui, sit mihi posse mori.

† H

Da

- Da reditum puero, senis est si gratia vilis:
 Si non vis puero parcere, parce seni.
 Dixerat hæc. sed et hæc, et multo plura licebat
 10 Dicere: regressus non dabat ille viro.
 Quod simulac sensit, Nunc, ô nunc, Dædale,
 dixit,
 Materiam, quâ sis ingeniosus, habes.
 Possidet en terras, et possidet æquora Minos:
 Nec tellus nostræ, nec patet unda fugæ.
 15 Restat iter cœlo: cœlo tentabimus ire.
 Da veniam cœpto, Jupiter alte, meo.
 Non ego fidereas affecto tangere sedes.
 Quâ fugiam dominum, nulla, nisi ista, via est.
 Per Styga detur iter: Stygias tranabimus undas.
 20 Sint mihi naturæ jura novanda meæ.
 Ingenium mala sæpe movent. quis crederet un-
 quam,
 Aërias hominem carpere posse vias?
 Remigium volucres disponit in ordine pennas:
 Et leve per lini vincula necit opus:
 25 Imâque pars ceris astringitur igne solutis:
 Finitusque novæ jam labor artis erat.
 Tractabat cerâmque puer pennasque renidens,
 Nescius hæc humeris arma parata suis.
 Cui pater, His, inquit, patria est adeunda carinis:
 30 Hæc nobis Minos effugiendus ope.
 Aëra non potuit Minos: alia omnia clausit.
 Quem licet, inventis aëra rumpe meis.

Sed tibi nec virgo Tegeæa, comêsque Bootæ
Enfiger Orion aspiciendus erit.

35 Me pennis sectare datis : ego prævius ibo.

Sit tua cura sequi : me duce tutus eris.

Nam five ætherias vicino sole per auras

Ibimus ; impatiens cera calor is erit :

Sive humiles propiore freto jactabimus alas ;

40 Mobilis æquoreis penna madescet aquis.

Inter utrumque vola : ventos quoque, nate, ti-
meto ;

Quâque ferent auræ, vela secunda dato.

Dum monet ; aptat opus puero, monstrâtque mo-
veri :

Erudit infirmas ut sua mater aves.

45 Indè sibi factas humeris accommodat alas :

Pérque novum timidè corpora librat iter.

Jámque volaturus parvo dedit oscula nato :

Nec patriæ lacrymas continuere genæ.

Monte minor collis, campis erat altior æquis :

50 Hinc data sunt miseræ corpora bina fugæ.

Et movet ipse suas, et nati respicit alas

Dædalus ; et cursus sustinet usque suos.

Jámque novum delectat iter : positóque timore

Icarus audaci fortiùs arte volat.

55 Hos aliquis, tremulâ dum captat arundine pisces,

Vidit ; et inceptum dextra reliquit opus.

Jam Samos à lævâ fuerant Naxósque relictæ,

Et Paros, et Clario Delos amata Deo.

Dextra Lebynthos erant sylvisque umbrosa Calymne.

60 Cinctaque piscosis Astypalæa vadis:

Cum puer incautis nimium temerarius ausis
Altius egit iter, deseruitque ducent.

Vincla labant; et cera Deo propiore liquecit:
Nec tenues ventos brachia mota tenent.

65 Territus è summo despexit in æquora cœlo:

Nox oculis pavido venit oborta metu.

Tabuerant ceræ; nudos quatit ille lacertos:

Et trepidat; nec, quo sustineatur, habet.

Decidit; atque cadens, Pater, ô pater, auferor,
inquit.

70 Clauserunt virides ora loquentis aquæ.

At pater infelix, nec jam pater, Icare, clamat,

Icare, clamat, ubi es? quove sub axe volas?

Icare, clamabat: pennas aspexit in undis.

Ossa tegit tellus; æquora nomen habent.

CREDULITAS.

CEPHALUS & PROCRIS.

EST prope purpureos colles florentis Hymetti
Fons facer, et viridi cespite mollis humus.
Sylva nemus non alta facit: tegit arbutus her-
bam:

Ros maris, et lauri, nigræque myrtus olent.

Nec

5 Nec densæ foliis buxi, fragilisque myricæ,
 Nec tenues cytisi, cultaque pinus abest.
 Lenibus impulsæ Zephyris aurâque salubri
 Tot generum frondes herbâque summa tre-
 munt.

Grata quies Cephalo. famulis canibusque relictis
 10 Lassus in hæc juvenis sæpe resedit humo.
 Quoque meos relevæ æstus, cantare solebat,
 Accipienda sinu, mobilis Aura, veni.
 Conjugis ad timidas aliquis malè seduhus aures
 Auditos memori detulit ore sonos.

15 Procris ut accepit nomen, quasi pellicis, Auræ,
 Excidit: et subito muta dolore fuit.

Palluit, ut feræ, lectis de vite racemis,
 Palescunt frondes, quas nova læsit hyems.

Quæque suos curvant matura cydonia ramos:
 20 Cornaque adhuc nostris non satîs apta cibus,
 Ut rediit animus, tenues à pectore vestes
 Rumpit, et indignas fauciat ungue genas.

Nec mora; per medias passis furibunda capillis
 Evolat, ut thyrso concita Baccha, vias,

25 Ut propè perventum; comites in valle relinquit,
 Ipsa nemus tacito clàm pede fortis init.

Quid tibi mentis erat, cùm sic malè sana latères,
 Procri? quis attoniti pectoris ardor erat?

Jam jam venturam, quæcunque erat Aura, pu-
 tabas

30 Scilicet; atque oculis probra videnda tuis.

Nunc

Nunc venisse piget ; neque enim deprendere
velles :

Nunc juvat. incertos pectora versat amor.
Credere quæ jubeant, locus est, et nomen, et
index ;

Et quia amans semper, quod timet, esse putat,
35 Vidit ut oppressam vestigia corporis herbam ;
Pulsantur trepidi corde micante sinus.

Jamque dies medius tenues contraxerat umbras ;
Inque pari spatio vesper et ortus erant.

Ecce redit Cephalus sylvis Cyllenia proles,
40 Oraque fontanâ fervida spargit aquâ.

Anxia, Procri, lates. solitas jacet ille per herbas ;

Et, Zephyri molles, Aurâque, dixit, ades.

Ut patuit miseræ jucundus nominis error ;

Et mens, et rediit verus in ora color.

45 Surgit ; et appositas agitato corpore frondes

Movit, in amplexus uxor itura viri.

Ille feram sonuisse ratus, juveniliter arcus

Corripit ; in dextrâ tela fuere manu,

Quid facis, infelix ? non est fera : supprime tela.

50 Me miserum ! jaculo fixa puella tuo est.

Hei mihi ! conclamat, fixisti pectus amicum.

Hic locus à Cephalo vulnera semper habet.

Ante diem morior, sed nullâ pellice læsa :

Hoc faciet positæ te mihi, terra, levem.

55 Nomine suspectas jam spiritus exit in auras :

Labor io ! carâ lumina conde manu.

Ille

Ille finu dominæ morientia corpora mæsto
 Sustinet ; et lacrymis vulnera sæva lavat.
 Exit, et, incauto paulatim pectore lapsus,
 60 Excipitur miseri spiritus ore viri.

DEUS TERMINUS.

TErmine, five lapis, five es defossus in agro
 Stipes, ab antiquis sic quoque numen
 habes.

Te duo diversâ domini pro parte coronant ;
 Binâque ferta tibi, binâque liba ferunt.
 5 Ara fit : huc ignem curto fert rustica testu
 Sumtum de tepidis ipsa colona focis.
 Ligna senex minuit : concisâque construit altè ;
 Et solidâ ramos figere pugnat humo.
 Dum sicco primas irritat cortice flammæ ;
 10 Stat puer ; et manibus lata canistra tenet.
 Inde, ubi ter fruges medios immisit in ignes,
 Porrigit incisos filia parva favos.
 Vina tenent alii : libantur singula flammis :
 Spectant, et linguis candida turba favent.
 15 Spargitur et cæso communis Terminus agno :
 Nec queritur, lactens cùm sibi porca datur.
 Conveniunt, celebrântque dapes vicinia simplex ;
 Et cantant laudes, Termine sancte, tuas.
 Tu populos, urbésque, et regna ingentia finis :
 20 Omnis erit sine te litigiosus ager.

Nulla

Nulla tibi ambitio est : nullo corrumpèris auro ;

Legitimâ servas credita rura fide.

Si tu signâsses olim Thyreatida terram ;

Corpora non leto missa trecenta forent :

25 Nec foret Othryades congestis tectus in armis.

O quantum patriæ sanguinis ille dedit !

Quid, nova cùm fierent Capitolia ? nempe Deo-
rum

Cuncta Jovi cessit turba locumque dedit.

Terminus (ut veteres memorant) conventus in
æde

30 Restitit : et magno cum Jove templa tenet.

Nunc quoque, se suprâ ne quid nisi fidera cernat,

Exiguum templi tecta foramen habent.

Termine, post illud levitas tibi libera non est,

Quâ positus fueris in statione, mane.

35 Nec tu vicino quicquam concede roganti ;

Ne videre hominem præposuisse Jovi.

Et seu vomeribus, seu tu pulsabere rastris ;

Clamato, Meus est hic ager, ille tuus.

AUREA ÆTAS.

QUÂM bene Saturno vivebant regè prius,
quâm

Tellus in longas est patefacta vias !

Nondum cæruleas pinus contempserat undas,

Effusum ventis præbueratque sinum :

Nec

- 5 Nec vagus ignotis repetens compendia terris
 Prefferat externa navita merce ratem.
 Illo non validus subiit juga tempore taurus,
 Non domito frenos ore momordit equus :
 Non domus ulla fores habuit ; non fixus in
 agris,
 10 Qui regeret certis finibus arva, lapis.
 Ipse mella dabant quercus, ultróque ferebant
 Obvia securis ubera lactis oves.
 Non acies, non ira fuit, non bella ; nec ensem
 Immiti sævus duxerat arte faber.
 15 Nunc Jove sub domino cædes, et vulnera semper,
 Nunq̃ mare, nunc leti multa reperta via.

BELLA DETESTATA.

- Q**UIS fuit, horrendos primus qui protulit
 enses ?
 Quam ferus, et verè ferreus ille fuit !
 Tum cædes hominum generi, tum prælia nata,
 Tum brevior diræ mortis aperta via est.
 5 At nihil ille miser meruit ; nos ad mala nostra
 Vertimus, in sævas quod dedit ille feras.
 Divitis hoc vitium est auri. nec bella fuerunt,
 Faginus astabat quum scyphus ante dapes.
 Non arces, non vallus erat ; somnumque petebat
 10 Securus varias dux gregis inter oves.

- Tunc mihi vita foret: vulgi nec tristia nôssẽm
 Arma, nec audissẽm corde micante tubam.
 Nunc ad bella trahor, et jam quis forsitan hostis
 Hæfura in nostro tela gerit latere.
- 15 Quis furor est atram bellis arcessere mortẽm?
 Imminet, et tacito clam venit illa pede.
 Non seges est infrà, non vinea cultu; sed audax
 Cerberus, et Stygiæ navita pullus aquæ.
 Illic percussisque genis, ustoque capillo
- 20 Errat ad obscuros pallida turba lacus.
 Quàm potius laudandus hic est, quem prole parata
 Occupat in parvâ pigra Senecta casâ!
 Ipse suas sectatur oves, ut filius agnos;
 Et calidam fessõ comparat uxor aquam.
- 25 Sic ego fim, liceatque caput candescere canis,
 Temporis et prisçi facta referre senem.
 Interea Pax arva colat. Pax candida primùm
 Duxit aratores sub juga panda boves.
 Pax aluit vites, et succos condidit uvæ,
- 30 Funderet ut nato testa paterna merum.
 Pace bidens, vomerque nitent. at tristia duri
 Militis in tenebris occupat arma situs.



Ante JOVEM Arcades.

ANTE Jovem genitum terras habuisse feruntur

Arcades: et Lunâ gens prior illa fuit.

Vita feræ similis, nullos agitata per usus:

Artis adhuc expers, et rude vulgus erant.

5 Pro domibus frondes nôrant, pro frugibus herbas:

Nectar erat palmis hausta duabus aqua.

Nullus anhelabat sub adunco vomere taurus:

Nulla sub imperio terra colentis erat:

Nullus adhuc erat usus equi, se quisque ferebat:

10 Ibat ovis lanâ corpus amicta suâ.

Sub Jove durabant, et corpora nuda gerebant,

Docta graves imbres et tolerare Notos.

PSITTACUS.

PSittacus, Eois imitatrix ales ab Indis,
Occidit, exequias ite frequenter aves.

Ite, piæ volucres; et plangite pectora pennis;

Et rigido teneras ungue notate genas.

5 Horrida pro mœstis lanietur pluma capillis:

Pro longâ resonent carmina vestra tubâ.

Quid scelus Ismarii quereris, Philomela, tyranni?

Expleta est annis ista querela suis.

Alitis in raræ miserum devertite funus.

- 10 Magna, sed antiqui causa doloris Itys.
 Omnes, quæ liquido libratis in aëre cursus;
 Tu tamen ante alias, turtur amice, dolo.
 Plena fuit vobis omni concordia vitâ,
 Et stetit ad finem longa tenâque fides.
- 15 Quod fuit Argolico juvenis Phocæus Orestæ;
 Hoc tibi, dum licuit, Psittace, turtur erat.
 Quid tamen ista fides? quid rari forma coloris?
 Quid vox mutandis ingeniosa sonis?
 Quid juvat, ut datus es, nostræ placuisse puellæ?
- 20 Infelix avium gloria, nempe jaces.
 Tu poteras fragiles pennis hebetare smaragdos,
 Tincta gerens rubro Punica rostra croco.
 Non fuit in terris vocum simulacior ales:
 Reddebâs blæso tam bene verba sono.
- 25 Raptus es invidiâ. non tu fera bella movebas:
 Garrulus, et placidæ pacis amator eras.
 Ecce, coturnices inter sua prælia vivunt:
 Forfitan et fiant indè frequenter anus.
 Plenus eras minimo: nec præ sermonis amore
- 30 In multos poteras ora vacare cibos.
 Nux erat esca tibi, causæque papavera somni:
 Pellebâtque sitim simplicis humor aquæ.
 Vixit edax vultur, ducensque per aëra gyros
 Milius, et pluviae graculus auctor aquæ.
- 35 Vivit et armiferae cornix invisâ Minervæ;
 Illa quidem sæclis vix moritura novem.

Occidit

- Occidit ille loquax, humanæ vocis imago,
 Psittacus, extremo munus ab orbe datum.
 Optima prima ferè manibus rapiuntur avaris ;
 40 Implentur numeris deteriora suis.
 Tristia Phylacidæ Therfites funera vidit :
 Jamquæ cinis, vivis fratribus, Hector erat.
 Quid referam timidæ pro te pia vota puellæ ;
 Vota procelloso per mare rapta Noto ?
 45 Septima lux aderat, non exhibitura sequentem :
 Et stabat vacuâ jam tibi Parca colo.
 Nec tamen ignavo stupuerunt verba palatâ.
 Clamavit moriens lingua, Corinna, vale.
 Colle sub Elysio nigrâ nemus ilice frondens,
 50 Udâque perpetuo gramine terra virescit.
 Si qua fides dubiis ; volucrum locus ille piarum
 Dicitur, obscenæ quo prohibentur aves,
 Illic innocui latè pascuntur olores :
 Et vivax Phœnix, unica semper avis.
 55 Explicat ipsa suas ales Junonia pennas :
 Oscula dat cupido blanda columba mari,
 Psittacus has inter, nemorali sede receptus,
 Convertit volucres in sua verba pias.
 Ossâ tegit tumulus : tumulus pro corpore parvus :
 60 Quo lapis exiguus par sibi carmen habet.
 [Colligor ex ipso dominæ placuisse sepulcro.
 Ora fuere mihi plus ave docta loqui.]

Non se divitiis, sed carmine commendat Vates.

Accipe, per longos tibi qui deserviat annos:
Accipe, qui purâ nôrit amare fide.

Si me non veterum commendant magna parentum

Nomina; nec nostri sanguinis auctor eques;
5 Nec meus innumeris renovatur campus aratri;

Temperat et sumtus parcus uterque parens;
At Phœbus, comitésque novem, vitisque repertor,
Hoc faciant: et, me qui tibi donat, Amor:

Et nulli cessura fides; finè crimine mores;
10 Nudâque simplicitas, purpureisque pudor.
Non mihi mille placent: non sum desultor Amoris.

Tu mihi (si qua fides) cura perennis eris.
Tecum, quos dederint annos mihi fila fororum,
Vivere contingat: tēque dolente mori.

15 Te mihi materiem felicem in carmina præbe;
Provenient causâ carmina digna suâ.

Carmine nomen habent exterrita cornibus Io,
Et quam flumineâ lufit adulter ave:

Quaēque, super pontum simulato vecta juvenco,
20 Virgineâ tenuit cornua vara manu.

Nos quoque per totum pariter cantabimur orbem:

Junctâque semper erunt nomina nostra tuis.

Tabellas

Tabellas sibi repulsam ferentes damnat Naso.

ITE hinc, difficiles funebria ligna tabellæ;
Túque negaturis cera referta notis.

Quam, puto, de longæ collectam flore cicutæ
Melle sub infami Corfica misit apis.

5 At, tanquam minio, penitus medicata rubebas,
Ille color verè sanguinolentus erat.

Projectæ triviis jaceatis inutile lignum:

Vósque rotæ frangat prætereuntis onus.

Illum etiam, qui vos ex arbore vertit in usum,

10 Convincam puras non habuisse manus.

Præbuit illa arbor misero suspendia collo:

Carnifici duras præbuit illa cruces.

Illa dedit turpes raucis bubonibus umbras:

Vulturis in ramis et strigis ova tulit.

15 His ege commisi nostros insanus amores,

Molliâque ad dominam verba ferenda dedi?

Aptiùs hæ capiant vadimonia garrula ceræ,

Quas aliquis duro cognitor ore legat.

Inter ephemeridas meliùs tabulâsque jacerent,

20 In quibus absumentas fleret avarus opes.

Quid precer iratus? nisi vos cariola senectus

Rodat, et immundo cera sit alba situ.

Omnia

Omnia pecunia obtemperant.

ET quisquam ingenuas etiamnum suspicit
artes,

Aut tenerum dotes carmen habere putat ?
Ingenium quondam fuerat pretiosius auro :

At nunc barbaries grandis, habere nihil.

5 Ecce recens dives, parto per vulnera censu,
Præfertur nobis sanguine pastus eques.

Ille ego Musarum purus Phœbique sacerdos

Ad rigidas canto carmen inane fores.

Discite, qui sapitis, non quæ nos scimus inertes,

10 Sed trepidas acies, et fera castra sequi :

Pròque bono versu primum deducite pilum.

Hoc tibi, si vèlles, posset, Homere, dari.

Jupiter, admonitus nihil esse potentius auro,

Corruptæ pretium virginis ipse fuit.

15 Dum merces aberat ; durus pater, ipsa severa,

Ærati postes, ferrea turris erat :

Sed postquam sapiens in munera venit adulter ;

Præbuit ipsa sinus : et, dare jussa, dedit.


At cùm regna senex cœli Saturnus haberet ;

20 Omne lucrum tenebris alta premebat humus.

Æràque et argentum, cùmque auro pondera
ferri

Manibus admorat : nullaque massa fuit.

- At meliora dabat ; curvo finè vomere fruges,
 Pomáque, et in quercu mella reperta cavâ.
 25 Nec valido quisquam terras findebat aratro :
 Signabat nullo limite mensor humum.
 Non freta dimissi verrebant eruta remi.
 Ultima mortali tum via littus erat.
 Contra te solers, hominum Natura, fuisti ;
 30 Et nimiùm damnis ingeniosa tuis.
 Quò tibi turritis incingere moenibus urbes ?
 Quò tibi discordes addere in arma manus ?
 Quid tibi cum pelago ? terrâ contenta fuisses.
 Cur non et cœlum tertia regna petis ?
 35 Quà licet, affectas cœlum quoque. templa Qui-
 rinus,
 Liber, et Alcides, et modò Cæsar, habent.
 Eruimus terrâ solidum pro frugibus aurum.
 Possidet inventas sanguine miles opes.
 Curia pauperibus clausa est : dat census honores.
 40 Indè gravis iudex ; indè severus eques.
 Omnia possideant : illis Campúsque Forúmque
 Serviat. hi pacem crudâque bella gerant.
 Tantùm ne nostros avidi liceantur amores :
 Et fatiè est : aliquid pauperis esse finant.



Poetarum Laus perennis.

QUID mihi, Livor edax, ignavos objicis
annos;

Ingeniique vocas carmen inertis opus?
Non me more patrum, dum strenua sustinet
ætas,

Præmia militiæ pulverulenta sequi?
5 Nec me verbosas leges ediscere? nec me
Ingrato vocem prostituisse foro?
Mortale est, quod quæris, opus. mihi fama pe-
rennis.

Quæritur: in toto semper ut orbe canar.
Vivet Mæonides, Tenedos dum stabit et Ide;
10 Dum rapidas Simoïs in mare volvet aquas.
Vivet et Ascræus, dum mustis uva tumebit:
Dum cadet incurvâ falce resecta Ceres.
Battiades semper toto cantabitur orbe;
Quamvis ingenio non valet, arte valet.
15 Nulla Sophocleo veniet jactura cothurno.
Cum Sole et Lunâ semper Aratus erit.
Dum fallax servus, durus pater, improba lena
Vivent, dum meretrix blanda; Meandros erit.
Ennius arte carens, animosique Accius oris,
20 Cafurum nullo tempore nomen habent.
Varronem primâmq; ratem quæ nesciat ætas,
Aureâque Æsonio terga petita duci?

Carmina

- Carmina sublimis tunc sunt peritura Lucreti,
Exitio terras cùm dabit una dies.
- 25 Tityrus, et fruges, Æneïaque arma legentur,
Roma, triumphati dum caput orbis eris.
Donec erunt ignes arcusque Cupidinis arma,
Discentur numeri, culte Tibulle, tui.
Gallus et Hesperius, et Gallus notus Eois,
30 Et sua cum Gallo nota Lycoris erit.
Ergo cùm filices, cùm dens patientis aratri
Depereant ævo, carmina morte carent.
Cedant carminibus Reges, Regumque triumphî:
Cedat et auriferi ripa beata Tagi.
- 35 Vilia miretur vulgus. mihi flavus Apollo
Pocula Castaliæ plena ministret aquæ:
Sustineamque comâ metuentem frigora myrtum:
Atque à sollicito multus amante legar.
Pascitur in vivis Livor: post fata quiescit;
40 Cùm suus ex merito quemque tuetur honos.
Ergo etiam, cùm me supremus adederit ignis,
Vivam: parsque mei magna superstes erit.

LIVIDUM alloquitur NASO.

Ingenium magni detrectat livor Homeri:
Quisquis es, ex illo, Zoile, nomen habes.
Et tua sacrilegæ laniârunt carmina linguæ,
Pertulit huc victos quo duce Troja Deos.

- 5 [Summa petit livor : perflant altissima venti :
Summa petunt dextrâ fulmina missa Jovis.]
At tu, quicumque es, quem nostra licentia lædit ;
Si fapis, ad numeros exiige quidque suos.
Fortia Mæonio gaudent pede bella referri.
- 10 Delitiis illic quis locus esse potest ?
Grande sonant Tragici ; Tragicos decet ira co-
thurnos :
Ufibus è mediis foccus habendus erit.
Liber in adversos hostes stringatur Iambus ;
Seu celer, extremum seu trahat ille pedem.
- 15 Blanda pharetratos Elegeïa cantet Amores :
Et levis arbitrio ludat amica suo.
Callimachi numeris non est dicendus Achilles :
Cydispe non est oris, Homere, tui.
Quis ferat Andromaches peragentem Thaidâ
partes ?
- 20 Peccat, in Andromache Thaidâ si quis agat.
Si mea materiæ respondet Musa jocosæ,
Vicimus, et falsi criminis acta rea est.

MORS TIBULLI.

MEmnona si mater, mater ploravit Achillem,
Et tangunt magnas tristia fata Deas ;
Flebilis indignos, Elegeïa, solve capillos.
Ah nimis ex vero nunc tibi nomen erit !

Ille

- 5 Ille tui vates operis, tua fama Tibullus
 Ardet in extructo corpus inane rogo.
 Ecce, puer Veneris fert eversamque pharetram,
 Et fractos arcus, et finè luce facem.
 Aspice, demissis ut eat miserabilis alis;
 10 Pectoraque infestâ tundat aperta manu.
 Excipiunt sparsi lacrymas per colla capilli,
 Oraque singultu concutiente sonant.
 Fratris in Æneæ sic illum funere dicunt
 Egressum tectis, pulcher Iule, tuis.
 15 Nec minùs est confusa Venus moriente Tibullo,
 Quàm juveni rupit cùm ferus inguen aper.
 At sacri vates, et Divùm cura vocamur :
 Sunt etiam, qui nos numen habere putent.
 Scilicet omne sacrum mors importuna profanat :
 20 Omnibus obscuras injicit illa manus.
 Quid pater Ismario, quid mater profuit, Orpheo ?
 Carmine quid victas obstupuisse feras ?
 Ælinon in sylvis idem pater, Ælinon, altis
 Dicitur invitâ concinuisse lyrâ.
 25 Adjice Mæoniden, à quo, cœu fonte perenni,
 Vatum Piëriis ora rigantur aquis ;
 Hunc quoque summa dies nigro submerfit Averno.
 Diffugiunt avidos carmina sola rogos.
 Durat opus vatum Trojani fama laboris,
 30 Tardaque nocturno tela retexta dolo.
 Cùm rapiant mala fata bonos, (ignoscite falso)
 Sollicitor nullos esse putare Deos.

Vive

- Vive pius ; moriere pius. cole sacra ; colentem
 Mors gravis à templis in cava busta trahet.
- 35 Carminibus confide bonis. jacet ecce Tibullus.
 Vix manet è tanto parva quod urna capit.
 Tene, sacer Vates, flammæ rapuere rogales ;
 Pectoribus pasci nec timuere tuis ?
 Aurea sanctorum potuissent templa Deorum
- 40 Urere, quæ tantum sustinere nefas.
 Avertit vultus, Erycis quæ possidet arces.
 Sunt quoque, qui lacrymas continuisse negent.
 Sed tamen hoc melius, quàm si Phæacia tellus
 Ignotum vili supposuisset humo.
- 45 Hinc certè madidos fugientis pressit ocellos
 Mater ; et in cineres ultima dona tulit :
 Hinc soror in partem miserâ cum matre doloris
 Venit, inornatas dilaniata comas.
 Si tamen è nobis aliquid, nisi nomen et umbra,
- 50 Restat ; in Elysîa valle Tibullus erit.
 Obvius huic venias hederâ juvenilia cinctus -
 Tempora cum Calvo, docte Catulle, tuo.
 Tu quoque, (si falsum temerati crimen amici),
 Sanguinis atque animæ prodige Galle tuæ ;
- 55 His comas umbra tua est ; si quid modò corporis
 umbra est ;
 Auxisti numeros, culte Tibulle, pios.
 Ossa quieta, precor, tutâ requiescite in urnâ :
 Et sit humus cineri non onerosa tuo.

Nimis alta fuge.

- U**Sibus edocto si quidquam credis amico ;
 Vive tibi, et longe nomina magna fuge.
 Vive tibi, quantumque potes praelustria vita.
 Sævum praelustri fulmen ab arce venit.
- 5 Effugit hibernas demissa antenna procellas ;
 Lataque plus parvis vela timoris habent.
 Adspicis, ut summâ cortex levis innatet undâ,
 Cùm grave nexa simul retia mergat onus.
 Qui cadit in plano (vix hoc tamen evenit ipsum)
- 10 Sic cadit, ut tactâ surgere possit humo :
 At miser Elpenor, tecto delapsus ab alto,
 Occurrit regi debilis umbra suo.
 Quid fuit, ut tutas agitaret Dædalus alas ;
 Icarus immensas nomine signet aquas ?
- 15 Nempe quod hic altè, demissius ille volabat.
 Nam pennas ambo non habuère suas.
 Crede mihi ; bene qui latuit, bene vixit : et infra
 Fortunam debet quisque manere suam.
 Non foret Eumedes orbus, si filius ejus
- 20 Stultus Achilléos non adamâsset equos.
 Nec natum in flammâ vidisset, in arbore nâtas,
 Cepisset genitor si Phaëthonta Merops.
 Tu quoque formida nimium sublimia semper ;
 Propositique memor contrahe vela tui.

Unde

Unde Urbs TOMUS dicta.

HIC quoque sunt igitur Graiæ (quis crederet?) urbes,

Inter inhumanæ nomina barbariæ.

Huc quoque Mileto missi venire coloni,

Inque Getis Graias constituere domos.

5 Sed vetus huic nomen, positaque antiquius urbe,

Constat ab Absyrti cæde fuisse, loco.

Nam rate, quæ, curâ pugnacis facta Minervæ,

Per non tentatas prima cucurrit aquas;

Impia desertum fugiens Medea parentem,

10 Dicitur his remos applicuisse vadis.

Quem procul ut vidit tumulo speculator ab alto,

Hospes, ait, nosco Colchide vela, venit.

Dum trepidant Minyæ, dum solvitur aggere funis,

Dum sequitur celeres anchora tracta manus;

15 Conscia percussit meritorum pectora Colchis,

Ausâ atque ausurâ multa nefanda manu.

Et, quamquam supereſt ingens audacia menti,

Pallor in attonito virginis ore sedet.

Ergo ubi prospexit venientia vela; Tenemur,

20 Et pater est aliquâ fraude morandus, ait.

Dum quid agat quærit, dum versat in omnia vultus;

Ad fratrem casu lumina flexa tulit.

Cujus

Cujus ut oblata est præsentia ; Vincimus, inquit.

Hic mihi morte suâ causa salutis erit.

25 Protinus ignari nec quidquam tale timentis

Innocuum rigido perforat ense latus.

Atque ita divellit, divulsâque membra per agros

Diffipat in multis invenienda locis.

Neu pater ignoret, scopulo proponit in alto

30 Pallentésque manus, sanguineûmque caput.

Ut genitor luctûque novo tardetur, et artus

Dum legit extinctos, triste moretur iter.

Indè Tomis dictus locus hic ; quia fertur in illo

Membra soror fratris consecuisse sui.

Juvenis deprecatur Mortem.

VOS tenet, Etruscis manat quæ fontibus
unda,

Unda sub æstivum non adeunda Canem,

Nunc autem sacris Bajarum maxima lymphis,

Quum se purpureo vere remittit humus.

5 At mihi Persephone nigram denunciat horam.

Immerito juveni parce nocere, Dea.

Non ego tentavi nulli temeranda deorum

Audax laudandæ sacra docere Deæ.

Nec mea mortiferis infecit pocula succis

10 Dextera, nec cuiquam trita venena dedit ;

Nec nos sacrilegos templis admovimus ignes :

Nec cor sollicitant facta nefanda meum.

† L

Nec

- Nec nos infanæ meditantés jurgia linguæ
 Impia in adversos solvimus ora deos.
 15 Et nondum cani nigros læsere capillos,
 Nec venit tardo curva Senectâ pede.
 Natalem primo nostrum videre parentes,
 Quum cecidit fato consul uterque pari.
 Quid fraudare juvat vitem crescentibus uvîs?
 20 Et modo nata malâ vellere poma manu?
 Parcite, pallentes undas quicunque tenetis,
 Duraque fortiti tertia regna Dei.
 Elysios olim liceat cognoscere campos,
 Lethæamque ratem, Cimmeriosque lacus,
 25 Quum mea rugosâ pallebunt ora senectâ,
 Et referam pueris tempora prisca senex.
 Atque utinam vano nequicquam terrear æstu:
 Languent ter quinos sed mea membra dies.
 At vobis Tuscæ celebrantur numina lymphæ,
 30 Et facilis lentâ pellitur unda manu.
 Vivite felices, memores et vivite nostri:
 Sive erimus, seu nos fata fuisse velint.
 Interea nigras pecudes promittite Diti,
 Et nivei lactis pocula mista mero.



Malis fracta senescit Ætas.

- J**AM mihi deterior canis aspergitur ætas ;
 Jamque meos vultus ruga senilis arat :
 Jam vigor, et quassio languent in corpore vires ;
 Nec, juveni lusus qui plucere, placent.
 5 Nec si me subito videas, agnoscere possis :
 Ætatis facta est tanta ruina meæ.
 Confiteor facere hæc annos : sed et altera causa
 est,
 Anxietas animi, continuusque labor.
 Nam mea per longos si quis mala digerat
 annos,
 10 (Crede mihi,) Pylio Nestore major ero.
 Cerpis, ut in duris (et quid bove firmitus?) arvis
 Fortia taurorum corpora frangat opus.
 Quæ nunquam vacuo solita est cessare povali,
 Fructibus assiduis lassâ senescit humus.
 15 Occidet, ad Circi si quis certamina semper
 Non intermissis cursibus ibit, equus.
 Firma sit illa licet, solvetur in æquore navis,
 Quæ nunquam liquidis sicca carebit aquis.
 Me quoque debilitat series immensa malorum,
 20 Ante meum tempus cogit et esse senem.
 Otia corpus alant ; animus quoque pascitur
 illis ;
 Immodicus contra carpit utrumque labor.

Memor esto brevis Ævi.

- V**Enturæ memores jam nunc estote senectæ:
 Sic nullum vobis tempus abibat iners.
 Dum licet, et veros etiam nunc editis annos,
 Ludite: eunt anni more fluentis aquæ.
 5 Nec, quæ præteriit, iterum revocabitur unda:
 Nec, quæ præteriit, hora redire potest.
 Utendum est ætate. cito pede labitur ætas:
 Nec bona tam sequitur, quàm bona prima fuit.
 Hos ego, qui canent, frutices violaria vidi:
 10 Hæc mihi de spinâ grata corona data est.
 Quàm citò (me miserum!) laxantur corpora rugis,
 Et perit in nitido qui fuit oræ color!
 Quasque fuisse tibi canas à virgine jures,
 Spargentur subitæ per caput omne comæ.
 15 Anguibus exuitur tenui cum pelle vetustas;
 Nec faciunt cervos cornua jacta senes.
 Nostra sinè auxilio fugiunt bona. carpite florem;
 Qui, nisi carptus erit, turpiter ipse cadet.

— *Aliquid corpore plurius habe.*

Forma bonum fragile est. quantumque accedit
 ad annos,
 Fit minor; et spatio carpitur ipsa suo.

Nec

Nec violæ semper, nec hiantia lilia florent ;
Et riget amissâ spina relicta rosâ.

5 Et tibi jam cani venient, formosæ, capilli :

Jam venient rugæ, quæ tibi corpus ærent.

Jam molire animum, qui duret, et adstruere
formæ :

Solus ad extremos permanet ille rogos.

Nec levis, ingenuas pectus coluisse per artes,

10 Cura sit ; et linguas edidicisse duas.

Non formosus erat, sed erat facundus Ulysses :

Et tamen æquoreas torfit amore Deas.

O quoties illum doluit properare Calypso ;

Remigióque aptas esse negavit aquas !

15 Hæc Trojæ casus iterúmque iterúmque rogabat.

Ille referre aliter sæpè solebat idem.

Littore constiterant : illic quoque pulcra Calypso

Exigit Odrysii fata cruenta ducis.

Ille levi virgâ, (virgam nam fortè tenebat)

20 Quod rogat, in spisso littore pingit opus.

Hæc, inquit, Troja est : (muros in littore fecit :)

Hic tibi sit Simoïs ; hæc mea castra puta.

Campus erat, (campúmque facit) quem cæde

Dolonis

Sparsumus, Hæmonios dum vigil optat equos.

25 Illic Sithonii fuerant tentoria Rhesi :

Hæc ego sum captis nocte revectus equis.

Plurâque pingebat : subitus cum Pergama fluctus

Abstulit, et Rhesi cum duce castra suo.

Tum

Tum Dea, Quas, inquit, fidas tibi credis ituro,
 30 Perdiderint undæ nomina quanta vides?
 Ergo age, fallaci timidè confide figure,
 Quisquis es; aut aliquid corpore pluris habe.

Auroram properantem objurgat Naso.

JAM super Oceanum venit à seniore marito,
 Flava pruinoso quæ vehit axe diem.
 Quò properas, Aurora? mane. sic Memnonis
 umbris
 Annua solenni cæde parentet avis.
 5 Quò properas, ingrata viris, ingrata puellis?
 Roscida purpureâ supprime lora manu.
 Ante tuos ortus melius sua fidera servat
 Navita: nec mediâ nescius errat aqua.
 Te surgit, quamvis lassus, veniente viator:
 10 Miles et armiferas aptat ad arma manus.
 Prima bidente vides oneratos arva colentes:
 Prima vocas tardos sub juga panda boves.
 Tu pueros somno fraudas, tradisque magistris;
 Ut subeant teneræ verbera sæva manus.
 15 Nec tu consulto, nec tu jucundâ diserto:
 Cogitur ad lites surgere uterque novas.
 Tu, cùm sceminei possint cessare labores,
 Lanificam revocas ad sua pensa manum.
 Optavi quoties, ne nox tibi cedere vellet;
 20 Neu fugerent vultus fidera mota tuos!

Optavi

Optavi quoties, aut ventus frangeret axem,
Aut caderet spissâ nube retentus equus !
Invida, quò properas ? quòd erat tibi filius ater,
Maternâ fuerat pectoris ille color.

25 Jurgia finieram, scires audisse ; rubebat.
Nec tamen assueto tardiùs orta dies.

Obsequium amicos parit.

DExtera præcipuè capit indulgentia mentes :
Asperitas odium sævâque verba movent.
Odimus accipitrem, quia semper vivit in armis,
Et pavidum solitos in pecus ire lupos.

5 At caret infidiis hominum, quia mitis, hi-
rundo :

Quâsque colat turres Chaonis ales habet.
Flectitur obsequio curvatus ab arbore ramus.
Frangis, si vires experiere tuas.

Obsequio tranantur aquæ : nec vincere possis
10 Flumina ; si contrâ, quàm rapit unda, nates.
Obsequium tigresque domat Numidâsque leo-
nes.

Rustica paulatim taurus aratra subit.
Quid fuit asperius Nonacrinâ Atalantâ !
Succubuit meritis trux tamen illa viri.

Annem

Amnem properanti obstantem alloquitur Amans.

AMNIS, arundinibus limosas obsite ripas,
Ad dominam propero ; siste parumper
aquas.

Nec tibi sunt pontes, nec quæ finè remigis ictu
Concava trajecto cymba rudente vehat.

5 Parvus eras, memini ; nec te transire refugi :
Summæque vix talos contigit unda meos.

Nunc ruis apposito nivibus de monte solutis,
Et turpi crassas gurgite volvis aquas.

Quid properasse juvat ? quid parca dedisse quieti

10 Tempora ? quid nocti conseruisse diem ?

Si tamen hic standum ; si non datur artibus ullis
Ulterior nostro ripa premenda pedi ?

Nunc ego, quas habuit pennas Danæius heros,
Terribili densum cum tulit angue caput ;

15 Nunc opto currum, de quo Cerealia primum
Semina venerunt in rude missa solum.

Prodigiosa loquor veterum mendacia vatum.

Nec tulit hæc, nec fert, nec feret ulla dies.

Tu potius, ripis effuse capacibus amnis,

20 (Sic æternus eas) labere fine tuo.

Non eris invidiæ, torrens, (mihi crede) fe-
rendæ ;

Si dicar per te fortè retentus amans.

Flumina deberent juvenes in amore juvare :

Flumina senserunt ipsa, quid esset amor.

25 Te quoque credibile est aliquâ caluisse puellâ :

Sed nemora et sylvæ crimina vëstra tegunt.

Dum loquor, increvit latis spatiosius undis,

Nec capit admissas alveus altus aquas.

Quid mecum, furiose, tibi ? quid mutua differs

30 Gaudia ? quid cœptum, rustice, rumpis iter ?

Quid, si legitimum flueres, si nobile flumen ?

Si tibi per terras maxima fama foret ?

Nomen habes nullum, rivis collecte caducis ;

Nec tibi sunt fontes, nec tibi certa domus.

35 Fontis habes instar pluviâmq; nivësque solum ;

Quas tibi divitias pigra ministrat hyems.

Aut lutulentus agis brumali tempore cursus :

Aut premis arentem pulverulentus humum.

Quis te tum potuit sitiens haurire viator ?

40 Quis gratâ dixit voce, Perennis eas ?

Damnoscus pecori curris, damnosior agris.

Forfitan hæc alios ; me mea damna movent.

At tibi pro meritis opto, non candide torrens,

Sint rapidi soles, siccâque semper hyems.



Per vetitum ruimus.

- C**UI peccare licet, peccat minús: ipsa potestas
 Semina nequitiæ languidiora facit.
 Desine (crede mihi) vitia irritare vetando:
 Obsequio vincas aptiùs illa tuo.
- 5 Vidi ego nuper equum, contra sua vincta tenacem,
 Ore reluctanti fulminis ire modo.
 Constat, ut primùm concessas sensit habenas,
 Frænâque in effusâ laxa jacere jubâ.
 Nitimur in vetitum semper, cupimúsque negata.
- 10 Sic interdictis imminet æger aquis.
 Centum fronte oculos, centum cervice gerebat
 Argus: et hos unus sæpe fefellit Amor.
 In thalamum Danaë saxo ferroque perennem
 Quæ fuerat virgo tradita, mater erat.
- 15 Penelope mansit, quamvis custode carebat,
 Inter tot juvenes intemerata procos.
 Quidquid servatur, cupimus magis: ipsaque furem
 Cura vocat. pauci, quod finit alter, amant.

Melius non tetigisse.

DIcebam, medicare tuos desiste capillos.
 Tingere quam possis, jam tibi nulla
 coma est.

At,

At, si passâ fores, quid erat spatiosius illis ?

Contigerant imum, quâ patet usque, latus.

5 Quid, quòd erant tenues, et quos ornare timeres ;

Vela colorati qualia Seres habent ?

Vel pede quod gracili deducit arenea filum,

Cùm leve desertâ sub trabe necit opus ?

Nec tamen ater erat, nec erat tamen aureus illis,

10 Sed, quamvis neuter, mistus uterque color.

Qualem clivosa madidis in vallibus Idæ

Ardua derepto cortice cedrus habet.

Adde, quòd et dociles, et centum flexibus apti,

Et tibi nullius causa doloris erant.

15 Noc acus abruptit, non vallus pectinis, illos :

Ornatix tuto corpore semper erat.

Ante meos sæpe est oculos ornata ; nec unquam

Brachia dereptâ faucia fecit acu.

Sæpe etiam, nondum digestis manè capillis,

20 Purpureo jacuit semisupina toro.

Tum quoque erat neglecta decens : ut Thracia

Bacche,

Cùm temere in viridi gramine lassâ jacet.

Cùm graciles essent tamen, et lanuginis instar ;

Heu mala vexatæ quanta tulere comæ !

25 Quàm se præbuerant ferro patienter et igni ;

Ut fieret torto flexilis orbe sinus !

Clamabam, Scelus est, istos scelus urere crines.

Spoonte decent : capiti, ferrea, parce tuo.

- Vim procul hinc remove ; non est qui debeat uri ;
 30 Erudit admotas ipse capillus acus.
 Formosâs periere comæ ; quas vellet Apollo,
 Quas vellet capiti Bacchus inesse suo.
 Illis contulerim, quas quondam nuda Dione
 Pingitur humenti sustinuisse manu.
 35 Quid malè dispositos quereris periisse capillos ?
 Quid speculum mœstâ ponis, inepta, manu ?
 Non bene consuetis à te spectaris ocellis.
 Ut placeas, debes immemor esse tui.
 Non te cantatæ læserunt pellicis herbæ ;
 40 Non anus Hæmoniâ perfida lavit aquâ.
 Nec tibi vis morbi nocuit ; (procul omen abesto)
 Nec minuit densas invida lingua comas.
 Facta manu culpâque tuâ dispendia sentis.
 Ipsa dabas capiti mista venena tuo.
 45 Nunc tibi captivos mittet Germania crines :
 Culta triumphatæ munere gentis eris.
 O quàm sæpe, comas aliquo mirante, rubebis ;
 Et dices, Emtâ nunc ego merce probor !
 Nescio quam pro me laudat nunc iste Sygam-
 bram ;
 50 Fama tamen memini cùm fuit ista mei,
 Me miserum ! lacrymas malè continet ; orâque
 dextrâ
 Protegit, ingenuas picta rubore genas.
 Sustinet antiquos gremio spectare capillos,
 (Hei mihi !) non illo munera digna loco.

Collige

55 Collige cum vultu mentem : reparabile damnum
est.

Postmodo nativâ conspiciere comâ.

Cultus placet.

SI fuit Andromache tunicas induta valentes,
Quid mirum ? duri militis uxor erat.

Scilicet Ajaci conjux ornata venires,

Cui tegumen septem terga fuere boum ?

5 Simplicitas rudis antè fuit : nunc aurea Roma
Edomiti magnas possidet orbis opes.

Aspice, quæ nunc sunt Capitolia, quæque fue-
runt ;

Alterius dicas illa fuisse Jovis.

Curia, concilio quæ nunc dignissima tanto est,

10 De stipulâ, Tatio regna tenente, fuit.

Quæ nunc sub Phœbo ducibusque Palatia fulgent ;

Quid, nisi araturis pascua bubus, erant ?

Prisca juvent alios : ego me nunc denique natum

Gratulor. hæc ætas moribus apta meis.

15 Non quia nunc terræ lentum subducitur aurum ;

Lectaque diverso littore concha venit.

Nec quia decrescunt effosso marmore montes :

Nec quia cæruleæ mole fugantur aquæ.

Sed quia cultus adest ; nec nostros mansit in
annos

20 Rusticitas prisca illa superstes avis.

Ovidius

*Ovidius queritur omnia præter suam tristitiam tempore
diminui.*

- T**empore ruricolæ patiens fit tauris aratri,
Præbet et incurvo colla premenda iugo.
Tempore paret equus lentis animosus habenis,
Et placido duros accipit ore lupos.
- 5 Tempore Pœnorum compescitur ira leonum ;
Nec feritas animo, quæ fuit antè, manet.
Quæque sui monitis obtemperat Inda magistri
Bellua, servitium tempore victa subit.
- Tempus, ut extentis tumeat, facit, uva racemis,
10 Vixque merum capiant grana, quod intus
habent.
- Tempus et in canas semen producit aristas ;
Et ne sint tristi poma sapore facit.
- Hoc tenuat dentem terras renovantis aratri,
Hoc rigidas filices, hoc adamanta terit.
- 15 Hoc etiam sævas paulatim mitigat iras :
Hoc minuit luctus, mœstaque corda levat.
Cuncta potest igitur tacito pede lapsa vetustas
Præterquam curas attenuare meas.
- Ut patriâ careo ; bis frugibus area trita est :
20 Dissiluit nudo pressa bis uva pede.
- Nec quæsitâ tamen spatio patientia longo est ;
Mensque mali sensum nostra recentis habet.

Scilicet

Scilicet et veteres fugiunt juga curva juvenci :

Et domitus fræno sæpe repugnat equus.

25 Tristior est etiam præsens ærumna priore :

Ut sit enim sibi par, crevit, et aucta morâ est.

Nec tam nota mihi, quàm sunt, mala nostra
fuerunt :

Sed magis hõc, quo sunt cognitiora, gravant.

Est quoque non minimum, vires afferre recentes ;

30 Nec præconsumtum temporis esse malis.

Fortior in fulvâ novus est luctator arenâ,

Quàm cui sunt tardâ brachia fessa morâ.

Integer est nitidis melior gladiator in armis,

Quàm cui tela suo sanguine tincta rubent.

35 Fert bene præcipites navis modò facta procellas :

Quamlibet exiguo solvitur imbre vetus.

Nos quoque, quæ ferimus, tulimus patientiùs
antè ;

Et mala sunt longo multiplicata die.

Mala levantur fletu.

AT poteras, inquis, meliùs mala ferre silendo ;

Et tacitus casus dissimulare tuos.

Exigis, ut nulli gemitus tormenta sequantur ;

Acceptoque gravi vulnere flere vetas.

5 Ipse Perilleo Phalaris permisit in ære

Edere mugitus, et bovis ore queri.

Cùm

- Cùm Priami lacrymis offensus non sit Achilles;
 Tar fletus inhibes, durior hoste, meos.
 Cùm faceret Nioben orbam Latonia proles,
 10 Non tamen et ficcas jussit habere genas.
 Est aliquid, fatale malum per verba levare:
 Hoc querulam Progenem Halcyonemque facit.
 Hæc erat, in gelido quare Pœantius antro
 Voce fatigaret Lemnia saxa sua.
 15 Strangulat inclusus dolor, atque exæstuat intus:
 Cogitur et vires multiplicare suas.

Ad Corinnam Navigantem.

- P**rima malas docuit, mirantibus æquoris undis,
 Peliaco pinus vertice cæsa vias:
 Quæ concurrentes inter temeraria cautes
 Conspiciam fulvo vellere vexit ovem.
 5 O utinam, remò ne quis freta longa moveret,
 Argo funestas pressa bibisset aquas!
 Ecce fugit notumque torum sociosque Penates;
 Fallacésque vias ire Corinna parat.
 Quid tibi (me miserum!) Zephyros Eurósque
 timebo,
 10 Et gelidum Borean, egelidumque Notum?
 Non illic urbes, non tu mirabere sylvas.
 Una est injusti cærule forma maris.
 Nec medius tenues conchas pictosve lapillos
 Pontus habet: bibuli littoris illa morâ est.

Littora

- 15 Littora marmoreis pedibus signanda puellæ.
 Haëtenus est tutum : cætera cæca via est.
 Et vobis alii ventorum procelia narrent ;
 Quas Scylla infestet, quasve Charybdis aquas :
 Et quibus emineant violenta Ceraunia saxis :
 20 Quo lateant Syrtes, quove Malea sinu.
 Hæc alii referant. at vos, quod quisque loquen-
 tur,
 Credite : credenti nulla procella nocet.
 Serò respicitur tellus, ubi fune soluto,
 Currit in immensum panda carina salum ;
 25 Navita sollicitus et ventos horret iniquos,
 Et propè tam letum, quàm propè cernit aquam.
 Quid si concussas Triton exasperet undas ?
 Quàm tibi nunc toto nullus in ore color !
 Tum generosa voces fecundæ sidera Ledaë :
 30 Et, Felix, dicas, quam sua terra tenet !
 Tutius est fovisse torum ; legisse libellos ;
 Threiciam digitis increpuisse lyram.
 At, si vana ferunt volucres mea dicta procellæ,
 Æqua tamen puppi sit Galatea tuæ.
 35 Vestrum crimen erit talis jactura puellæ,
 Nereidésque Deæ, Nereidúmque pater.
 Vade memor nostrî, vento reditura secundo.
 Impleat illa tuos fortior aura sinus.
 Tum mare in hæc magnus proclinet littora Ne-
 reus :
 40 Huc venti spirent : huc agat æstus aquas.

- Ipsa roges, Zephyri veniant in lintea soli :
 Ipsa tuâ moveas turgida vela manu.
 Primus ego aspiciam notam de littore pinum ;
 Et dicam, nostros advehit illa Deos.
 45 Excipiâmq; humeris, et multa finè ordine
 carpam
 Oscula. pro reditu victima vota cadet.
 Inque tori formam molles sternuntur arenæ :
 Et tumulus mensæ quilibet instar erit.
 Illic apposito narrabis multa Lyæo,
 50 Penè sit ut mediis obruta navis aquis :
 Dúmque ad me properas, nec iniquæ tempora
 noctis,
 Nec te præcípites extimuisse Notos.
 Omnia pro veris credam, sint ficta licebit.
 Cur ego non votis blandiar ipse meis ?
 55 Hæc mihi quamprimùm cœlo nitidissimus alto
 Lucifer admisso tempora portet equo.

PROCELLA.

- M**E miserum, quanti montes volvuntur a-
 quarum !
 Jam jam tacturos sidera summa putes.
 Quantæ diducto subsidunt æquore valles !
 Jam jam tacturas Tartara nigra putes.
 5 Quocunque adspicias, nihil est nisi pontus et aër ;
 Fluctibus hic tumidis, nubibus ille minax.

Inter

Inter utrumque fremunt immani turbine venti.

Nescit, cui domino pareat, unda maris.

Nam modò purpureo vires capit Eurys ab ortu :

10 Nunc Zephyrus sero vespere missus adest :

Nunc gelidus siccâ Boreas bacchatur ab Arcto :

Nunc Notus adversâ proelia fronte gerit.

Pinea texta sonant ; pulsi stridore rudentes :

Aggemit et nostris ipsa carina malis.

15 Navita confessus gelido pallore timorem

Jam sequitur victam, non regit arte, ratem.

Utque parum validus non proficientia rector

Cervicis rigidæ fræna remittit equo :

Sic non quò voluit, sed quò rapit impetus undæ,

20 Aurigam video vela dedisse rati.

Felicem reditum NEÆRÆ optat Poeta.

QUID prodest cœlum votis implēsse, Neæra ?
Blandâque cum multâ thura dedisse
prece ?

Non ut marmorei prodirem è limine tecti

Insignis clarâ, conspicuûsque domo :

5 Aut ut multa mei renovarent jugera tauri,

Et magnas messes terra benigna daret :

Sed tecum ut longæ sociarem gaudia vitæ,

Inque tuo caderet nostra senectâ sinu.

Tunc, cùm permenso defunctus tempore lucis

10 Nudus Lethæâ cogeret ire rate.

- Nam grave quid prodest pondus mihi divitis auri?
 Arvâque si findant pinguia mille boves?
 Quidve domus prodest Phrygiis innixa columnis,
 Tænare, five tuis, five, Cariste, tuis?
 15 Et nemora in domibus sacros imitantia lucos?
 Auratæque trabes, marmoreûmque solum?
 Quidve, in Erythræo legitur quæ litore concha,
 Tinctâque Sidonio murice lana juvat?
 Et quæ præterea populus miratur, in illis
 20 Invidia est. falsò plurima vulgus amat.
 Non opibus mentes hominum, curaèque levantur:
 Nam Fortuna suâ tempora lege regit.
 Sit mihi paupertas tecum, jucunda Neæra.
 At finè te regum munera nulla volo.
 25 O niveam, quæ te poterit mihi reddere, lucem!
 O mihi feliciem tērque, quaterque diem!
 At si, pro dulci reditu quæcunque voventur,
 Audiat aversâ non meus aure Deus;
 Nec me regna juvent, nec Lydius aurifer annis,
 30 Nec quas terrarum sustinet orbis opes.
 Hæc alii cupiant. liceat mihi paupere cultu
 Securo carâ conjuge possè frui.
 Adfis, et timidis faveas, Saturnia, votis,
 Et faveas conchâ Cypria vecta tuâ.
 35 Aut, si fata negant reditum, tristēsque sorores,
 Stamina quæ ducunt, quæque futura neunt;
 Me vocet in vastos amnes, nigrâmq; paludem
 Dives in ignavâ luridus Orcus aquâ.

Dulcis

Dulcis Odor Lucri.

TURPE quidem dictu, sed (si modò vera
fatemur)

Vulgus amicitias utilitate probat.

Cura quid expediat priùs est, quàm quid sit ho-
nestum :

Et cum fortunâ stâtque cadítque fides.

5 Nec facilè invenias multis è millibus unum,

Virtutem pretium qui putet esse sui.

Ipse decor recti, facti si præmia desint,

Non movet, et grâtis pœnitet esse probum.

Nil, nisi quod prodest, carum est. i, detrahe
menti

10 Spem fructûs avidæ, nemo petendus erit.

At reditus jam quisque suos amat, et sibi quid sit

Utile, sollicitis supputat articulis.

Illud amicitiae quondam venerabile numen

Prostat, et in quæstu pro meretrice sedet.

SULPICIA Laudatur.

Sulpicia est tibi culta tuis, Mars magne, Ca-
lendis :

Spectatum è cœlo, si sapis, ipse veni.

Hoc Venus ignoscet. at tu, violente, caveto,

Nè tibi miranti turpiter arma cadant.

Illius

- 5 Illius ex oculis, cùm vult exurere Divos,
 Accendit geminas lampades acer Amor. *a*
 Illam, quicquid agit, quoquò vestigia flectit,
 Componit furtim, subsequiturque decos.
 Seu solvit crines, fufis decet esse capillis:
 10 Seu comfit, comitis est veneranda comis.
 Urit, seu Tyriâ voluit procedere pallâ:
 Urit, seu niveâ candida veste venit:
 Talis in æterno felix Vertumnus Olympo,
 Mille habet ornatus, mille decenter habet.
 15 Sola puellarum digna est, cui mollia caris
 Vellera det succis bis madefacta Tyros;
 Possideâtque, metit quicquid bene olentibus arvis
 Cultor odoratæ dives Arabs segetis;
 Et quascunque niger rubro de litore conchas
 20 Proximus Eois colligit Indus aquis.
 Hanc vos, Pierides, festis cantate Calendis,
 Et testudineâ, Phœbe superbe, lyrâ.
 Hoc solenne sacrum multos hoc sumet in annos.
 Dignior est vestro nulla puella choro.

LAUDES OSIRIDOS.

Primus aratra manu sollerti fecit Osiris,
 Et teneram ferro sollicitavit humum.
 Primus inexpertæ commisit semina terræ,
 Pomaque non notis legit ab arboribus.

- 5 Hic docuit teneram palis adjungere vitem :
 Hic viridem durâ cædere falce comam.
 Illi jucundos primum matura saporēs
 Expressa incultis uva dedit pedibus.
 Ille liquor docuit voces inflectere cantu,
 10 Movit et ad certos nescia membra modos.
 Bacchus et agricolæ magno confecta labore
 Pectora lætitiæ dissolüenda dedit.
 Bacchus et afflictis requiem mortalibus affert,
 Cruca licet dura compede pulsa sonent.
 15 Non tibi sunt tristes curæ, non luctus, Osiri ;
 Sed chorus, et cantus lenis, et aptus amor,
 Sed varii flores, et frons redimita corymbis,
 Fusa sed ad teneros lutea palla pedes,
 Et Tyriæ vestes, et dulcis tibia cantu,
 20 Et levis occultis conscia cista sacris.

TARTARA.

HEU! scelerata jacet sedes in nocte profundâ
 Abdita, quam circum flumina nigra sonant.

Tisiphoneque impexa feros pro crinibus angues
 Sævitur, et huc illuc impia turba fugit.

- 5 Hic niger in porta serpentum Cerberus ore
 Stridet, et æratas excubat ante fores :
 Illic Junonem tentare Ixionis ausi
 Versantur celeri noxia membra rotâ.

Por.

- Porrectusque novem Tityos per jugera terræ
 10 Adfiduas atro viscere pascit aves.
 Tantalus est illic, et circum stagna. sed acrem
 Jam jam poturi deferit unda sitim.
 Et Danaï proles, Veneris quæ numina læsit,
 In cava Lethæas dolia portat aquas.

LAUDES RURIS.

- R**URA cano, rurisque Deos. his vita ma-
 gistris
 Destituit quernâ pellere glande famem.
 Illi compositis primùm docuere tigillis
 Exiguam viridi fronde operire domum.
 5 Illi etiam tauro primùm docuisse feruntur
 Servitium, et plaustro supposuisse rotam.
 Tunc victus abiere feri, tunc insitâ pomus,
 Tunc bibit irriguas fertilis hortus aquas.
 Aurea tunc pressos pedibus dedit uva liquores,
 10 Mistaque securo est sobria lympa mero.
 Rura ferunt messes, calidi cum sideris æstu
 Deponit flavas annua Terra comas.
 Rure levis verno flores apis ingerit alveo,
 Compleat ut dulci sedula melle favos.
 15 Agricola adfiduo primùm lassatus aratro
 Cantavit certo rustica verba pede:
 Et satur arenti primùm est modulatus avena
 Carmen, ut ornatos diceret ante Deos.

Agricola

- Agricola et minio suffusus, Bacche, rubenti
 20 Primus inexpertâ duxit ab arte choros :
 Huic datus à pleno memorabile munus ovili
 Dux pecoris hircus, duxerat hircus oves.
 Rure puer verno primùm de flore coronam
 Fecit, et antiquis imposuit Laribus.
 25 Rure etiam teneris curam exhibitura puellis
 Molle gerit tergo lucida vellus ovis.
 Hinc et foemineus labor est, hinc pensa colusque ;
 Fusus et apposito pollice versat opus.
 Ipse interque greges, interque armenta Cupido
 30 Natus, et indomitas dicitur inter equas.
 Illic indocto primùm se exercuit arcu.
 Hei mihi quam doctas nunc habet illa manus !

Nil nisi quod prodest, Carum est.

- N**UM quid erit, quare solito dignemur ho-
 nore
 Numina, si demas velle juvare Deos ?
 Jupiter oranti surdas si præbeat aures ;
 Victima pro templo cur cadat icta Jovis ?
 5 Si pacem nullam Pontus mihi præstet eunti,
 Irrita Neptuno cur ego thura feram ?
 Vana laborantis si fallat vota coloni,
 Accipiat gravidæ cur suis exta Ceres ?
 Nec dabit intonso jugulum caper hostia Baccho,
 10 Musta sub adducto si pede nulla fluant.

Cæsar ut imperii moderetur fræna, precamur ;
 Tam bene quo patriæ consulit ille suæ.
 Utilitas igitur magnos hominésque Deósque
 Efficit ; auxiliis quoque favente suis.

*Patria sua, SULMO, absente Dominâ, parum
 placet NASONI.*

- P**ARS me Sulmo tenet Peligni tertia ruris ;
 Parva, sed irriguis ora salubris aquis.
 Sol licèt admoto tellurem fidere findat,
 Et micet Icarîi stella proterva canis ;
 5 Arva pererrantur Peligna liquentibus undis :
 Et viret in tenero fertilis herba solo.
 Terra ferax Cereris, multoque feracior uvæ :
 Dat quoque bacciferam Pallada gratus ager :
 Pérque resurgentes rivis labentibus herbas
 10 Gramineus madidam cespes obumbrat humum.
 At meus ignis abest. verbo peccavimus uno.
 Quæ movet ardores, est procul ; ardor adest.
 Non ego, si medius Polluce et Castore ponar,
 In cœli sinè te parte fuisse velim.
 15 Solliciti jaceant, terrâque premantur iniquâ,
 In longas orbem qui secuere vias.
 Aut juvenum comites jussissent ire puellas,
 Si fuit in longas terra secanda vias.
 Tum mihi, si premerem ventosas horridus Alpes,
 20 (Dummodo cum dominâ) molle fuisset iter.

Cum

- Cum dominâ Libycas aufim perrumpere Syrtes,
 Et dare non æquis vela ferenda Notis.
 At finè te, quamvis operosi vitibus agri
 Me teneant, quamvis amnibus arva natent,
 25 Et vocet in rivos parentem rusticus undam,
 Frigidâque arboreas mulceat aura comas;
 Non ego Pelignos videor celebrare salubres:
 Non ego natalem rura paterna locum;
 Sed Scythiam, Cilicâsque feros, viridêsque Bri-
 tannos,
 30 Quæque Promotheo saxa cruore rubent.
 Ulmus amat vitem, vitis non deserit ulmum.
 Separor à dominâ cur ego sæpe meâ?
 At mihi te comitem jurâras usque futuram,
 Per me, pèrque oculos sidera nostra tuos.
 35 Verba puellarum, foliis leviora caducis,
 Irrita, quò visum est, ventus et unda ferunt.
 Si qua mei tamen est in te pia cura relictî;
 Incipe pollicitis addere facta tuis:
 Parvâque quamprimum rapientibus effeda mannis
 40 Ipsa per admissâs concute lora jubeas.
 At vos, quâ veniet, tumidi subsidite montes:
 Et faciles curvis vastibus este viæ.



Tragædia, ne scribat Elegos, deterret Poetam.

STAT vetus et multos incædua sylva per
annos.

Credibile est illi numen inesse loco.

Fons facer in medio, speluncæque pumice pen-
dens :

Et latere ex omni dulce queruntur aves.

5 Hic ego dum spatior tectus nemoralibus umbris,
Quod mea, quærebam, Musa moveret opus.

Ingenti venit violenta Tragædia passu.

Fronte comæ torvâ, palla jacebat humi.

Læva manus sceptrum latè regale movebat :

10 Lydius alta pedum vincla cothurnus erat.

Et prior, Ecquis erit, dixit, tibi finis amandi,

O argumenti lente poëta tui !

Nequitiam vinosa tuam convivia narrant :

Narrant in multas compita secta vias.

15 Sæpe aliquis digito vatem designat euntem :

Atque ait, Hic ille est, quem ferus urit Amor.

Fabula (nec sentis) totâ jactaris in urbe ;

Dum tua præterito facta pudore refers.

Tempus erat thyrsu pulsum graviore moveri.

20 Cessatum satis est : incipe majus opus.

Materiâ premis ingenium. cane facta virorum :

Hæc animo, dices, area digna meo est.

Quod

- Quod teneræ cantent, lusit tua Musa, puellæ ;
 Primâque per numeros acta juventa suos.
 25 Nunc habeam per te Romana Tragœdia nomen.
 Implebit leges spiritus iste meas.

JUNONIS SACRA.

- CUM mihi pomiferis conjux foret orta Faliscis ;
 Mœnia contigimus victa, Camille, tibi.
 Casta sacerdotes Junoni festa parabant
 Per celebres ludos, indigenâmq; bovem.
 5 Grande moræ pretium, ritus cognoscere : quamvis
 Difficilis clivis huc via præbet iter.
 Stat vetus, et densâ prænubilus arbore lucus.
 Aspice ; concedas numen inesse loco.
 Accipit ara preces, votivâque thura piorum ;
 10 Ara per antiquas facta sinè arte manus.
 Hinc ubi præsonuit sollenni tibia cantu ;
 It per velatas annua pompa vias.
 Ducuntur niveæ populo plaudente juvencæ,
 Quas aluit campis herba Falisca suis :
 15 Et vituli nondum metuendâ fronte minaces ;
 Et minor ex humili victima porcus harâ :
 Dûxque gregis cornu per tempora dura recurvo.
 Invisa est dominæ sola capella Deæ.

Illius

- Illius indicio sylvis inventa sub altis
 20 Dicitur inceptam desituisse fugam.
 Nunc quoque per pueros jaculis incessitur index :
 Et pretium auctori vulneris ipsa datur.
 Quà ventura Dea est, juvenes timidaëque puellæ
 Præsternunt latas veste jacente vias.
 25 Virginei crines auro gemmæque premuntur :
 Et tegit auratos palla superba pedes.
 More patrum Graio velatæ vestibis albis
 Tradita supposito vertice sacra ferunt.
 Ore favent populus, tunc cùm venit aurea pompa :
 30 Ipsa sacerdotes subsequiturque suas.
 Argiva est pompæ facies. Agamemnone cæso
 Et scelus et patrias fugit Hælus opes.
 Jamque pererratis profugus terræque fretoque
 Mœnia felici condidit alta manu.
 35 Ille suos docuit Jūnonia sacra Faliscos.
 Sint mihi, sint populo semper amica suo.

OVIDIUS *Elegos repudiat.*

QUÆRÈ novum vatem, tenerorum mater
 Amorum :

Raditur hìc elegis ultima meta meis.

Quos ego composui Pelsigni ruris alumnus :

Nec me deliciae dedecuerunt meae.

- 5 Si quid id est, usque à proavis vetus ordinis hæres,
 Non modò militiæ turbine factus eques.

Mantua

- Mantua Virgilio gaudet, Verona Catullo :
 Pelignæ dicar gloria gentis ego :
 Quam sua libertas ad honesta coëgerat arma,
 10 Cùm timuit socias anxiam Roma manus.
 Atque aliquis spectans hospes Sulmonis aquosi
 Moenia, quàm campi jugera pauca tenent ;
 Quæ tantum, dicet, potuistis ferre poetam,
 Quantulacunque estis, vos ego magna voco.
 15 Culte puer, puerique parens Amathusia culti,
 Aurea de campo vellite signa meo.
 Corniger increpuit thyrsos graviore Lyæus :
 Pulsanda est magnis area major equis.
 Imbelles Elegi, genialis Musa, valete ;
 20 Post mea mansurum fata superstes opus.


Carmina GERMANICO promittit NASO.

- N**ON tibi de Pario statuam, Germanice,
 templum .
 Marmore. carpsit opes illa ruina meas.
 Tempia domus vobis faciant urbisque beatæ ;
 Naso suis opibus carminis gratus erit.
 5 Parva quidem fateor pro magnis munera reddi,
 Cùm pro concessâ verba salute damus.
 Sed qui, quàm potuit, dat maxima, gratus abunde
 est ;
 Et finem pietas contigit illa suum.

Nec,

- Nec, quæ de parvâ Dîs pauper libat acerrâ,
 10 Thura minùs, grandi quàm data lance, valent.
 Agnâque tam lactens, quàm gramine pasta Falisco,
 Victima Tarpeios inficit ista focos.
 Nec tamen, officio vatum per carmina factò,
 Principibus res est gratior ulla viris.
 15 Carmina vestrarum peragunt præconia laudum :
 Néve fit actorum fama caduca, cavent.
 Carmine fit vivax virtus ; expèrsque sepulcri,
 Notitiam seræ posteritatis habet.
 Tabida consumit ferrum lapidémque vetustas ;
 20 Nullâque res majus tempore robur habet.
 Scripta ferunt annos : scriptis Agamemnona nôsti ;
 Et quisquis contrâ, vel simul arma tulit.
 Quis Thebas septémque duces finè carmine nôstet,
 Et quicquid post hæc, quicquid et antè fuit ?
 25 Dî quoque carminibus (si fas est dicere) fiunt :
 Tantâque majestas ore canentis eget.
 Sic Chaos, ex illâ naturæ mole prioris,
 Digestum partes scimus habere suas :
 Sic affectantes cœlestia regna Gigantas,
 30 Ad Styga nimbifero vindicis igne datos.
 Sic victor laudem superatis Liber ab Indis,
 Alcides captâ traxit ab Oechaliâ.
 Et modò, Cæsar, avum, quem virtus addidit
 astris,
 Sacrârunt aliquâ carmina parte tuum.

- 35 Si quid adhuc igitur vivi, Germanice, nostro
 Restat in ingenio, serviet omne tibi.
 Non potes officium vatis contemnere vates :
 Judicio pretium res habet ista tuo.
- 40 Quòd nisi te nomen tantum ad majora vocâsset,
 Gloria Pieridum summa futurus eras.
 Sed dare materiam nobis, quàm carmina, mavis :
 Nec tamen ex toto deferere illa potes.
 Nam modò bella geris, numeris modò verba
 coërces,
 Quòdque aliis opus est, hoc tibi ludus erit.
- 45 Utque nec ad citharam, nec ad arcum segnis
 Apollo est ;
 Sed venit ad sacras nervus uterque manus ;
 Sic tibi nec docti, nec defunt principis artes :
 Mista sed est animo cum Jove Musa tuo.



F I N I S.

The following BOOKS are Printed by
J. POTE, for the Use of Schools.

G R E E K.

G R E E K Grammar.

Hederici Lexicon Græco-Latinum.

Schrevelij Lexicon Græco-Latinum.

Æsopi Fabulæ, Gr. Lat. cum novis Notis.

Sophoclis Tragœdiæ, a Johnson, 3 vol. 8vo.

Euripidis Tragœdiæ, 2 vol. 8vo. Edit. nova.

——— Medæa, Gr. Lat. 4to.

Aristophanis Comœdiæ, Gr. Lat. a Leng.

Lucian, Gr. Lat. per Kent.

Demosthenis Orat. Gr. Lat. per Mounteney.

Clavis Homerica, Edit. nova.

Orationes Funebres, Gr. Lat. a Bentham.

5 FEB 66

L A T I N.

Ainsworth's Latin and English Dictionary.

Coles's Latin and English Dictionary.

Phædri Fabulæ, cum Notis.

Nomenclator.

Evangelia; ex N. Testamento.

Preces Collegii Etonensis.

Electa majora ex Ovidio, &c.

Electa minora ex Ovidio, &c.

Willymot's Larger Examples.

———'s Shorter Examples.

———'s Peculiar Use of Latin Words.

Leed's English Examples.

Garretson's English Examples.

Prosodia, for the Use of young Beginners, by T. M.

Clerici Compendium Historiæ Universalis.

Terentius, Virgilius, Horatius, Ovidii Metamorph.

Fasti & Epistolæ, Tullii Orationes, Cæsaris Com-

mentar. in Usum Delph. and other Editions.

Richardson